

عزیز نسین

اوله نیش راهنماسی



تیلماج: محمد حلیم یارقین

قویاش ۱۴۰۳ / م. ۲۰۲۴

عزیز نسیین

اوپله نیش (ازدواج) راهنماسی!

تیلماج: محمد حلیم یارقین

کابل: قویاش ۱۴۰۳.م/۲۰۲۴

کتاب بېلگيلری:

کتاب آتی: اویله نیش راهنماسی!

يازووچی: عزیز نسين

تيلماج: محمد حليم يارقين

اثر توری: بدیعی نثر- طنز

ترقلگن ییلی: قویاش ۱۴۰۳.م/۲۰۲۴

ترقلگن ییری:

سانی:

مقوا طرحی: ضیایی، دکتور نجیبه

بېتلر بهزه کچیسی: توران، محبوب الله

بسم الله الرحمن الرحيم

«مېن اوچون هيچ قنداق چېگره تصور بۇلالمەيدى. قلميم بيلن
دنيانينگ هر بير چېكەسىدە انسانلردن بير قيينچىلىك يا بير نالەنى
اېشيتسم-دە، اولرنى يازەمن و بوتون عالم قولايىگە يېتكزەمن.»
"عزيز نسين"



فهرست

- قىسقە كىرىش سۆز ۱
- تىلماچ نىنگ طنزى اثرلىرى ۱
- عزيز نىسن نىنگ اۋزى يازگن ترجمە ھالى ۱
- اويلە نىش (ازدواج) رەنماسى ۱۱
- چقىرىقنامە ۱۸
- سىز نىنگ اۈلكە دە اېشك يۇق مى؟! ۲۸
- ھلال زادە كىشى ۵۴
- يوتىش (موفقىت) يۇللرى ۵۸
- ھوش نابغەسى ۶۶
- بو بىلن قوتلەيمىن! ۷۸
- يورتداشلىرى، مقاومت قىلىنگىلر! ۸۶
- برچە سوچ (گناھ) اۋزىنگىدە! ۹۶
- اصل و نىسبىلى تىلمىچى ۱۰۷
- طبابت معجزەسى! ۱۱۲
- بىر چېت اېللىك استانبول دە ۱۲۵

قيسقه كىرىش سۆز

۱۳۴۴-۴۶ يىللار سرپل شەھرى منھاج سراج اۋرتە مەكتەپدە (ھازىر لىسە) اۋقىب يۈرگەن چاغلاردا كۆپراق قىسقىچە داستانلار، ناوللار و رومانلارنى زۆر اشتياق و مەراق بىلەن اۋقىر اېدىم. بو اثرلار اساساً ايرانلىك يازوۋچىلار (مەھمەد ەلى جەمالزادە، ەصادق ەھدايت، ەصادق چۆبەك، جواد ەفاضل، ەھسەينەلى مەستەھان، ارونقى كەرمەنى، امير ەشىرى، مەھمەد ەھجازى، پەروىز قاضى سەيد، ەھمەزە سەردادور، ...) و ايران تەرجەمانلىرى ارقەلى فارىس تەلىپدەگى جودە كۆپ چەت اېل يازوۋچىلارنى (ماكسىم گوركى، تولستوى، چەخوف، گوگول، داستايفسكى، چەنگىز ايتەماتوف، غەفور غلام، ەبداللە قەھار، الكساندر دوما، ژان ژاك روسو، وىكتور ەوگو، بالزاك، جەك لندەن، ارنست ەمىنگوى، اناتول فرانس، ژول ورن، جەرجى زەيدان، ەزىزە نەسىن، ...) و افغانىستانلىك يازوۋچىلاردەن (ەزىزالرحمەن ەفتى، اسداللە ەھىب، رەھنورد زەرياب، جلال نورانى، ...) نىڭگە اثرلارنى اېدى. يازوۋچىلارنىڭ بو فەھرىستى تولىق اېمەس، لېكىن.

كۆرۈپ تۈرگەنىڭىزدەك، يازوۋچىلارنىڭ كۆرە اثرلار ەشقى، تارىخى، پولىسى، جەنايى، فىلىفى، سىياسى كىي تۈرلى مۈزۈعلەردە بۆلگەن. او پەتلەردە، مەندە مەطالەھە و كەتاب اۋقىش اشتياقى جودە كوچلى اېدى. ەتتى بىر كەتابنى بىر كېچەدە تۈگەتەر اېدىم، دېسە مەبالغە اېمەس.

بو کتابلرنی رحمتلی بابام (استاد قاری عظیمی) و رحمتلی آتەم (ذره عظیمی) لرنینگ میده کتابخانەلری، افغانستان خلق دموکراتیک حزبى سرپل بۆلیمى کتابخانەسى (عبدالستار گلشنى اوییده)، حرمتلى محمد قیوم عزیزى و محمد یحیى حفیظى لرنینگ شخصی کتابخانەلریدن آلیب اؤقیر اهدیم. اینیسە حزب، عزیزى و حفیظى کتابخانەلریده جودە کۆپ کتاب بار اهدى. بولردن تشقرى، صنفداشلر و اورتاقلر هم بیر-بیریمیزنینگ کتابلریمیزدن فایده لەنر اهدیک. قیسقەسى، قۆلگە ایلینگن کتابنى البتە اؤقیب چیقیر اهدیم. مەن انە اۆشە عجایب چوچوک یاشلیک دورده، مشهور تورک طنزیسی عزیز نەسین اثرلری بیلن تانیش بۆلیب، اۆتە مراق و اشتیاق بیلن اؤقیگنم. بو آقیم کەین هم بوتون عمر بۆیى حاضرگچە دوام اېتماقده. دېمک، مشهور فزیک عالمى ایزاک نیوتن "مەن اوزاقلرنى بویوک انسانلرنینگ یېلکەسیدن تورېب کۆرالمەمەن" دېگنیدېک، بدیعى نثرده انە شو بویوک یازووچیلرنینگ اثرلری مېنگە دە تورىکی و یۆللەوچى بۆلیب کېلگن. اینیسە طنزیلیکده عزیز نەسین اثرلری نینگ تأثیری جودە کۆپ بۆلگن. قرەنگ کە، ییللر اؤتیب مەن هم خدا بېرگن آزگینە "طنز" استعدادى طفیلی "طناز" لر جرگە سیگە قوشیلیب، نېچە ییلدن بېرى شو ترماقده قلم تېرەتیب کېلماقدهمەن.

بو آقیمده اۆز ایجادى ایشیمدن تشقرى، اۆلکەمیز و چېت اېل طنزیلری اثرلریدن دە(هم) اۆزبېک تېلیگە اؤگىرىش و سېویملى تیلداشلریمیزگە یتکەزىش اۆى و ریجەسى تاپیلدى. شونگە کۆرە، بیرینچى ایش افغانستان تانیقلى طنزیسى جلال نورانى نینگ بیر نېچە داستانینى اۆزبېکچەگە اؤگىرىب، اونى ۱۳۹۲ یىلى "بو اۆشە بېچارەگینە!" عنوانلى کتابده

نشر اېتديک. بو کتاب، افغانستان بديعی نثر ترجمه سی بويچه، طنز ترجمه سی ترماغی نینگ باسیلیب چیققن بیرینچی مستقل کتابی اېدی.

عزیز اوڤووچیلر، منه یوقاریده اېسلنگن اوشه اوی و ریجه گه کوره، طنز ترجمه سی بويچه اېکینچی طنزلر توپلمی قۇلینگیزده. کتابده گی ۱۵ ته طنزنینگ دېرلی برچه سی، قرداش تورکیه نینگ عالمشمول بویوک یازوچیسی رحمتلی "عزیز نېسین" نینگ داستانلریدن عبارت دیر.

کتابده گی طنزلر ایران تیلماجلری ارقه لی فارسچه گه اؤگیریلیب، ایرانده باسیلیب چیققن کتابلر یا هم انترنت سایتلریدن تئلب آلینگن. اولرنینگ کؤپلری سوژه و مضمون نقطه نظرده جامعه میزده گی موضوعلر و خلقیمیز عرف - عادتلیرگه ماس دیر. اولرده عکس اېتتیریلگن نارسالیکلر، توبنلیکلر و کمچیلیکلر حاضر هم جامعه میزده بیداد قیلیب، خلقیمیزی اېزیب تورگن.

ترجمه قیلینگن طنزلرنینگ مضمونی و اؤتکیر تنقیدی تیلی و کولگیلی اؤزه للیکلری، تیلیمیز اؤزه للیکلری (خصوصیتلری) و امکانتیلرگه کؤره سقله نیب قالیشده تالاش بؤلگن.

دېمک توپلمده گی طنزلر، سیز سېویملی اوڤووچیلرگه هم مراقلی و قیزیق بوله دی، دېب اومید قیله من.

حليم يارقين

سويدن - استكهلم

قوياش ۲۰۲۴.م/۱۴۰۳

محمد حليم يارقين

(قوياش ۱۳۲۹/م. ۱۹۵۱/سرپل)

محمد حليم يارقين علمي- ادبي و فولكلور تحقيقات ساحه لردن تشقري، بديعي نثريننگ طنز (هجويه) ساحه سیده هم قلم تېره تيب کېلماقده. او، چمه سی قوياش ۱۳۸۴- يیلدن باشلې طنز حکایه لړینی یازه باشلە گن. حليم يارقين نينگ طنز حکایه لړی افغانستان، اوزبېکستان و تورکيه اؤلکه لری همده انترنت ترماقلا ریده نشر بولیب کېلماقده. او، بو ساحه ده (۱۰۰) دن آرتیق حکایه و قیسقه طنز یازگن. اونینگ ۷ عنوان اوزبېکچه طنزلر تۋپلمی، ۳ ته فارسچه تۋپلمی همده ۴ ته هم اۋگیرمه (ترجمه) کتابی نشر بولگن.

حليم يارقين ميلادي ۲۰۰۷-يیلى، اوزبېکستانده "مشتوم" ژورنالی و "افندی" جریده سی تماندن اۋتکزىلگن بېلشوو (مسابقه) ده، طنز (هجويه) بۋيیچه بیرینچی اۋرین و مخصوص ساورین آلیشگه اېریشگن.

حليم يارقين نينگ ۲۰ يیل چۋزیغیده ترقلگن طنز کتابلری:

الف) اۋزبېکچه کتابلر:

۱. وکالت دغدغه لری!، کابل: قوياش ۱۳۸۶-يیل.
۲. ینگى رئیس هم کېلدى!، کابل: قوياش ۱۳۸۶-يیل.
۳. بیز اعلانلر تخته سیمیز!، کابل: قوياش ۱۳۸۹-يیل.

۴. دهیدی ایتلر کمپانی!، کابل: قویاش ۱۳۸۹-ییل.
۵. سؤکیش هم پول بؤلرکن!، کابل: قویاش ۱۳۸۹-ییل.
۶. حاجی تریشر!، کابل: قویاش ۱۳۹۲/م. ۲۰۱۳-ییل.
۷. بیز نېگه اوروشه ميز؟!، کابل-انقره: قویاش ۱۳۹۹-ییل.

ب) فارسجه کتابلر:

۸. راز تشنابها!، کابل: قویاش ۱۳۹۲-ییل.
۹. نمایش عجیب!، کابل: قویاش ۱۳۹۲-ییل.
۱۰. کمپاین سگهای ولگرد!، کابل: قویاش ۱۳۹۲-ییل.

ج) اوْگیرمه (ترجمه) لر:

۱۱. بو اؤشه بیچاره گینه!، جلال نورانی، کابل: قویاش ۱۳۹۲.
۱۲. شعر شیداسی!، عزیز نسین، انترنت ترماغی/pdf، ۱۴۰۳.
۱۳. بیر جفت لعنتی جوراب!، عزیز نسین، انترنت ترماغی: ۱۴۰۳.
۱۴. اوילה نیش راهنماسی!، عزیز نسین، انترنت ترماغی، ۱۴۰۳.

عزیز نىسەن نىنگ اۋزى يازگن ترجمە ھالى

آتەم اۋن اوچ ياشلرئىدە آناتولى قىشلاقلىرى نىنگ بىرىدن استانبولگە كېلدى. آنەم ھەم چەقەلاقلىگىدە آناتولى نىنگ تەغىن باشقە بىر قىشلاغىدن استانبولگە كېلدى. اولر سفر قىلىشگە مجبور اېدىلر، چونكە مېنىنگ توغىلىشىم اوچون اولر بىر-بىرلىرى بىلن اوچرەشىپ، اويلنماقلىرى كېرەك اېدى-دە.

مېنىنگ تىلش ھقىم يۇق اېدى، شونىنگ اوچون جودە ناقولەى بىر پىت، بىرىنچى جھان اوروشى نىنگ اېنگ كىتىف كونلرىدن بىرىدە، ۱۹۱۵-يىلى؛ "ھىلى آزالى" اتلى يمان بىر يېردە توغىلدىم. "ھىلى" استانبول يىقىندە جايلىشگن تۈركىيە بايلىرى نىنگ يىلاقى دىر. بايلر، كىمغىللىرىز يىشالماگىلىكلرى اوچون، يىزلر ھەم اۋشە آزال(جىزىرە) دە يىش اېدىك.

بو سۆزلر بىلن اۋزىمنى بختسىز بىر آدم اېدىم، دېماقچى اېمسەن. عكسىنچە، باى-بىدولت، نىجىب-زادە و تانىقلى بىر عايىلەدن بۆلمەگىم اوچون خوش شانسەن.

آتىم "نصرت" اېدى. نصرت عربچە بىر سۆز بۇلىپ، مەناسى "تېنگرى نىنگ ياردەمى" دىر. بو آت عايىلەمىز اوچون جودە قولەى و اۋرىنلى اېدى. چونكە اولردە تېنگرىدن اۋزگە اومىد يۇق اېدى.

قدىم اسپارتالار، ضعيف و كوچسىز بالەلرىنى اۆلدۈرىپ، يلغوز كوچلى و ساغلام بالەلرنى باقىپ، واپەگە يېتكەزر اپكىنلر. بىراق، بىز توركلر اوچون اوشبو ايش يا آقىم (جریان) طبیعت و جامعه ارقەلى عملگە آشیریلر اېدى. تۆرتتە اوکەم محیط نینگ ناقولەى شرایطگە چیدالمەى، چقەلاقلىکلریدە اۆلگنلر دېسم، تیریک قالماق اوچون قنچەلر شلە و کلەشق آدم اپكىمنى بیلهسىز. لیکن آنەم ۲۶ یاشیدە اۆلدی و بو گۆزەل دنیانی كوچلیلرگە قۇییب كېتدی.

سرمایه دارلیك اۆلكەلردە، شرایط سوداگرلرگە و سوسیالیستیک اۆلكەلردە اېسە یازووچیلرگە قولەى دیر. یعنی معیشت، عقلی بۆلگن کیشی سوسیالیستیک جامعهده یازووچی بۆلیشى و سرمایه دارلیك جامعهده اېسە سوداگر بۆلیشى کبرەك. بىراق، یریم یا کیچیک سرمایه دار بیر اۆلكە بۆلگن تورکیهده یشب تورگن عایله میزده کیشی سوادلی بۆلمەگن. بىراق مېنى قرەنگە که یازووچی بۆلیشگە تصمیم آلدیم.

آتەم، بالەلریگە فکرلش اصولینی اۆرگەتەدیگن برچە یخشی آتەلردېك مېنگە: "بو یازووچیلیك دېگن احمقانه فکرنی اونوت، یشەماغینگ اوچون بیرار یخشی و شرافتمندانه ایشنی اۆیلەگین"، دېب توصیه قیلدیلر! بىراق مېن سۆزلىرىگە قولاق آسمەدیم.

کلەشقلیگیم همان دوام اېتماقده اېدى. یازووچی بۆلیب، قلمنى قۇلیمگە آلیشنى ایستردیم، بىراق قۇلگە میلتیق برەدیگن مکتبگە باردیم.

تورموشىم نىنگ بىرىنچى يىللىرىدە اۋزىم ياقىتىرەدىگن ايشلارنى قىلالمەدەيم. قىلەدىگن ايشلارنىمى ياقىتىرمىس اېدىم. يازووچى بۇلماقچى اېدىم، بىراق عىسكر بۇلدىم. او زمانلردە، كىمبىل و بولسىز بالەلر تېكىن درس اۋقىي آلەدىگن مەكتەپ، حربى مەكتەپلەرگىنە اېدى. شونىنگ اۋچون، شو مەكتەپلەرنىنگ بىرىگە كىرىشكە مەجبور بۇلدىم.

مىلادى ۱۹۳۳-يىل

دايمىگىدەك كىچ يېتىپ باردىم. بو سفر برچە چىرايلى آتلر توگەگن اېدى و افتخار قىلەدىگن بىرار عايلوى آت (تەخلص) قالماگن اېدى. "نسىن = نې سېن؟" نى قبول قىلىشكە مەجبور بۇلدىم. يعنى "سېن نىمە سن؟" درواقى ھىروقت آتىمنى چقىرگنلرىدە، نىمەلىگىم حەقىدە اۋىلىشنى اىستىر اېدىم.

۱۹۳۷-يىلى افسر بۇلدىم. ناپليون بۇلدىم. ايشانمەسىزلىرىمى؟ مېن ھىنوز ناپليونلردن بىرى اېدىم. برچە يىنگى افسەرلر اۋزلىرىنى ناپليون، دەپ اۋىلر اېدىلر. بو كىسلىك ايرىملرىدە علاجىسىز اېدى و عىمرلىرى نىنگ اداغىگچە دوام اېتر اېدى. بعضىلىرى اېسە بىرآز مدتدن سۇنگ ساغەلر اېدىلر. "ناپليونىت" خوفلى و يوقىملى بىر كىسلىك بۇلىپ، بېلگىلىرى بولردن عبارت دىر: كىسلر ناپليوننىنگ شەكىستلىرىگە اېمىس، بلكە غلبەلىرىگە گىنە اۋىلەيدىلر. اولر بىر نەقشە قرشى سىگە تورىپ، بىر قىزىل قەلم بىلن بېش دىقىقە اىچىدە بوتون دىنانى فتح قىلەدىلر و كېيىن بو دىنيا نېگە مونچە كىچىك دىر، دەپ قىغورۇلر. اولر، اىستىمەسى جودە يوقارى بۇلگن كىمەسلەردەك، الجىرەيدىلر. باشقە

خطرلر هم بار. کهنگی باسقیچ (مرحله)لرده اولر اؤزلرینی امیر تهمور، چنگیزخان، آتیلا، هانیبال یا حتی هیتلر، دهب هم اویشلری ممکن!

مهن ییگیرمه ایکی-ییگیرمه اوچ یاشلی تازه نفس یاش افسر صفتیده، قیسقه مدته بیر قیزیل قلم بیلن دنیانی تسخیر قیلشگه اهریشدیم. ناپلیونلیک عقدده بیر یا ایکی ییل چوزیلدی. بو مدته هیچ قچان فاشیسم گه تمایلیم یوق ایدی. یاشلیگیمدن نمایشنامه یازووجیسی بولیشنی ایستردیم. اردو ده، پیاده قطعه لر، توپخانه و تانک بار ایدی. بیراق نمایشنامه نویسلیک قطعه سی یوق ایدی. شونینگ اوچون، او یپردن چیقیش یوللرینی ایزلر اهدیم. نهایت، ۱۹۴۴ نچی ییلی قوتیلیب، ابرکین بولدیم.

أیریم افسرلر، حتی جنرال بؤلگنلریدن سؤنگ هم شعر یا رومان یازیش ارمانیده بوله دیلر. بولر اؤزلری اوچون اہمس، باشقه لرگه یاقیملی بؤلماق اوچون شو حسرتده لر، البته. لیکن بیر اہلیک یشر شاعر اردونینگ قوماندانی بوله من دہسه ده، نظرلریده احمقانه و بی معنا ایستک تویله دی!

عسکرلیک دوریده داستان یازماققه باشله دیم. او پیتلرده، روزنامه لرده مطلب بیتهدیگن افسر اؤزیدن یوقاری بؤلگن افسرلر و باشلیغلری تماندن یاقیتیرلمس ایدی؛ شونینگ اوچون، مهن اؤز آتیم بیلن بیتمس اهدیم، آتہم نینگ آتی - "عزیز نسین" بیلن ایشلر اهدیم. شونداق قیلیب، اؤزیم نینگ آتیم "نصرت نسین، تانیلمہ ی قالیب، اونوتیلدی.

اولر مہنی یاش یازووجی صفتیده تانیر اہدیلر. حال بو که آتہم قری کیشی اہدی و قیزیغی شوکه، بیر بؤلہ قیسی دیر اداره گه ایش بویچه باریب،

اۋزىنى "عزیز نسين" من، دېب تانىتكنیده كىشى سۈزىگە ايشانمەگن اېمىش. او وفات يېتگۈنىچە هم "عزیز نسين" اېكنلىگىنى اثباتلش اوچون تلشدى!

نېچە يىلدىن ساره، كتابلریم اۋزگە تىللرگە ترجمە قىلىنگندىن كېين "عزیز نسين" آتىگە حوالە بۇلگن حق التاليفيم نى آلماقچى بۇلدىم. ليكن بو آتگە مېنى تن آلمەدىلر. چونكه تذکره ده آتیم "نصرت نسين" اېدى و "عزیز نسين" اېكىم نى اثبات قىلماق اوچون جوده سرسان بۇلىب، كۆپ كوره شدیم. بوكولردە شاعرمن، دېب اۋىلب يورگنلرينىڭ كۆپلرى، ايتگن

نرسەلرینى شعر دېب اۋىلەيدىلر، چونكه شعرگە هيچ قنداق ارزش و احترام قايل اېمىسلىر-ده! شاعرلىك بويوك بير هنر، دېب اۋىلەيمىن. يىخى شاعر بۇلالمەگن كۆپل بيازووچىلر، موفق و تانيقلى يازووچى بۇلىشگە مجبور بۇلدىلر. بونى اۋز حقيمدە ائتمەيمىن، چونكه قنداق قىلىب يمان شعر اېتىش ممكن ليگىنى كۆرستگن من. مېنىڭ شعرلريمگە كۆپراق اعتبار بېرىلىش سېبى، اولرنيڭ گۈزەللىگى اوچون اېمىس، بلكه اولرنيڭ اداغيدە بير خاتين كىشى نىڭ آتى يازىلگنى اوچون دىر. شعرلرمنى بير مستعار خاتين آتى يىلن نىش قىلگن من. بو آتگە اتب جوده كۆپ سېوگى نامەلر يازىلگن اېدى!

بالەليگىمدىن مردم نىڭ كۆز ياشلرینی آقىزەديگن مطلبلرینی يېتىشنى آرزو قىلر اېدىم. شو اىستىك يىلن بير داستان يازىب، مجلەلردن بيرىگە آلىب باردیم. مەسئول مدير اۋقىب، اونىڭ اصل ماهيتىنى توشىنمەي، يىغلىش اۋرنىگە قاه-قاهلەب يوكسك كۆلدى. برچەلر كولگنلريدن سۇڭك البتە، او كۆز

یاشلرینی اریتیشگه مجبور بولیب: "جوده عالی، شونداق داستانلردن تغین هم بیزگه بیتگین" دېدی!

شو آقیم یازوویمده دوام اېتدی. اوقو وچیلریم نی ییغلتماق اوچون یازیلگن کۆپلېب نرسه لریمگه، اولر کولر اېدیله! شونینگ اوچون، حتی تانیقلى طنزچى بولیب بیتیشگنیمدن ساره هم، طنز نیمه لیگینی بیلمس اېدیم. حتی حالی هم بیله من، دېب ایتالمه یمن، ایشانینگ! طنزچیلیکنی، اجرا ایتیشی بیلن اؤرگندیم. کۆپینچه، مېندن خودی بیر نسخه یا فورمول سینگری اؤیلېب، طنز نیمه دی؟ دېب بیر تورلی سؤره یدیلر. مېنینگ بیلشیمچه، طنز بیر جدی موضوع دیر.

۱۹۴۵ نچی ییلی حکومت "تان" روزنامه سینى یوق قیلیش مقصده، مینگلېب قالاق و مرتجع کیشیلرنی تحریک قیلدی. مېن هم اؤشه روزنامه ده ایشلر اېدیم و کپین ایش سیز بولیب قالدیم. اولر اؤز آتیم بیلن یازیلگن هیچ بیر مطلبنی آلمس اېدیله. شو اوچون، ایکى یوزدن آرتیق تورلی مستعار آت بیلن روزنامه لرگه مطلب یازر اېدیم. باش مقاله و لطیفه دن آلیب، گزارش و مصاحبه و داستانلر و پولیسی رومانلرگچه. روزنامه اېگه سی مستعار آت مېنیکى لیگینی بیلشى بیلن آق، مېن اؤزیمگه باشقه بیر آت اختراع قیلر اېدیم! اؤزیم تاپیب قویگن بو یسمه آتلرینینگ اؤزی هم کۆپ ماجرالرگه سبب بؤلر اېدی. اؤرنک (مثال) اوچون، قیزیم و اؤغلیم آتلری نینگ بیریکمه سیدن "رویا آتش" نى تنله دیم و باله لر اوچون بیر کتاب یازدیم. حکومت بونی بیلمس اېدی و شو باعث، برچه باشلنغیچ مکتبلرده فایده له نیلر

اېدی. "رويا آتش" بیر عیال یازووجی صفتیده تورک یازوچیلری نینگ کتابنامه لریده نشر بۆلدى.

باشقه بیر داستاننى بیر فرانسوى مستعار آت بیلن بیر مجله ده چاپ قیلدیم. بو داستان جهان طنزلریدن تنلنگن کتابده فرانسوى طنز صفتیده مطرح بۆلدى.

بیر داستان هم بیر چینایى یسمه آت بیلن یازیب نشر قیلینگن اېدی. کینلری قره سم، مجله لردن بیریده چین تیلیدن بیر ترجمه دېب باسیلگن اېکن! یازالمه گن پیتلریمده، بقاللیک، ساتووچیلیک، محاسبلیک، روزنامه ساتووچیلیگی و عکاسلیک کبی جوده کوپ ایشلرنی سینب کوردیم. بیراق اولرنینگ بیرانته سینى هم یخشی بجرالمه دیم، البته.

یازوولریم اوچون ییغیندیسیده بېش یریم ییل قملدیم. آلتی آیى مصر پادشاهی ملک فاروق و ایران شاهی رضاشاه نینگ ایستکلری بیلن اېدی. اولرنینگ ادعاسیچه، مېن یازوولریمده گویا اولرگه توهین قیلگن اېمیش من. اولر انقره ده گى ایلچیلری ارقه لی مېنى محکمه گه تارتدیلر و آلتی آيگه محکوم اېتدیلر.

تورت فرزندیم بار. ایکته سی بیرینچی خاتینیم و ینه ایکته سی هم ایکینچی خاتینیمدن.

۱۹۴۶- ییلى بیرینچی قتله اوشلندیم. بوتون آلتی کون پولیس مېندن: "سېننگ آتینگ بیلن نشر بوله دیگن مقاله لرنینگ حقیقى یازووجىسی کیم دیر؟" دېب سؤور اېدی.

اولر، مقاله لرنی مهن یازگنلیگیم گه ایشانمس ایدیلر!
 چمه سی (تخمین) ایکی ییلدن ساره ماجرا تپسکری (برعکس)
 بۇلدى. بو سفر پولیس، ایریم مقاله لرنی اؤزگه آتلا ییلن یازگن سن، دهب
 توریب آلدی. بیرینچی سیده، مقاله لرنی مهن یازگمن، دهب اورینگن بۇلسم-
 ده، ایکینچی سفریده مقاله لرنی مهن یازمه گمن، دهب ایتیلر ایدیم! بیراق
 کۆزی بیرتیق، حیا سیز بیر شاهد تاپیلیب، بیر مقاله نی مستعار آت ییلن
 یازگنیم گه شهادت بوردی. شو دلیل ییلن آلتی آی اوزیم یازمه گن بیر مقاله
 طفیلی قماققه قملدیم!

بیرینچی خاتینیم ییلن تۆییمیز مراسمیده موزیک آرکستری "تانگو"
 آهنگینی چلگن حالده، افسر اؤرتاغلریم نینگ قیلیچلری آستیده بیز یوریب
 بارر اهدیک. بیراق ایکینچی اوپله نیش نینگ اوزیگینی قماقخانه نینگ میله لری
 آرتیدن عمریؤلداشیمگه بپردیم. چندان پارلاق باشلە نیش بۇلمه گن لیگینی
 کۆره سیزمی؟

۱۹۵۶-ییلی جهان طنزنویسیلیک ببلله شوویده بیرینچی بۇلیب، "آلتین
 نخل" ساورینی (جایزه سی) نی آلدیم. ایلگری یازوولریمنی باسیب
 چقرمه دیدگن روزنامه و مجله لر، قرهنگ که انندی اولر اوچون باش یارر
 اهدیلر. بیراق بو شرایط اوزاق چۆزیلمه دی.

روزنامه لرده یازوولریم نینگ باسیلیشی تغین قدغن بۇلدى. روزنامه لر
 و مجله لرده قه ییتیب آتیم چقیش اوچون، ۱۹۵۷-ییلی ینه بیر "آلتین نخل"
 ساوریننی یوتیب آلیشگه مجبور بۇلدیم. ۱۹۶۶-ییلی دنیا طنزچیلیک

بېلله شووی بلغارستانده اؤتكه زيلدى. اوندە هم بيرينچى طنزچى صفتيده آلتين "تېپير تىكان" (خارپشت) ساورينىنى قۇلگه كيريتديم.

توركيه ده گى ۱۹۶۰-يىل، ۲۷ نچى مەى انقلابيده، اؤز خواهشيم بىلن "آلتين نخل" لريمدن بيرىنى دولت خزانە سىگه بغيشلەديم. بو ماجرادن نېچە آى كېين، مېنى قماققە تشلە ديلر. ايكينچى "آلتين نخل" و "آلتين تېپيرە تىكان" (خارپشت طلايى) نى كېلەسى قووانچلى كونلر اوچون اسرەب قۇيىب من. دردگە يرەشلىرىگە شك يۇق، دېب ايتديم اؤزىمگە، اؤزىم.

حالىگچە ايكى مينگتە داستاندن كۆپ يازگنلىگىم گە مردم تعجب قىلە ديلر. بيراق بونىنگ هيچ هم حيرتلنرلى يېرى يۇق. عايلە اعضاء ۱۰ كيشى اؤزىنگە ۲۰ كيشى بۇلگىدە اېدى، تۆرت مينگ داستاندن كۆپراقنى يازيشگە مجبور بۇلر اېديم. ۵۳ يىش من. ۵۶ جلد كتاب يازگنمن. تۆرت مينگ قرض، تۆرت فرزند و بير نېرەم بار. يلغوز يشەيمەن. مقاله لريم ۲۳ تە تىل و كتابلريم بۇلسە ۱۷ تىلدە باسيليپ چىققن. نمايشنامە لريم يېتى مملكتدە اجرا اېتىلگن.

يلغوز ايكى نرسەنى گىنە اؤزگە لردن يشيرالە من: چرچاغىم نى و ياشىم نى. شو ايكى سيدن اؤزگە برچە نرسە لريم تىنيق و آچىق بۇلگن. ياشىمگە كۆرە ياشراق كۆرىنە سن، دېب ايتە ديلر. اونىنگ دىلىلى هم، مېنىنگ اززانچە ايش بىلن بندلىگىم و قرى بۇلىشگە وقت تاپمە گنىم بۇلسە كېرەك!

هيچ قچان اؤزىمگە: "اگر قىتە دن دنياگە كېلسم، شو ايشلرنى قىتە قىلر اېديم" دېب ايتمە گن من. بو حالده، كۈنگىلم ايلگريدن كۆرە كۆپراق ايشلشنى ايستەيدى. جودە-جودە كۆپ و اززانچە يىخشى.

بشریت تاریخیده بیر کیشی گینه منگو (جاویدان) بۆلسه ده، مهن هم قنداق منگو قالیشیم یۇللرینی کۆرسه تیپ بیرماغی اوچون اۆشه نی ایزله یمن. حاضرچه هیچ بیر اۆلگوم (اۆرنه گیم، نمونه م) یوق، افسوس. بونده مهنینگ گناهیم اېمس، برچه لر سینگری مهن هم اۆلیشگه مجبورمن. بیراق بو دره کدن جوده عصبانى من. چونکه انسانلر و انسانیتنى سېوه من.

حاضرچه بو یلغوز مهنینگ توگه مه گن داستانیم دیر. اؤقووچیلرینگ اوزون یازوولردن چرچشلرینی بیله من، شو اوچون داستانیم نتیجه سی کۆپ چۆزوق (اوزون)، دېب اۆیله مه یمن. مهنینگ مشتاقلریم بیلیشلی لازم بۆلگن نرسه شو که بو داستان نینگ اداغینی هیچ قچان یاللمه یمن.

اويلە نىش (ازدواج) رهنماسى

اېندى تورموشىمىزنىڭ كۆپلەپ يۈمۈشلىرى "رهنما" سىز يۈرىمەيدى، دېسەك مبالغە اېمىس. ائىنقىسە يېرىك شەرلردە. اوى، يېر يا موتر آلىش يا ساتىش؛ حتى محكمەلر و ادارەلردە بند بۇلىپ قالگن ايشلر هم "رهنما"لر ارقەلى بۇلماقده! يىراق، حاضر حكاية قىلىنە دىگن "رهنما" ايشى يوقارىدە اېسلنگنلردن كۆرە بوتۈنلەى فرقلى دىر:

قىرق ياشىمگە يقىنلىشگنىمدە، اويلە نىش و عايلە قورىب، بالە-

چقەلى بۇلىش اۋىيى (فكرى) باشىمگە اورىپ قالدى!

اۋزىمگە قولەى بىرار يىخشىگىنە عمرىۋلداش تاپىشنى اۋىلب يورگن اېدىم.... يىركۈنى شەرنىڭ گوجوم خىابانلرىدن يىرىدە، تورلى مغازەلر و دفترلر لوحەلرگە باقىب كېتە يازىب، تۈستدن كۈزىم عجايب بىر لوحەگە توشىب قالدى. لوحەدە شۇنداق بيتىلگن اېدى:

"اويلە نىش رهنماسى" تگىدە اېسە "سىزلرگە گۈزەل و مراقلى عمرىۋلداش تىلشگە ياردەم بېرەمىز!" دېگن جملە هم يازىب قۇيىلگن اېدى.

چیندن ده خاتین اویلب، ایزلب یورگن مېندېک
 بۇیداق (مجرد) بیر کیشیگه بو عجایب "رهنما"، اېسه "آب حیات"
 اېدی!

هم احتیاج همده قیزیقیشیم یوزدن دراو رهنمانینگ دفتريگه
 کیریب باردیم. ایکی-اوچ کیشی گۆزه ل سکرتر ایشلب اؤلترگن
 "رهنما" نینگ قبول دفتري، خودی بېش یولدوزلی محتشم هوتلر نینگ
 قبول سالونیکه اؤخشدی: جوده کینگ؛ اېنگ زمانوی لوکس موبلر؛
 میده-کته چیرایلی چیچکلی گلدانلر؛ کتابلر تېریلگن رفلر و اولرده گی
 انتیک بویوملر؛... سالون دکوراسیونی کۆزنی قمشتیریب، مراجعه
 قیلووچیلرنی اؤزیکه جلب اېته دیگن درجه ده گۆزل و قیزیقارلی اېدی!
 حیرت اره لش قیزیقیش بیلن رهنمانینگ قبول دفترينی کۆزدن
 کېچیره توریب، کۆزیم دېوارلریده گی چیرایلی اېرککلر و خاتین -
 قیزلر نینگ تصویرلریگه توشدی....

استه-سېکین تماشا قیلیب دفتر مسؤولی میزیکه یقینلشدیم.
 مسؤول کیشی اېسه مېنی اؤته صمیمي و ایلغ کوتیب آلیب، یانیده گی
 یومشاققینه اؤریندیقلردن بیریکه اؤلتریشگه تکلیف قیلدی. اؤرنیمده
 حالی اؤنگلنمه سیمدن آق، خدمتچیسى گه قۇغیراق چالیب مېنگه چای
 بویوردی!

كۆز يويمىب آچگىنچە، چىرايلى خىدمەتچى قىز بىر پىالە چاى و
چاكلەيتتى آلدىمگە جودە لطف و نزاكت بىلن مەرھەت، دېب
قۇيدى ...

شوندە دفتەر مەسئۇلى:

- خۇش، بىزگە نىمە خىدمەت؟ دېب سۇرە دى رەھنەلرگە خاس
آچىق مەنگەلى و تاتلى لىھن بىلن.

- رەھەت، مەن اوشبو "رەھنە" لۇھە سىنى كۆرىپ كەلدىم!

- اولىنماقچى بۇلىپ سىز-اېكن دە!

- ھە، شۇنداق!

- جودە يەخشى. تۇرمۇش نىنگ اساسى لىدنىنى اېندى كۆزلىپ

سىز-دە!

- ھە، رەھەت!

رەھنە مەسئۇلى، بىزنىنگ ايش يۇرىغىمىزگە كۆرە تىلش
بوتۇنلەى كىشى نىنگ اۋز اختیارى، سلىقە و ذوقىگە باغلىق دىر...،
دېب بىر ورق مەخسۇس فورم قىشىمگە قۇيدى.

فورمەدە كىشى نىنگ آتى، مەقسەدى، ... بېلگىلەنگەن خانە لردە

بىتلىپ، قۇل قۇيلىپ (امضاء) تاپشىرلىرەن.

شوندن سۇنگ بېلگىلەنگەن ایش حقى تاپشیریلیب، رسید قاغاز آلینرکن.

مسئول کیشی، اېندى تىلش اۋزىنگىزگە باغلىق، دېب مېنى سكرترلردن بیرىگە تاپشیردى. قىز سكرتر اېسە مېنى اېشیکلردن بیرى تمان باشلب باردى. او اېشیکنى آچە تورىب، مېنى ایملب ایچکریگە ییاردى و آرتیمدن اېسە اېشیک بېرکیلدى.

کیرگن اتاقچە بۇم-بۇش اېدى. قرشیمده ایکیته اېشیک بار اېدى. بیرى نینگ تېپەسیدە "قىز" و ایکینچى سیدە اېسە "بېوہ" دېگن سۆزلر یازیلگن اېدى.

بو ایکیسیدن بیرىگە کیریشیم کېرەك اېدى. تىلش اوچون اۋىلب اۋلتیریش کېرەك اېمسدى. درحال "قىز"، دېب یازیلگن اېشیکنى آچىب کیردیم. بو اتاق هم کیچیک و بۇش اېدى. بیراق ینه ایکیته اېشیک بار اېدى! بیریدە "اۋقىمیشلى"، ایکینچیسیدە اېسە "سوادسيز"، دېب بیتیلگن اېدى.

مېن اۋقىمیشلى و ضیالى بۇلگنلیگیم اوچون دراو بیرینچى اېشیکنى آچىب، کیردیم. قرەنگ، بو اتاق هم بۇش و ینه ایکیته اېشیگی بار اېدى! بیریدە شاعرلر سیمتن، دېب مقتب یورگن "آق

بدنلی" و ینه بیریدە اېسە سېزمن قوشیقلریدە مقلتگن "سېزە" دېگن سۆز یازیلگن!

شوندە ایکیلنمە ی "سیمتن" لی اېشیکنی اۋتە ذوق بیلن آچیب کیردیم.

نې کۆز بیلن کۆرەیین، بو اتاقده هم کیشی یوق اېدی. بیراق ایستلگنچە دېوارلریدە تورلی "سیمتن" گۆزەللر تصویرلری بیلن لیق تۋلە اېدی! نە چارە، تقدیرگە تن بېرگندېک شو قوپە- قوروق عکسلرنی تماشا قیلیشگە باشلەدیم. عکسلر جودە جاذبەلی و مراقلی اېدی. بولرنی تماشاسیگە بېریلیب، نیمە مقصدگە کېلیشیمنی اونوتیشگە سَل قالگندی...!

تۋستدن اتاقچە نینگ ایکتە اېشیگیگە اۋرنەتیلگن یازوۋگە کۆزیم توشدی: بیریدە "اوزون سرو بۋیلی" و ایکینچیسیدە اېسە "دمباقینە"، دېب بیتلگن اېدی! بۋیم نینگ چمەسی (۱۸۵) سانتیمترلیگی اېسیمگە توشیب، دراو بیرینچی اېشیکنی آچیب کیردیم...!

قیسقە سی، شو یۋسیندە هر بیر اتاقده قیزلر بېلگیسیدن ایکتە اېشیکدە یازیلگن (شاعر، قۋشیقچی)؛ (کم گپ، سېرگپ)؛ (اوی بېکەسی، تشقریدە ایشلەیدینگن)؛ (مهمانلیکلرنی یاقتیرەدیگن،

محفللرنی یاقتیرمه‌ی تارتینچاق)؛ (قتیق قول اهرگه مایل، یومشاق طبیعتلی اهرگه مایل)؛ (مطالعه اهلی، کتابنی یاقتیرمس)؛ (پرخور، چیم خور)؛ (باله دن بېزار، کۆپ باله نی یاقتیره دیگن)؛ ... لردن بیرینی تنله‌ی-تنله‌ی، دېوارلرده‌گی گۆزه‌للریننگ عکسلرینی گینه تماشا قیلیب، سیلّم قوریب، مداریم قالمه‌دی. برکه تاپگورلر بیران اتاقده بیر جک سوو بیلن بیر برداق (پیاله، گیلّاس) قؤیگن اهدیلر. سیلّم قوریب، چنقب قالدگنیمده بیر برداق سوو ایچیب، تغین قیز تنلشگه دوام اېتتردیم...!

نهایت، سؤنگگی بیر اتاققه کیریب بارگنیمده، ایکته اېشیک اېمس، بیرته اېشیک بار اېدی. اونگه شونداق یازیلگن اېدی:

منه، نهایت بۆله‌جک عمر یۆلداشینگیزنی اؤز سلیقه، طبیعت و ذوقینگیز بیلن آنکلی یۆسینده تاپدینگیز. قوتلوق بۆلسین!"

هه، اؤرتاقلر! شو کبزه تویغو - هیجانیم نی سیزلرگه بیان اېتیشته عاجزمن. شونده اؤزیمنی گینه قۆلگه آلیب، چوقور نفس آلگندن سؤنگ اېشیکنی سېکین آچیب کیردیم و آرتیمدن اېشیک یاپیلدی.

بیله سیزمی نیمه بۆلدی؟

هه، مېن بېردن اۋزىمنى تشقىرىده كۆردىم. كىچە بۇلىب، هوا
قپ-قراڭغو، كۆپلىب دكانلر ايسه بېركىلگن اېدى!

چقریقنامه

یخشی کینگن، خوش بیچیم کپلیشگن بیر ییگیت
ایشخانه مگه کیریپ کپلیب، اۋته آدابلی لحن بیلن دېدی:

- تقصیر مېنگه "بیت شریدن اولوسنی قوتقهریش ملی
انجمنی" تمانیدن اۋتکزیه دیگن طنطنه لی ضیافتگه جناب عالی لرینی
چقریش ایشی تاپشیریلگن. شونی اېسلشیم کپرهک، ضیافتدن توشگن
برچه پول انجمن نینگ خیرلی هدفلی یۋلیگه صرفلنهدی.
مهمانلر نینگ خوشلیگی و رضائیتی اوچون اولر اجاره قیلینگن
مخصوص کپمه ارقله لی دېنگیزده، اینیقسه بۋغازده هم سیر قیله دیلر.

ییگیتچه نینگ سۋزلری ایچیده گی مېنگه یاققن و قووانتیرگن
یلغوز سۋز اۋشه "جناب عالیلری" سۋزی اېدی. یعنی مهم آدملر
قطاریده لیگیمیزنی اۋزیمیز بیلمه ی یوریپ بیز اېکن! شونده ذوقلنیه
ییگیتچه دن:

- لطفینگیزدن جوده ممنون من، لطفاً ایتینگ-چی، بو ضیافت
و کپمه بیلن گزیش قچان بۋله دی؟
ییگیتچه در حال میزیم اوستیکه بیر کارت قویب:

- منه بو کارتده برچه نرسه لر یازیلگن، دېدی.

چقریق کارتینی آلیب اونده شو نرسه لر نی اؤقیدیم:

بیت شریدن اولوسنی قوتقه ریش ملی انجمنی

فلان حزب نماینده سی جناب فلان و پایتخت حاکمی فلان

نینگ تشریف لری بیلن اولوسنی بیت شریدن قوتقه ریش همده ۱۸

یاشدن قویی بؤلگن باله لرگه یاردم قیلماق اوچون قیزیقرلی بیر

ضیافتنی اوبوش تیرماقچی.

بو ینگی تأسیس ایتیلگن انجمن، سیز جناب عالی لری و

حرمتلی عیالینگیز اوشبو خیرخواهانه ضیافتگه اشتراک ایتیب

انجمن اعضا لری نی ممنون قیله سیز لر، دېب اومید قیله دی.

اشتراک ایکی کیشی اوچون ۱۵ لیله.

کارت نینگ اداغینی اؤقیب، رنگیم اوچیب کبتدی. چونکه

۱۵ لیله از پول اېمس اېدی. اؤزیم بیلن:

- بو ییگی تچه چقریق نامه لر نی پولگه مردمگه ساتمقچی می؟

یا که یاشلر بیر آز وقتلرینی مېن بیلن اؤتکه زیش نیتیده میلر؟ دېدیم.

بوتون شو مدت دوامیده یازووچی اؤرتاغیم و همکاریم جلال

بېگ ایزمه-ایز کولر اېدی. چقریق نامه نی چؤنتگیم گه قویب:

- جوده ممنون من. هرچند کونده لیک ایشلریم بیلن جوده هم

بند من، بیراق کېلیشگه حرکت قیله من، دېدیم.

جلال بېگ کؤزی نینگ اوچی بیلن مېنگه قیا باقیب، هی

کولر اېدی.

مېن جلال بېگ نینگ حسودلیگی و تیجمکارلیگینی بیلگنیم
اوچون، کولیشیدن چندان اچینمس اېدیم.
ییگیتچه سؤره دی:

- جناب، بیر کارت یېترلی می، یا که باشقه هم بېره می؟
اؤزیمنی مطبوعات شخصیتلری بیریدن سنه گن حالد،
دېدیم:

- لیکن مملکت نینگ باشقه جنابلری و شخصیتلریگه هم
بیر-بیرته ییتیشیگه رخصت بېرینگ.

- تشویشلنمنگ. چقریقنامه لر، چقریله دیگنلرنینگ سانیکه
نسبتاً اؤن برابر چاپ اېتیلگن و قنچه کارت ایسته سنگیز، بار!...
- اونده ینه ایکی کارت بېرسنگیز ممنون بؤلر اېدیم.
ییگیتچه ینه ایکیته کارت میزیم نینگ اوستیگه قویدی.
- تشکر قیله من.

- ییگیتچه نی ینه بیر یؤله نظردن اؤتکزدیم. او هم کؤزلریمگه
تېلموریب توردی. شو حالدله نېچه دقیقه اؤتدی. او تانیقلی بیر
یازووچی بیلن که اؤزیم بؤلسم، سؤزله ماقچی، دېب اویله دیم. شو
اوچون:

- مرحمت، نېگه اؤلتیرمه یسیز؟ دېدیم.
- تشکر، باشقه سیزگه مزاحم بؤلمه یمن.
- خواهش قیله من، جناب.

یېگیتچه میزیم قرشی سیده گی اۋریندیقکه اۋلتردی. اۋرتاقلری قاشیگه بارگنیده مېن حقیمده نیمه لرنی غرورله نیب ایتیشینی خدا بیلردی. مهمی شو اېدی که، او آرتیقچه ایکیته کارت هم مېنگه بېرگن اېدی. شو باعث، هرقدناق قیلیب اونینگ اوشبو لطفینی تلافی قیلیشیم کېره ک اېدی.

- قهوه میل قیله سیزمی؟ جناب!

- تشکر قیله من، جناب!

- التماس، بیزنینگ قاشیمیزده بیر پیاله قهوه ایچینگ!

جلال بېگ تغین کولیمسیره ب تورگن اېدی و مېن بؤلسه اونینگ جیلی گه بیر پیاله قهوه بویوردیم. یېگیتچه قهوه نی ایچگندن کېن، اۋریندن توریب دېدی:

- اېندی، اجازه تنگیز بیلن رخصت بؤلە من.

- لطفینگیزدن جوده تشکر. بیرار ضرور ایش چیقیب قالمسه

ده، انشاءالله ضیافتگه حتماً اشتراک اېته من.

یېگیتچه هنوز هم کۈزلریمگه باقماقده اېدی. بلاخره او سۈرده ی:

- خوش، کارتلرینینگ قیمتینی آلماق اوچون کېنراق خدمتگه کېله ی می؟

جلال بېگ رومالچه سینی آغزیگه آلیب، زورغه کولگی سینینگ آلدینی آلدی. وای خدایا بو پولسیزلیکده ۴۵ لیره بېریشیم کېره ک.

كارتلرنى چۈنتگىمدن چىقەرىپ، ارەقە-آلدىنى كۆرگەندىن سۈنگە، دېدىم:

- آ آ ... مەن بۇ يېرىنى تى (ھېچ) كۆرمەگەن ئېكەن مەن. بۇ يېردە خاتىنىڭىز بىلەن كېلىڭ، دېپ يازىلغان. ھال بۇ كە مېنىڭ تى خاتىنىم ياغ.

- جىناپ، بۇ نەرسە ئونچە مەھم ئېمەس. باشقە يېرار خاتىن بىلەن تىرىف كېلىتىشىڭىز مەكەن!

- لېكەن مېنىڭ عىال ئورتاغىم ياغ.

- فرقى يۇق. يىغوز ئۆزىڭىز كېلىشىڭىز ھەم بۆلەدى!

- بۇ ضىافت و سىر قىلىش قىچان بۆلەدى؟

- شۇ ھەفتە، يىكشەبە كۈنى.

- يىكشەبە كۈنى ھېچ ھەم مەكەن ئېمەس، چۈنكە ئۇ كۈنى باشقە

بىراو بىلەن وعدەم بار.

- جىناپ، كارتىڭىزنى باشقە بىراوگە بېرىشىڭىز مەكەن. ئۇ

ئىشراق ئېتىسەن.

- ئۇندە ئىكەتەسى بېتەلى. مەن بۇنىسى ئۆزىڭىزنىكى بۇلىسەن.

يىگىتچە كارتىنى ئالماقچى ئېمەس ئېدى، بىراق مېنىڭ اصرارىم

بىلەن ئالېشكە مەجبۇر بۆلدى.

مەن بىچارە برق پولى ئۇچۇن (كۈندەلىك) روزنامە سىندىغىدەن

آلگەن ۳۰ لىرە قرضىنى ئاچار يىگىتچەگە تۇتمەل بېردىم و قىتە پولسىز

بۆلدىم.

انسان عجیب الخلقه بیر مخلوق. بیرار مصیبت یا بختسزلیک یوز بېرگنده، اونى باشقه لر بیلن بۇلیش گه اورینه دی. شونینگ اوجون، اورتاغیم گه یوزله نیب:

- جلال بېگ، بیرته سینی سېن هم ساتیب آل! دېدیم.

- ایشیم بار، کبالمه یمن.

ییگیتچه بیرار نیمه دېشیدن آلدین مېن دېدیم:

- درواقع بو کارتنی ساتیب الیشتن مقصد، اوشبو خیریة

مؤسسە گه کمک قیلیش دیر.

جلال بېگ چقریقنامه ساتیب الیشگه هیچ صورتده

کؤنمه دی. شونده ییگیتچه مایوس بۇلیب، خیرله شیب کپتدی.

جلال بېگ دېدی:

- چیندن هم عجیب آدم سن!

- نیمه بۇلییدی؟ ییگیتچه بیزلرنی هم آدم قطاری بیلیب،

چقریق کارتی کپلتیرگن. اېندی تانیقلی بیر یازووجی صفتیده نیمه

قیلیشیم کپرک اېدی؟

- لیکن شونی توشینگین که، او سېنینگ ایشینگ و آتینگنی

بیلمس اېدی!

- اگر گپینگ تۇغری بۇلسه، نېگه سېنگه کپلتیرمه دی؟

- بونداق آدم لر سېنگه اۇخشش ساده لرنی اوزاقدن بیر

کؤریشدن تانییدی.

- سېن شونداق، دېب اۇیله ی بیر!

- خوب، سېن هم اوشنداق توشين.

چقريقنامه لرنی خاتينيم گه کورستگن زهاتي، بقيردی:

- وی الله، بولرگه ۳۰ ليره بېردينگ می؟ نيمه میده بچه خو اېمس سن-کو! توبه قيلدیم، کيشی بو نرسه لرگه هم پول بېره دی می؟

- نيمه لر دېب بلدبره یسن! يیگیتلر مېندېک بیر تانيقلی یازووچیدن چقريق قيلگنلر. اولر بیر آز مېن بیلن بۇلشینی ایستبدیلر!

قرهنگ که بیر ساعت ایچیده محله میزینگ برچه اېرکک- عیالی و میده-کته سی کېله سی یکشنبه ضیافت و سیر قيلیشگه کېتماقچی اېکینیمزدن خاتينيم ارقه لی خبر بۇلدیلر!

مېن ایشخانه و کافیکه، چایخانه و دکانگه، قیسقه سی برچه بېرلرگه بارگنیمده یا اؤرتاغلریم و قرینداش لرنی اوچره تگنیمده ماجرانی شرحلب، چقريقنامه نی کورسه تیب، بیر آز یسمه ناراحتلیک بیلن اولرگه دېر اېدیم:

- روزنامه چی بۇلگنیم نی شونداق عیبلری هم بار-ده. بیر دقیقه هم کيشی اؤزی نینگ مالی اېمس. هی او مهمانلیکدن بو مهمانلیککه، او محفلدن بو محفلگه باریشی کېره ک. کپن چقريقنامه نی اولرگه کورسه ته یاتیب، منه بونی يیگیتلر ییباریب، ضیافتلریگه اشتراک اېتیشیم نی ایستبدیلر.

مکتب دوری اؤرتاغیم احسان بېگ دايم سېن هیچ نيمه بۇلمه یسن، دېر اېدی و ایشانردی. بیر نرسه بۇلگنیم نی کورستماق اوچون بیرته کارتنی اونگه هم ییباردیم.

چقریقنامە نینگ ارقەسیگە:

"توسر" كېمەسى بىلەن دېنگىزگە سىر قىلىشنى يۈلگە قۇيماق
اوچون بىرچە مەھمانلار يەكشەنبە كۈنى ئېرتەلىب سائەت سىككىزدە كۆپرىك
اسكەلەسىدە ھازىر بۇلىشلارنى ئاستەيمىز، دېب يازىلغان ئېدى.

ضىيافت كۈنى احسان بېگ نىنگ اويىگە بارىپ، او و خاتىنى
بىلەن بىرگە بىندىرگە تەمان جۇنەدىك. سائەت ۷/۵ دە او يېرگە يېتىپ
باردىك. يۈل بۇيى مەن اوشبو عجاب سىر و اۋزىم ھقىدە آغزىمگە
كېلگەن نەرسەلەرنى ايتىر ئېدىم.

- احسان بېگ، ايشىم قەنچەلەر باشىمدىن آشىپ ياتىگەننى بىلسە
ئېدىنگ... ايكىتە رمان قۇلىم اوستىگە، بىراق بو خىلمە خىل
مەھمانلىكلەر قەچان قۇيەدى؟ بارمەسم بۇلمەيدى!

روزنامەچىلىك ايشى جودە ھەم قىيىن؛ مەثال اوچون اۋتىگەن
كۈنى عەسەردە باش وزير عەسرىگە چارلەگەن ئېدى. باش وزير بىلەن
صەھبىتىمىز ئېندى بىر آز گەلگەندە، مەشروب و كېچكى اوقات
دەسترخوانى ھەم تيارلەندى. اۋتىگەن آقشام كۆپ اىچىپ بىيارگەن
ئېكەن مەن، چاغى. ھالى ھەم باشىم آغرىيدى.

سائەت سىككىزىنى كۆرسەتەر ئېدى، بىراق "توسر" كېمەسىدەن
ھالى دەرەك يۇق! اۋز-اۋزىمگە دەيدىم:

- اسكودار اسكەلەسىدەن ھەركەت قىلىشى مەمكەن و بىزلەرنى
خەبرىمىز يۇق. يۇق اې، بو يېردە آچىق-آيدىن "كۆپرىك اسكەلەسى"
دېب يازىلغان كە.

- ھە ، احسان بېگ بىزنىڭ ايشلرىمىز جودە كۆپ . نېچە كۈن
 آلدىن والى بىزنى شفتالو باغىگە مېھمان قىلدى . قنچە شفتالو
 يېگىنىمىزنى بىلسىڭ اېدىڭگ . اۋرىنىڭ بۆش اېدى ، افسوس .
 ساعت ۸/۵ نى كۆرسەتەدى . بىراق فرقى يۇق ، مەملىكىتىمىزدە
 ھېچ بىر نەرسە اۋز چاغىدە باشلىنمەيدى . كېمەلرنىڭ حرىكى ھم
 شۇنداق !

احسان بېگ نى بىراز آزار بېرماق اوچۇن دېدىم :
 - اۋتۇگن جەمە ھايتى نىڭ اېلچىسى (سفىرى) بىزنى قۇئالغە
 (ھوایى ميدان) نىڭ بويۇك رىستورانىگە چقىرىق قىلگن اېدى .
 تصادفى قەرەڭگ كە عىن چاغدە والى ھم بىزنى بىر قنچە چېت اېل
 اېلچىلىرى بىلن شىكۈھلى بىر ضىافتگە چقىرگن اېدى . اگر سېن مېنىڭ
 اۋرىنىم گە بۆلگىنىڭدە ، نىمە قىلار اېدىڭگ ؟
 مېن اۋشە ايشنى قىلدىم . يىرىم ساعت قۇئالغە رىستورانىدە
 بۆلدىم . و يىرىم ساعت ھم والى نىڭ مېھمانلىگى گە باردىم !...
 ساعت ۱۰ دە ھىمراھلىرىم نىڭ اعتراضى چىقە بېردى :
 - "توسر" كېمەسى قنى ؟

احسان بېگ و خاتىنىنى اۋز حالىگە قۇيىب ، خاتىنىم بىلن
 بىرگە يورىب نېچە آدىم اولردن اوزاقلىشگن اېدىك كە اسكلەدەگى
 تۈپلنگن برچە آدملىرىنىڭ قۇللرىگە بىزنىڭ كارتىمىزگە اۋخشش
 كارتلر بار . بعضىلر الداقچىلىك بۆلگن ، دېب اۋىلر اېدىلر . ايرىملر تىغىن

بیرآز کوتەیلیک، دېر اېدیله. كۆپلەر هېچ نېمە دېمىسدىن يۇللىرىنى الېب،
اويلرىگە كېتىدېلر.

توشدىن كېيىن ساعىتى ۱/۵ بۇلدى. ناراحتلىك طفىلى باشىم
يارىلەي دېدى، لېكىن روزنامەچى بۇلگىنىم اوچون كوچىم نى
كۆرسەتىشىم كېرەك اېدى و الداقچى نىنگ قىلمىشىگە يەشە جزا
بېرماغىم لازم اېدى. شونىنگ اوچون، جودە ناراحتلىك و عىبانىت
بىلن اسكلە رېئىسى نىنگ دفتىرىگە كىرىپ باردىم. بىراق سۆزلىشىمدىن
آلدىن، رېئىس قۇلىمدەگى كارتىنى كۆرىپ، دېدى:

- سىز ھىم "نوسىر" كېمەسى كېچ كېلگىنىدىن حىتمأ ناراحت سىز؟
- شونداق، مەنە قرەنگك حالى ھىم اوندىن درەك-مرەك يۇق!
- اما جناب، شونى بىلىپ قۇيىنگك كە "نوسىر" كېمەسى موندن
۱۵ يىل بورونلر آلە قچان پرزە قىلىنىپ، دولت پرزەلرىنى ھالند دولتىگە
ساتىپ يىيارگن...

اۋتە ناراحتلىك بىلن اسكلە رېئىسى دفتىرىدىن چىقىدىم!...

سیزنینگ اۆلکه ده ایشک یوق می؟!

خودی قتیق تیش آغریغی باردېک بیر قۇلینی یوزیگه قۇیگن
حالده، باشینی اویاق-بویاققه قیمرلته یازیب، کیریپ کېلدی. او،
قۇلینی یوزیگه اوره توریپ، ایزچیل دېردی:

- "وای آبرومیز کېتدی!"

اونی تانیردیم، آدابی کیشی اېدی. کیرگن زهاتی، نې سلام،
نې ده کلام، اؤزینی اوره باشلب: "وای! آبرومیز تۆکیلدی...." دېب
باشله دی.

- خوش کېلدیز، مرحمت اۆلتیرینگ، دېدیم.

- آبرومیز کېتدی! برچه آبرومیز!

- قەلەی سیز؟

- قنداق بۇلیشیم کېرەك؟ اؤز حالیکه قۇیه میلر کیشینى؟

بوتونلەى آبرومیز کېتدی!

اونینگ يا عايله سى باشيگه بيرار مصييت كېلگن بولسه
كېرەك، دېدىم اۋزىمچە .

- آبرومىز سوو بولدى يو يېرگە كېتدى، هيچ آبرومىز
قالمەدى!

- نېگە؟ نېمە بولدى؟

- باشقە نېمە بولسەى اېدى؟ بير گرگى اېشكنى ايكي مينگ و
بېش يوز ليرە بيراوگە ساتىدىلر!

بير آز كېسراق كېتىپ، يوزيگە دقت بىلن باقدىم. تېلە بولگن
بولمەسەن تەين، دېب جودە قۇرقىندىم. بير بهانە بىلن خاتىنىمنى
چقىرماقچى بولۇپ، دېدىم:

- بير برداق (پىالە) قەھۋە ايچە سىزىمى؟

- قەھۋە-مەھۋەنى بيرياققە قۇي. آبرومىز كېتدى.... بير گرگى

اېشك ايكي مينگ و بېش يوز ليرە ارزىيدىمى؟

- والله نېمە دېي! مەن خو حالىگچە اېشك آلدى-ساتتى
قىلمەگەن مەن...

- خو عزيزىم، مەن ھەم "اېشك معاملات راھنەماسى" دە
ايشلەمەگەنمەن. بيراق بير اېشك نرخی ايكي مينگ و بېش يوز ليرە
اېمىسلىگىنى كىيىلە مەن!

- سیزنینگ عصبلریز ترهنگ!

- ترهنگ بؤمسه - چی ... مېنینگ عصبلریم ترهنگ بؤلْمسه،
کیم نیکى بؤلْسین؟ ایتینگ-چی سیز، ایکى مینگ و بېش یوز لیره
ارزیدینگن اېشکنى حالیکچه کؤرگن میسیر؟
- ییگىرمه ییلدن بېرى اصلا اېشک کؤرمه گن من، دېسم
ایشانینگ!

- سیزدن سؤره یمن: ایتینگ-چی، بیر اېشک مینگ و بېش
یوز لیره ارزیدیمى ارزیمه ییمى؟
- نیمه دېسم والله، بیلْمه یمن ... خو بیرار کمالى بؤلگن اېشک،
ارزیه کېرەك!

- قىسى کمال جناب؟ اېشک، دېب تور یېمن. بیانیه بېرماقچى
اېمس، ایشک، گرگ اورگن قرى اېشکنى او مردککه ایکى مینگ
و بېش یوز ساتیمیش! ماجرانینگ اېنگ یمان تمانى نیمه اېکنینى بیله
سن مى؟

- نیمه دى؟

- یمان تمانى، بو معامله ده مېن واسطه بؤلگن من!

- یوغ ایى، واقعه نى آچیقراق ایتینگ!

- مېن ده شو نرسه نى ایتکنى کړېلديم. استانبول بيلم يورتيدن مېن بيلن خاتينيم نى امريکالیکلر چارلگنلريدن خبريز بارمى؟
بیز امريکا باريب، بير ييل او بيرده قالدیک.
- بيله من.

- اونده قۇيينگ برچه نرسه نى قصه قيله ی:

امريکا ده پروفيسور بيلن تانيشديم. بير-بيريميز بيلن اورتاقلشديک... او، جوده ياردم بېردى. تورکيه گه قيتگندن ساره ده، اؤز ارا يازيشمه لريميز دوام ايتدى.... تورکلرنى جوده سېوه دى... يازوولريدن بيریده، بير اورتاغى تورکيه گه کېلماقچى اېکينى ايتدى. او، تۆشم (فرش) و قالينلر متخصصى دير و تورکيه کېليب تحقيقات قېليب، بير کتاب يازماقچى دير. سېنينگ بيلگيلرينگدن کتايده فايده لنماقچى. مېندن اېسه، شو اورتاغى بيلن ياردم قىلاله سن مى؟ دېب سؤره گندى.

مېن ده اونگه يازديم: تۆشم متخصص اورتاغينگ بيلم يورتلرى نينگ بير آيلیک دم آليش پيتلرى تورکيه کېلسه قوله ی بۆله دى و مېن قۇلیمدن کېلگن ياردمينى ايه مه يمن، دېب اؤقتيرديم. تۆشم متخصصى بيرينچيدن هئاورتاغان و ايران باريب، کپين بيلگيلنگن چاغده تورکيه کېله جگينى يازدى.

تۆشم(فرش) متخصصى اگوست آيىدە كېلدى. تېلفونىم نىمىرەسىنى اورتاغىمدن آلگندى. بىركون هوتلدىن قۇنغىراق قىلدى و مېن اېسە قاشىگە باردىم. متخصص جودە سېزگك و بىلگىلى كۆرىندى. امريكالىك مهاجرلردن اېدى، يهودلىك قانى بار اېدى.

بورون(اىلگىرى) بارگن يەرلرىدن تۆرتتە بكس تۆلە، تورلى تۆشم و گىلىم و شاللىر كېلتىرگندى. بكسلرنى آچىپ، عتيقهلرنى كۆرستدى. جودە اېسكى تۆشملىر اېدى... تۆپلەگن بويوملىرىدن جودە كۆنىككن(راضى) كۆرىندى. او دېردى: بولر بىر خزىنە، قىمت قۇيىپ بۇلمىس. اينى اوچ قريچ و اېنگك اوزونلىگى اېسە بېش قريچ جودە اېسكى بىر قالىنچەسى بار اېدى. بو قالىنچە، اېنگك آزى ۳۰ مىنگك داللىر ارزىيدى، دېدى. بىراق، بىر قىشلاقلىك هندودن بونى بىر داللىر آلگىنىنى فخرلەنىپ ايتدى. او بىچارە كىمبغل هندو بىر داللىر معادلىنى كۆز اۋىنگىدە روپىيە سكەلردە كۆرگىنىدە، جودە سېوينىپ حىرتدن آغزى آچىلىپ قالىپ، قىنچە دىعالر قىلگن!

اوندىن سۆرەدىم: بو اېسكى قالىنچە نېگە مونچە قىمت؟
او دېدى: چونكە هر بىر سانتىمتر مربع يەدە ۸۰ تە باغى(گرە) بار. بو، بىر صنعت شاھكارى دىر!

اۋتە بېرىلىپ تۇشم و قالین حقىدە يىلگى بېرىدى. بوتون دىنادە ھر بىر سانتىمترىدە ۱۰۰ تە باغى بۇلگن بىرگىنە تۇشم بار. قىسى بىر موزىمى دېوارىگە آسىلگنلىگى اېسىمدە يۇق.

بىرتە كېگىز كۆرسەتىپ، دېدى: بونى ۵۰ سنت ساتىپ آلدىم. قىوانچدن موزىلرچە كولردى. او دېدى: بو كېگىز ھم آرى دە بېش مىنگ دالر ارزىدى!

- بو بويوملرنى قىنداق قىلىپ بونداق ارزان ساتىپ آلە سىز؟! دېب سۆردەدىم.

- بو، مېنىڭ قىرق يىللىك ايشىم دىر. بىزلر ھم اۋزىمىزدن اۋزەل يۇرىقلرىمىز بار!

كېين او، شىطاننىڭ مېھسىگە كېلمەيدىگن عىجىب و غرىب يۇرىقلرنى ايتىپ، آغزىمنى آچىپ قۇيدى! او سۆزىگە دوام بېرىپ، تۇشمىلر حقىدە اوچ عنوان كىتاب و بىرتە آلبوم نشر قىلگىنىنى ايتدى. اونىڭ آلبومى دىنا مىقياسىدە اېنگ قىمتلى تۇشمىلر كلكسىونى سىلگىنىش.

آناتولى گېزمەسى (سىياحتى) نى باشلەدىك. تومن مە-تومن و ناحىە مە-ناحيە يورردىك. ھر يېردە بىرار تۇشم يا قالین نظرىگە قىمتلى كۆرىنسە دە، دراو رنگلى عكس آلردى و اىزچىل يادداشت يازردى.

بیر نېچه کیشیدن اېسکی توشم، قالین و کېگیز ساتیب آلدی. او دېدی: بو بېردن آلگن نرسه لر هند، افغانستان، چین، تورکمنستان و ایراندن آلگنلریم آلدیده سیره ارزیمس، دېدی. او دوام اېتیب: تورکیه ده هم قیمتی توشملر بار، بیراق اولرنی اوچرهمه ی توربیمیز.

باستانشناسلیک قازیشمه لر بؤلېب تورگن بیر منطقه گه باردیک. بیر امریکالیک هیئت و بیرته ده آلمانلیک هیئت ۱۵ کیلومتر فاصله ده چادر تېکیب، قازیشمه ایشلرنی قیلماقده اېدیلر. اولر بیرنی آغدر-تؤنتر قیلیب، دؤنگلیک و تېپه لرنی پخته سینگری حلاجی قیلگندیلر. تېپه لر کیچیک بؤلېب، توپراقلری اېلک قیلینگندی.

قازيله دیگن بیر چمه سی بیر کیچیک شهر چه اېدی. ایتیشلریچه، بو بیر آستیده، میلاددن بورون اؤن مینگ ییلگی بیر نېچته اېسکی مدنیت اوستمه-اوست توپراق آستیده یاتکن. بیر شهر اؤرنیگه، بیر نېچته شهرنی توپراق آستیدن چیقرگندیلر. سرای(قصر)، قبرستان و شونگه اؤخخش نرسه لر....

قیزیقرلی تاریخی بیر بؤلگنلیگی اوچون، کؤپکینه توریستلر ده بونده یاققن(سرازیر) اېدیلر. هر ایکی-اوچ کیلومتر یورگنده، بیر تۆپ توریستگه اوچرردیز. منطقه تېگره ک-تاشیده گی قیشلاقلیکلر هم بیتیب کېلگندیلر. اولر اېسکی کاسه می، کؤزه می، قاشق، چاقومی، ...

یېر آستیدن کاولب تاپیب، توریستلرگه ساتردیلر. توریستلر اېسه تلاشیب، بو نایاب بویوملرنی اولرنینگ قۇلیدن یولیب آلدیلر. حتی باله لر هم یؤل بۇیی قطار توریب، توپراق آستیدن تاپکن یازووی بۇلگن سینیق تاشلر و سینیق سفاللرنی توریستلرگه ساتردیلر. میده قیزچه-اؤغیلچه لر بقیرردیلر: "وان دالر!"، "تو دالر!" شونده توریستلر تاووش چیققن تمان یوگورردیلر.

اېندی بو یېرگچه کهلدیم، یخشییسی مېن هم بیرار نرسه ساتیب آلهی، دېدیم اؤزیمچه. ساچی سب-سریغ، زورغه اؤن یاشلاردیگی بیر قیزگینه قۇلیده بیرته گلدان نینگ دستگیره سی و یانیده تورگن اؤغیلچه قۇلیده اېسه آدم باشیگه اؤخشش بیرته کؤک تاش اېدی. بو کؤک تاش بیر اوزیک نینگ کؤزی بۇلسه، دېدیم اؤزیمچه. اولرگه دېدیم:

- یخشی باله جانلر، بولرنی قنچه ساته سیزلر؟

قیزچه گلدان دستگیره سیگه قیرق لیره و اؤغیلچه اېسه کؤک تاشیگه اؤن بېش لیره تیلهدی. مېن اېسه چنه اوریب دېدیم:

- یوق، بونچه اریزیمه یدیلر. ارزانراق بېرینگ، آلهی!

ایکله سی خودی کته یاشلیلردېک بویوملرنی مقتشگه باشلهدیلر: اصلا قیمت اېمس. بولرنی آته م نېچه کون ایلگری ۵-۶ متر یېرنی کاولب تاپکنلر.

اېندی آلماقچی بؤلگنیمده، تۆشم متخصصی اورتاغیم: بولر
 نې تاریخی، نې ده باستانشناسلیک ارزشی بار. کپن دېدی: هر بیر
 شرقی اؤلکه لرگه بارگنیده وضعیت شونداق اېکن. قازیشمه ایشی آلیب
 باریله دیگن هر بیرنینگ قیشلاق آدملىرى اېرکک-عیال، میده -کته
 توریستلرنی اؤره ب آلیب، قؤللریگه ایلینگن نرسه لرنی عتیقه و تاریخی
 بویوم، دېب جانلریگه اوریب ساته دیلر!

او دېدی: بو یره مس قیشلاقلیکلر اوستالیک بیلن قازیشمه دن
 تاپیلگن عجایب بویوملر یسه یدیلر. اونی تانیقلی و ماهر باستانشناسلر
 هم تانیالمه ی الدهنه دیلر و اصل تاریخی و عتیقه بویوملر اؤرنیگه
 ساتیب آله دیلر. حتی بیر سوریك قوی کوچیگی نینگ یونگلرینی
 قیریپ، بیر نیمه لر سورتیب، قیسی دیر پادشاه نینگ مومیایی جسدی،
 دېب بیر امریکالیك توریستگه ساتکندیلر.

او، بو قینغیر ایشلر و الداقچیلیکلرنی بیان اېتیش چاغده قاه-
 قاهلب، موزیلرچه کولردی. او دېردی: بیراق قیشلاقلیکلر یسه گن بو
 تقلبی بویوملر اؤلاقتیره دیگن اېمس؛ چونکه اولر جوده هم ماهرلیکچه
 یسلگن. اؤرنک اوچون باغه نیکی باله چه کؤرستگن کؤک تاش...
 بونداق نرسه نی ییش آسانمس، خودی آدمیزاد باشیگه اؤخشش....

كرايه قىلگن جىپ موتر بىلن گېزىشكە دوام اېتىدىك. هوا جودە ايسىق اېدى... يۇل بۇيى نېچىتە درخت و بىر حلقە قودوقنى كۆردىك. بارىب كولنگە (سايە) آستىدە طعامىمىزنى يېيلىك، دېدىك. درختلر كولنگەسى آستىدە بىر قىشلاقلىك چال چۆرت اوريپ اۆلتىرگندى. اوسەراق (نيراق) دە بىر اېشك هم يېردە اۆلتىرگندى.

چال بىلن سالاملىشىدىك و صحبت آچىلدى. مېن اېسە چالنىڭ سۆزلىرىنى امريكالىككە ترجمە قىلدىم.

- بو توگرەك قىشلاقلرىدە كۆپراق نىمە اېكەدىلر؟

- ھىچ نرسە... قدىملردە اېكىنچىلىك يىخشى اېدى. ارپە- بوغداى و باشقە دانلر اېكردىلر؛ يىراق شو قازىشمەلر باشلنگىدن بېرى، ۲۰ يىلدىن بويان قىشلاقلىكلر جودە دنگسە (تنبل) بۇلىپ، ھىچ نرسە اېكمەى قۇيدىلر....

امريكالىك دېدى: خودى باشقە يېرلردېك!

چالدىن سۆزدىم: خى، اوندە بو قىشلاقلىكلر رۇزگارلىرىنى قنداق اۆتكزەدىلر؟

- يېر آستىدىن سىنىق كاسە، كۆزە و بويوملر كاۋلب تاپىش مود بۇلگن پىتىدىن بېرى، قىشلاقلىكلر باشقە ايش قىلمەيدىلر. ھركىم بىر

کولنگ آلیب، یېرنی قازەدی. تاپکن توتکن نرسەلرینی دە، شو تېگرەک-تاشدە سنقیب یورگن یاتلرگە ساتەدیلر.

امریکالیک دراو دەدی: خودی باشقە یېرلردېک!

قیشلاقلیک چال دەدی: بو یېرنینگ آدملىرى جودە خوار و توبن (ذلیل، پست) لر. یورت نینگ برچە خزینەلرینی یاتلرگە ساتدیلر... توپراق آستیدن نایاب ستونلر و مزارلر تاپیلدی. ایتیشلریچە، اولر نینگ قیمتی نی ییگندە ابدی، اولرنی قیمت ساتیب، بوگونگی تورکیه گە تېنگ اؤتتە تورکیه ینگیدن قوریلردی! یاتلرنینگ قنءاقلیگینی بیله سن می؟ برچە سی اؤغری... یېر آستیدن چیققن نرسە نی اؤغیرلې آلیب کەتردیلر... بو یېردن آلیب کەتکن نرسە لر بیلن اؤز یورتلریدە اولکن شەرلر قوردیلر... ائیریملىرى اېسە اؤزلىرى یېرنى کاوب، تاپکن-توتکنلرینی آلیب کەتدیلر. قیشلاقلیکلر تاپکن ائیریم نرسەلرنی چنگلریدن آلدیلر. یعنی اولرنی الدەب، ارزیمە گن پولگە مفت ساتیب آلدیلر....

امریکالیک تغین شاشیب: خودی باشقە یېرلردېک، دەدی.

چال ینە دەدی: توپراق آستیدە، چقیریلەدیگن باشقە نرسە قالمەدی. قالگن دېسە لر دە، ایشانمینگ!... حقیقت شو، مسألەگە دولت قۇل اورگن. اېندى قیشلاقلیکلر اؤزباشیمچە کاوالامەیدیلر.

اېندى اېسە، ياتلار يىنە اۋغىرلەسەلەر دە، دولتدن اۋغىرلەيدىلەر. دولت اۋزى
قىمت ساتسە كېرەك...

امرىكالىك يىنە دېدى: تۇغرى، خۇدى باشقە يەرلەردەك!
چالدىن سۆرەدەيم: اونىدە قىشلاقلار قىسى يۇلدىن درامدى
تاپەيدىلەر؟

قىشلاقلار چال دېدى: بو تمانلاردا ئالتى بۆلەك ئابادلىك بار.
اولارنىڭ اويىگە بارسىڭ دە، بىرەر بۆلەك جۇل و جىندە تاپالمەيسىن.
نې كاسە، نې دە كۆزە قالدىن، اويلارى بۇم-بۇش دىر.
- نېگە اېندى؟

- خۇب بېللى دە، مەنە شو تۇرىستلارگە ساتەيدىلەر. اويلاردا ھېچ
نەرسە قالماگەن. بىرچە نەرسەنى عىتقەگە اۋزىگىرتىپ، كېيىن ساتەيدىلەر.
اولر، بويۇملارنى زىنگىلەپ اېسكۇرماق و عىتقە شىكلەگە بۇلماق اۋچۇن، بىر
مىدت تۇپراق ئاستىدە كۆمىپ قۇيەيدىلەر. قىشلاقلارنىڭ اخلاقى
بۇزىلىپ كېتكەن. تۇناگۇن بىر قىرچە بالە كۆز يۇمىپ آچكىنىچە
اېشىگىمىنىڭ بۇيىنىدەگى مۇنچاقلىرىنى آچىپ آلىپ قاقچىدى. او،
مۇنچاقلىرىنى تۇپراقدا كۆمەدى، بىر آز اېسكۇرگەندىن سۇنىڭ، عىتقە نەرسە،
دېپ تۇرىستلارنىڭ جانىگە اورىپ ساتەدى... بۇيى يېتىگەن بىرچە قىزىلر
عىتقەچى بۆلگەنلەر. قۇللارگە بىر تە تاش تۇشسە دە، اونى سۇيىكەلەپ،

قیریب بیر صنعت اثری یسه یدیلر... ایشک نینگ تقه (نعل) سیدن
اېسکی مدال و بلداق یسه یدیلر.

امریکالیک ینه دېدی: سیزلرگه خودی باشقه پیرلردېک،
دېگندیم کی.

قیشلاقلیک چالگه دېدیم: سېن قنذاق قیلیب رۇزگار
اؤتکره سن؟ پولنی قه پیردن تاپه سن؟ نیمه ایش قیله سن؟

دېدی: مېن ایشک آلدی- ساتدی قیله من!

بو سۇزنی ایتیش چاغده قودوقدن سوو چیقاریب، سطلنی
اېشگی آلدیگه قۇیدی. اېشیک سوو ایچماقده اېدی و امریکالیک
اوچت (بیردن) اؤرنیدن توریب، ایشک قاشیگه باردی. مېن و
قیشلاقلیک چال سۇزله شماقده اېدیک.

- ایشک آلدی- ساتدی ایشی نینگ عایدی یخشی می؟

- خداگه شکر... بېش ییلدن بېری برچه رۇزگاریم نی شو
ارقه لی کېچیره من. تېنگریگه بیحد شکرلر.

- اؤرنک اوچون عایدی قنچه؟

- بېللی اېمس... ایشککه باغلیق...

- بیر ایشکنی ساتیش قنچه وقت آله دی؟

- انیق اېمس... بېرار پیت اېشک اوچ - تۆرت آی ساتيلمه‌ی،
قۇلیمده قاله‌دی... ايريم چاغلرده بېرکونده بېش باش اېشک ساتکیم
هم بار...

شو چاغده امريکاليک يانيمگه کېلدى. جوده هيجانلى اېدى.
او دېدى:

- وای، وای... اېشک اوستيگه بېر بۇلک قلىنچه بار،
کۆردينگمى؟

انگليسچه سۆزلگنى اوچون، سۆزلىرىنى قىشلاقليک يىلمسدى.
اېشک اوستيگه بېر بۇلک لايگه بولنگن اېسكى جنده جول بار
اېدى...

دېديم: شو افلاس جولنى ايتە سنمى؟

دېدى: يۇق، خدايا، بو فوق‌العاده نرسه، بېر صنعت
شاهکارى... سىزلر سۆزلەشيب تورگيزده اېسه، مېن اونى دقت بىلن
کۆريب، تېكشيريپ چيقديم. طرحى ده عالى؛ بوياغى ده گۆزل؛
اونگه عجايب ايش قىلينگن... هر بېر سانتيمتر مربع يده بېر يوز ييگيرمه
ته باغ(گره) بار. شونداق بېر نرسه بوتون دنياده شو چاققچه
کۆريلمه‌گن. اؤرنكسىز دير...

دېديم: ساتيب آلماقچى سىزمى؟

دېدى: ھە، يىراق قىشلاقلىك جولى ساتىب آلىشىمنى بىلەمەسەن... مېن بولۇرلى يىخشى تانىمەن. بىر يىرتىق چىرىگەن چارىقلرى بۇلسە و اونى بىر ياققە تىشلەماقچى بۇلسەلر و بىر كىشى تاپىلىب اونى ساتىب آلماقچى بۇلسە دە، اۋشندە اولر: بو قيمتلى يا عتتقە نرسە بۇلسە كېرەك، دېب اۋىلب آتە-بوبەلرلى نىنگ نرخینى قۇيەدىلر. قنچەلر پول بېرسەيز دە، كۈزلرى تۈيمەيدى و نرخینى كۈترە بېرەدىلر... كېل، كۈزىمىز جولگە تىكىلگىنىنى قىشلاقلىك سېزمەسەن.

شو چاغدە قىشلاقلىك چال دېدى: بو چىت اېللىك كىشى نىمە غود-غودلەيدى؟ نىگە فان فىنگ قىلە سىزلر...؟

دېدىم: ھىچ، بو يېرلر قنچە چىرايلى دېدى... جودە ياقىرىيدى....

قەيىرى چىرايلى؟ نېچىتە قوپە-قوروق تېپەنى ھەم ياقىرىشى بارمى؟

امرىكالىك دېدى: سىزگە، ارزان آلىش نىنگ نېچىتە يۇرىغى بار دېگەندىم كى. باقىنگ، حاضر اولر نىنگ بىرىدن فايدەلەنەن.

- قنداق؟

- قالىنچە جولى آلەمن، دېمەيمەن. اېشكىنى ساتىب آلەمن. چونكە بو قىشلاقلىك جول قيمتىنى بىلمەيدى. اېشكىنى ساتىب آلسك

ده، جولینی هم اوستیگه قالدیره دی... کپن بیرآز بو یپردن
اوزاقلشسک ده، قالینجه نی آلیب، ایشکنی هیده ب ییباره میز. ایندی
سیز قیشلاقلیککه، ایشگینی ساتیب آماقچی اېکنیم نی، ایتینگ....
قیشلاقلیک چالگه دېدیم: سېن ایشک سته سن، شونداق

می؟

دېدی: هه، ایشک سته من.

- مثال اوچون شو ایشکنی نېچه سته سن؟

- ساتیب آلوچیگه باغلیق.

- بیز ده ساتیب آلووچی بولسک...

کولدی و دېدی: مېن ییلن هزل قیلماقچی سیزلر، شېکیلی؟

سیزدېک جنابلر ایشک آلیب نیمه قیله سیزلر؟

- ایشینگ بولمه سین... بیز ساتیب آماقچیمیز. نېچه سته

سن؟

- ساتیب آلووچیگه باغلیق، دېب ایتیم کی... سېن آله سن می

یا ده بو چېت اېللیک؟

- او ساتیب آماقچی...

- بو آدم قه پیرلیک؟

- امریکالیک.

- اوھوووو. چېت اېللىككە اۋخشمەيدى، اۋزىمىزدن شېكىللى... بو اېشك كۆپ قرى. اونگە آيت، بو اونگە يرمەيدى.
امريكالىك دېدى: اوه، قنچە يىخسى. اونده ارزان بېرەدى...
قىشلاقلىك چالگە دېدىم: قرى بۇلسە، مىلى. ھىچقىسى
يۇق... كۈنە من، دېدى.

- اخى بىر امريكالىككە شونداق نرسەنى ساتىش عىب كى!
كېين اۋز يورتىگە بارىپ: توركلر مېنى الدەدىلر، دېپ يورەدى.
سۈزلرىنى امريكالىك اۋرتاغىمگە اۋگىردىم.
او دېدى: توركيە قىشلاقلىكلرى جودە سادە و تۇغريلر...
كۆپ يىخسى آدملىر. باشقە پېر بۇلگندە اېدى، الەقچان ساتىپ
يىبارردىلر. اېندى بو كىشى كۈنگىلچن آدم اېكنلر، مېن دە يىخسى پول
بېرەمن.

قىشلاقلىك قرىگە دېدىم: امريكالىك كۈنگن.
دېدى: مىلى، بىراق جناب، بو اېشك امريكىكاگە يېتمىسدىن
يۇلدە اۋلەدى.

اوستىگە-اوستك بونى گرگ ھم اورگن. تېرىسى كل بۇلگن.
- عزيزىم سېنگە نېمە، او اىستەيدى.

- قیزیق! ... بابا بو اېشك ساغلام اېمس و اونگه يره مه يدي.

اخي، بو قري و گرگ اورگن اېشكني نيمه قيله دي؟

- نېگه سؤره ي سن؟ ... سېن پولينگني آل ... اېندي آيت

قنچه گه بېره سن؟

- مېن اوچون جوده عجيب ... سينچكاو بۇلديم. بو

امريكاليكدن سؤره: يورتلريده اېشك يۇق مي؟ ...

امريكاليككه دېديم: يورتيزده اېشك يۇق مي؟ دېب

سؤره يدي.

امريكاليك بير آز اؤيله نيپ، كېين دېدي:

- اونگه آيت: اېشك بار، بيراق بونده يي يۇق ...

سؤزلريني قيشلاقليك قريگه ترجمه قيلديم.

چال دېدي: اووهووو... اونده او، امريكاليك اېشكني

ياقتيرمه يدي و توركي اېشكلرن يياقتيرر كن ده! خوب ميلي، نيمه هم

دېرديم. بيزدن آيتماق اېدي... اېشكنينگ برچه عيبلريني سيزلرگه

آيتديم. بير اېشك اوچون، بير چېت اېلليكنينگ كؤنگليني

سينديريشني ايسته مسمن ... اونده ساته من

- نېچه؟

- سيزلر اوچون اؤن مينگ ...

- نیمه‌هه؟ تېلبه میسن؟ اېنگ اصیل عربچه نژاد آت ایکی-اوچ
مینگ لیره دیر...

- بونداق بۆلسه ده، اونده بو اېشکنی نېگه ساتیب آله‌دی؟
بارسین عربچه آت ساتیب آلسین...

امریکالیک اورتاغیمگه: اؤن مینگ لیره ایسته‌یدی، دېدیم.
او دېدی: سېنگه باشدن ایتدیم، اؤزینگنی ساتیب آلووچی
کۆرستسنگ ده، بولر شونداق بۆله‌دیلر. اؤزلریچه، بو قیمتلی نرسه،
دېب اویله‌یدیلر و نرخینی آشیره‌دیلر. مېن بو اېشکنی آلماق اوچون
اؤن مینگ لیره بېرىشگه تیارمن؛ بیراق شونچه ایتکیم بۆلسین. شو
ایتکن نرخيگه آله‌من. او پیت اېلیک مینگ لیره ایسته‌یدی. شو اوچون
یخشی چنه اورماغیمیز کبره‌ک....

قیشلاقلیک چالگه دېدیم: چین سۆزله، بو اېشکنی قنچه
ساتیب آلگن سن؟

او دېدی: یالغان مېنىگ ایشیمده یوق. کۆر، حاضر طهارتیم
بار. سېنگه یالغان ایتمه‌یمن... مېن بو اېشک‌نینگ تېرىسی دن چاروق
تیکماق اوچون بېش لیره ساتیب آلگنمن. شو اېرتە-ایندین اۆلسه،
تېریلب، اوندن چاروق تیکه‌من... باشقه نرسه‌گه ده یرەمس...

- ای بابا، بیر آزانصافلی بؤل... قنذاق قیلیب بېش لیره ساتیب

آلگن اېشکنی، اؤن مینگ لیره ساتماقچی سن؟

- عزیزیم، مېن کی ساتماقچی اېمس اېدیم. سیزلر ساتیب

آلماقچی بؤلدینگیز. قری دېدیم. جناب، میلی دېدی؛ گرگ اورگن

دېدیم. جناب، فرقی یوق دېدی؛ سېنگه یرمه یدی، دېدیم. تغین

ایسته دی؛ یوله اوله دی، دېدیم. ینه یخشی دېدی... قریب اونوتسم،

بو اېشک کچل هم دیر. کینگی ایاغی آقسه یدی...

- فرقی یوق!

- اونده بو اېشک نینگ، مېن بيلمه گن قنذاق دیر قیمتی بار.

چونکه نېگه بو امریکالیک بیر قری، گرگی، یرمه مس و آقساق اېشکنی

ساتیب آلماقچی... ینگلیش ایته من می؟ اؤن مینگدن بیر قروش هم کم

توغری کېلمس... ساتمه یمن...

امریکالیککه ایتدیم: قویراق توشمه یدی. اؤن مینگ لیره

اونگه بېره یلیک می؟...

ایکی ساعت چنه اوردیک. بیر یوله هم بو معامله نینگ

خیریدن اؤتکندېک کؤرسه تیب، یولگه توشدیک... چال سره (هیچ)

اهمیت بېرمه دی. قیتیب آلدیگه کېلدیک...

دېدی: قیتیشلریزنی بیلردیم!

دېدىم: قەيىردىن يىلردىنكى؟

- خوب بېللى دە، بىر ارزان اېشكىنى قۇلگە توشىردىنكىز.
شونداقچىنە قۇيىپ يىيارمەيسىزلىرى!...

موتىر ھىداۋچىسىگە، موتىرنى آلدىنراق آلىپ بارىپ، كوتىب
تورىشىنى آيتىدىم. اېشكىنى ساتىپ آلىپ، اۋشە يېردە تشلب، موتىرگە
مىنىپ كېتىسك، دېدىك.

قىسقەسى بىر قىچە چنە-چونە اورىپ، ۲۵۰۰ لىرەگە
كېلىشدىك. پوللارنى سىب، قۇلىگە بېرىك. قىشلاقلىك چال ھم
اېشك اوستىدن قالىنچە جولىنى آلىپ، نۇختەسىنى قۇلىمىزگە بېردى.
قوتلوق بۇلىسىن! دېدى.

كېين دوام اېتدى: بو قىرى و گرگ اورگن اېشكىم قۇلىمدىن
ارزان كېتدى. يىراق ھىچقىسى يۇق، خىرىنى كۆرىنكىز!
امرىكالىك اۋرتاغىمىنىڭ كۆزلىرى تۇرتتە بۇلگندى و چال
قۇلىدەگى قالىنچەگە كۆزى تىكىلىپ قالگندى! اېندى نىمە بۇلركن،
دېدىم اۋزىمچە؟

او دېدى: بىلمىسلىككە سال... كېل اېشكىنىڭ نۇختەسىنى
آلەيلىك و بىر آز كېتەيلىك. كېين، مھم بۇلمەگندېك قىتەمىز و چالگە
اېسە دېمىمىز: اېشكىنىڭ بېلى ساۋقاتىشى مېمكىن، بو ژندە جولىنى بېر

اونىنگ اوستىگە تشلەيلىك. اما دقتلى بۇل، مقصىدىمىز جول اېكىنى
چال بىلمەسەن، تەغىن....

اېشك نوخەسىنى آلىب، يۇلگە توشىدىك. "يۇلگە
توشىدىك"نى، اۋزگە سۇز تاپمەگنىم اوچون آيتىدىم... تۇغرىسى،
امرىكالىك ارەقەمدن ايتردى. مەن دە نوخەنى تارتىدىم. بىراق اېشك
اۋرىدىن اصلا سىلجىمىدى... كۆپ قىلىگى اوچون بىر آدىم ھەم
تشالامىدى. اۋشە ژندە قالىنچەنى چال قۇلىدىن آلاسك اېدى،
اېشكىنى تشلەپ كېتىدىك...

اورىب، ايتەرىب، تارتىب، زۇرغە ۲۰-۳۰ آدىم اىلگىرى
كېتكىمىزدە، توستىدىن چال ارەقەمىزدىن بىقىردى:

- تورىنگ، تورىنگ، اېشكىنىگ بىر نەرسەسى قالىدى...
امرىكالىك اۋرتاغىم قىوانچىدىن قىقىرىشىگە آز
قالگىنى. او دەدى: قالىنچەنى اۋزى كېلتىرەدى، شېكىللى...

قىشلاقلىك چال يۇگورە سالىب كېلىپ، دەدى:
- اي بابا، قىچە فكىرلىز پرىشان. تبالە (طوبلە) نىنگ قازىغىنى
اونوتىب سىزلر. امريكا بارگندە، نوخەسىنى قەيىرگە باغلەيسىزلر؟
قازىغىسىز اېشك ھەم ساتىب آلىنمى؟ سادەلىگىز شونداققىنە بېللى
دىر...

باشیده بیرته حلقه سی هم بؤلگن قازیغنی قولیدن آلدیک.
امریکالیک مینگه دبدی:

- یاللا، حاضر پیتی دیر. او قالینچه نی هم ایسته و ایتکین
بیرسین... بیراق او ییلمه سین... بو ژنده افلاس جولنی هم بیر،
دبگین...

بو ایشک جوده قری، اریغ و کسل دیر... حیوان ساوقاته دی.
سهن بیر ژنده جول اوستیگه تشله گندینگ. جانور ساوقاته سین،
اؤشه نی بیر، بونینگ اوستیگه تشله یلیک...

چال دبدی: یؤق... جولنی بیرالمه یمن... سیزلر مپندن
ایشکنی ساتیب آلدینگیز، جولنی اېمس...

- هه، ایشکنی ساتیب آلدیک... جولنی هم بیرگین، اوستیگه
تشله یلیک. جول جوده اېسکرگن و ژنده بؤلگنی اوچون هیچ نرسه گه
یره مهیدی...

- هه، اېسکرگن، افلاس، هیچ نرسه گه یره مهیدی... بیراق
سیزلرگه بیرالمه یمن...
- نېگه اېندی؟

- بېرالمه یمن جناب... بو جول آته مدن اېسده لیک دیر...
آته مگه ده آته سیدن بیتگنمیش ... قیسقه سی، آته لریم نینگ
اېسده لیگی دیر...

امریکالیکه که دېدیم: بېرمه یدی، آته مدن اېسده لیک، دېدی.
او دېدی: بو ژنده نیمه ننگه یره یدی؟ دېب سوره.
چال دن سوره دیم: اېندی بو ژنده جول و کثیف نیمه گه
یره یدی؟

چال بیردنیگه جدیلشدی: نیمه گه یره یدی، دېگنیز یعنی نیمه؟
اېندی باشقه بیر گرگ اورگن اېشک تاپیب، اوستیگه تشله یمن. قسمت
بؤلسه ده، سیزلردېک ینه بیرار ساتیب آله دیگن تاپیلر. خدا خواهلسه
اونی هم ساته من. بو جول مېنگه خوش شانسلیک کېلتیره دی...
حالیکه قازیقنی هم سیزلرگه تېکین بېردیم. او اوچون بیرار نرسه دېدیم
می؟

- اېندی کېل، قتیق توتمه. نېچه قروش آرتیقچه هم بو ژنده
اوچون بېره میز. ژنده جولنی آلیب بو جانور اوستیگه تشله یلیک،
ساواقاتمه سین...

- نېمەلەر دىيىپسەن؟ ئوندى مېن اېشكىنى قىنداق ساتەي؟... بېش يىلدىن بېرى قىرى، گرگ اورگن كچل اېشكىلرنى شو ژندە جول ارقەلى ساتىب كېلگەنمەن... خوب، خىر... بارىنگ، خىرىنى كۆرىنگ...

امرىكالىك سكتە قىلمەسەن، دېب قۇرقىدىم. قۇلتىغىدىن توتىدىم. چال نېچە آدىم كېتىب، قەيتىب دېدى:

- ايسىتەسەنگىز، اېشكىنى تىشلىگىز، بىكارگە زىمت چىكىمەنگە و اوزاققە آلىب كېتىمەنگە... اۋشندە مېن دە چرچەمەيمەن...

اېشكىنى اۋشە يېردە قۇيىپىردىك و موتر تورگن يېرگچە يەياو (پىادە) باردىك. امرىكالىك مەخسەس اۋرتاغىم دېدى:

- اۋزگە يېرلردە بونداق اېمىسدى. شونداق بىر بلا باشىمگە تۈشمەگەندى... بىرچەسى اۋخىشش. بىراق بو چل بوتونلەي باشقىچە اېدى!...

موترگە مىندىك. قازىق خالى ھەم قۇلىدە اېدى. تىشلەمسدى.

دېدىم: بو قازىقنى نېمە قىلماقچى سەن؟

او دېدى: اېسەلىك صىقتىدە، تۈشمەلر كلكسىونى اىچىدە قۇيەمەن... جودە قىمەتلى قازىق دىر... تېكىن آلدىم، ايكى يىرىم مىنگە لىرە!...

عالم و آدم آلدیده آبرویمیز کبتدی... باشقه آبرو بیزده
قالمه‌دی...
شونداق باشیگه اورردی و "آبرویمیز کبتدی!" دپیردی.

حلال زاده كىشى

بىر-ايكى آغيز سۆز اوشبو داستان حقيده: "حلال زاده كىشى گېي نىنگ اوستىگە توشەدى". قويدە اۇقيديگن نرسە، مېن حقيمدە اۇرتاقلرىمدن بىرى، باشقە بىر اۇرتاغىمگە ايتگن. "سيزنىنگ اۇرتاقلرىنگىز ھەم سىز حقىنگىزدە شونداق نرسەلرنى بىر-بىرلىگە ايتەدىلر. سىز اۇقووچىلر ھەم شو نرسەلر يا شونگە اۇخشاش نرسەلرنى اۇرتاقلرىنگىز حقيده ايتەسىزلر:

حقنى اياق آستى قىلىش كېرەك اېمس، چىندن ھەم نازىن آدم، بىراق ... بىلمەيمەن، قنداق ايتەي...، بىر آز مغرورگە اۇخشەيدى... شونداق اېمس مى؟... غىيىتىنى قىلاتىدى، دېب اۋىلەمەگىن تەغىن...، اصلا مونداق بىر نرسە اېمس... اما نىمە ھەم قىلىش مەكەن؟... اۋزى و سېنىنگ فايدهسىدن باشقەلرنىنگ ضررىگە ھەم بۇلسە، اۋتمەيدى... نىمەدن يمانىم كېلگىنىنى بىلەسن مى؟... تظاهردن... اۋزىنى كۈنگىلچەن و اۇرتاغ صفتىدە كۆرسەتسە؛ اۋشە كە يىشىرنچە دايم اۋزىنىنگ اۋىلسە... بۇلمسە چىندن ھەم كۈنگىلچەن آدم... ھە... تۇغرى... چىندن ھەم يىخشى يازووچى... يازوولرى بىر-بىرىدن يىخشى و گۈزەل، بىراق نې فايده؟... يازگن نرسەسى نىمەدى

اۋزى؟... مسخرە بازلىك خو يازووچىلىك بۆلمەيدى... ھەر بىر مەكتەپ بالەسى ھەم شۇنداق پەك-چەلپەكلەرنى... تۇقسىمە... سۆزلەيمەن يىڭلىش توشىمەگەن!... مەن اونى چىندەن ھەم يەخشى كۆرەمەن...، اصلدە جودە نازىن آدم.

سۆزى، سۆز... سۆزىنى اياغ آستى قىلەدىگەنلەردەن اېمەس...، قىسقىمەسى ايشانچىلى آدم...، يىراق...، قىنداق ايتەي، بىلمەيمەن... حساب-كەتابى تۈزۈك اېمەس... يەنىدە اۋلتىرىپ چىق-چەقەش و سەھىبە قوريشكەگەنە يەيدى... اما خەدا قىلمەسەن، اۋنگە قەرز بېرىپ كۆرمە... پۇلدى ائەب غەيب بۆلەدى و سەن بۆلسە قۇلەنگە مەنەن بېرىپ، اياغىڭگە مەنەن چەپەبەشكە كېرەك... اخى شەرافەت ھەم يەخشى... نەرسە-كە!... گەل ايتەب، گەل اېشىتماق اۋز اۋرىدە، بېرىنچىدەن كەشى شەرافەتلى بۆلىشى كېرەك.

قۇلى آچىق آدم... ايسەنگەنچە لۇتى باز... بۇ نەقە نەزەردەن تەنگە يۇق، دېسەك ھەم بۆلەدى... يىراق بۇل و بېخەشى ھەم حساب مەنەن... سەنگە بېرەنە زەتەن بېرسە بارەمى، بېر قۇتى زەتەن يەغەنە سەندەن اۋندەرمە يۈزەمنى قەزە قەل... لۇتى بازلىك شۇ بۆلسە-دە... يۇق يەنە اۋىلەمە... مەن چىندەن اونى يەقتەرمەن... اونى يەقتەرمەگەنەمە، بۇ سۆزلەرنى ايتەب نەمە قەلەر اېدەم؟... شۇنداق اېمەس مە؟... خەسەس اېمەس... پۇل خەزەلسە... اۋرتاغى اۋچۇن قەندەن ھەم... كەچەدى... يىراق يەخشى اۋىلەب كۆرسەنگە، بۇ ايشەرنەنگە دېرەلى بېرچەسى اۋزى نەنگە شەخەسى فەيدەسى اۋچۇن دەر.

يخشىلىگىگە گپ يۇق...، بولر تۇغرى... بىراق... بىلمەدیم دقت قىلدىنگ مى يا يۇق؟... يخشىلىگى ھم اۋزى نىنگ دردىگە گىنە تېگەدى، خلاص... اۋشە ھۆكىزىنىگ قصەسىنى بىلەسن-خو... ايتىشلىرىچە، بىر ھۆكىز بار اېكن، بېش يوز كېلو اۋت يېب بېش لىتر سوت بېرر اېكن. بېرگن سوتىنى ھم تېپىپ تۇكر اېكن... او دە خودى شو ھۆكىزگە اۋخشەيدى... ايانان، اونى ايناغمدن كۇپراق يخشى كۆرەمن... بىر آز قىزغىچاق- دە حىف... دېمك، سېن ھم متوجە اېكن-سن-دە...! جودە قىزغىچاق... اېنگ يقىن اۋرتاقلىرىگە ھم قىزغانەدى... بىلمەدیم، مقصدىمنى توشىنەسن مى يا يۇق؟... نېگە؟... مېن ھم سېنىنگ منظورىنگى يخشى بىلەمن... مېن ھم جودە سېۋەمن... يعنى مېنىنگ چىندن يخشى كۆرەدىگن سناقلى كىشىلىرىمدن بىرى دىر... ايناغمدن كۆرە ھم كۇپراق يخشى كۆرەمن، دېسم ايشانگىن.

نیمەسىنى ياقتىرگىمنى بىلەسن مى؟... چورت گۈيلىگىدن... يۈرەگىدە بار نرسە، تىلىدە ھم بار... بىراق بو حىلەگرلىكلرى نیمە اوچونلىگىنى تىغىن بىلمەدیم... اۋزىگە ايتىسنگ، "نزاکت!"... دېدى... بىراق بو بىلن كىمنى الدەيدى؟... الداچى دىر، اۋشە يرەمس الداچىلردن... راستىنى سۆرەسنگ، مېن ھم دىيادە شو بىر نرسەدنگىنە نفرتلنەمن.

خدا حقى جودە يخشى كۆرەمن... اصلیدە يخشى آدمى بىرچە سېۋەدى... بو تۇغرى... بىراق... حتماً سېن ھم متوجە بۇلگن

سن... اوخپک زير بوريا... آلدینگه بولسه لى، ليگه تېگمىسدن سېنى
مقتهيدى يو مقتهيدى، اما ارقه ننگدن بولسه، خدا بيله دى نيمه لر نيمه لر
تاقه دى... اونینگ بو اخلاقي چيندن ده يمان... اصلیده مېن اوشه رند
و خرابات... جوده ياقتيرمه يمن.

اونى سېن هم يخشى تانييسن و مېن هم... چيندن ده جوده
کم اوچيره يديگن اورتاقلردن، بيرارته نینگ حقينى آياق آستى قيلگىنى
حاليگچه كيشى كورمه گن... كوزيم كور بولسين ده، يكه اوز
فايده سىنى كوزله گىنى كورگن بولسم... بيراق حيف او استشاردن
يمانى كېله دى... يلغوز اورتاقلريگه گينه شونداق، دېب اويله مه...
شخصى منفعتى اورتده بولگنده بار مى؟ اونده او آتە سىنى هم
ايه مه يدى... يوق... تغي ن اونینگ يمانليكلرينى ايتا تيدى، دېب
اويله مه گين... هيچ قچان.

شونى ده ايتماقچى من، او چيندن ده شرفلى بير كيشى...
چيندن ده شريف بير انسان... بيراق... قره... اوزى هم كېلىب
قالدى... به به به... قربانيز بوله ي... قه يرده سيز؟ هيچ كورنمه يسيز؟
منه شو حاضر بير ساعتدن بهرى "ذكر خيريز اېدى... "حلال زاده آدم
اوز گپنى اوستيگه توشه دى"، دېب ايتگنلرى بې چيز اېمس اېكن ده!

يوتىش (موفقىت) يۇللىرى

برادر، بونداق گېلرنى كېرەگى يۇق... مردم فقط اينتلىش،
كوشش و مىنگ خىل زحمت و جان اورماق ارقلەلى پول تاپەدىلر.
انسان كوشش و اينتلىش بىلن پولدار بۇلمەيدى، دەپ كىم
ايتەدى؟ برادر، مونداق گېلر قىدىمگىلرنىكى.

موفقىت رمزى ايشده خلاصە بۇلەدى. بىر شەرلى ايشچن
عايلەنىنگ تورموشىنى شرحلب، بو نرسەنىنگ تۇغرىلىگىنى
اثباتلەماقچى من.

خلق الله نىنگ يۇلاوچىلىگى اوچون "بادىتو" عايلەسى اېنگ
يخشى اولگو و اۋرنىك بۇلالەدى. مېن "بادىتو" عايلەسى بىلن تانىشو
و ارتباطىم بارلىگى اوچون او عايلەنىنگ سر-اسرارىنى ارئە قىلىشگە
موفق بۇلگن من. عكس حالده، سىزلردن هېچ بىر كىشى اوشبو خاندان
نىنگ موفقىت رمزى بىلن تانىشىش افتخارىنى نصيب بۇلالمس اېدى.
"بادىتو" عايلە و طایفەسى توركىەنىنگ اېنگ بويوك
عايلەلريدن دىر. مملكت ايشلىرى نىنگ بىرىك بىر قسمى بولرنىنگ
انحصارىده دىر. بو عايلە نىنگ كلەگندهلرى قويدەگىلردن عبارت:
* "سليمان بادىتو"، "يوسف بادىتو" نىنگ آقازادەسى دىر،

* "یوسف بادیتو"، "مارکو بادیتو" نینگ جینی،
 * "مارکو بادیتو"، "یالکو بادیتو" نینگ ابه سی (عمکیسی)،
 * "یالکو بادیتو"، "مردفای بادیتو" نینگ اینی-آغه سی،
 * "مرفای بادیتو"، "میشل بادیتو" نینگ کییاوی،
 * "میشل بادیتو"، "معز بادیتو" نینگ قه یین آته سی دیر،
 * و هکذا....

کېچره سیز، بوندق بیلن بو عایله نینگ رازینی آشکار
 قیلامه یمن. یخشیزی شو که، بیر تیلی بخاری نینگ ایشلب چیقاریش
 و ساتیش جریانی سیزلرگه اپسلش بیلن اوشبو بویوک رازینی سیزلرگه
 ساده و عام فهم قیلیب، ایتە ی.

شو حاضر بیز "استقلال" بویوک یۆلیده گی اوی اسباب-انجام
 ساته دیگن بیر مغازه قرشی سیده توریب ییز. کۆزیمیز بیلن مغازه
 ویتیریلری ارقه سیده گی تورلی تیلی بخاریلرنی تماشا قیلیب توریب ییز.
 بو بخاریلر تورلی شکل و مختلف رنگلرده مغازه ده تهریلیب قوییلگن.

- سېن قیسی تور بخارینی یاقتیره سن؟
- اؤشه کریمی رنگلیسی ... نظریمدە یخشی، بیراق جوده
 قیمت ... بیلە سن می؟ ۲۱۲۰ لیره کۆپ کتە پول!
- یخشیزی قیمتی ۸۵۴ لیره لی منه بو بخارینی تنه یلیک.
- هه، بو هر نقطه نظر دن قوله ی و یخشی.

ھە، بو "بادىتو" عايلەسىنىڭ قىنداق قىلىپ پول تاپىشىنى شەرھلىدە يېتەرلى. اوندىن سۇنىڭ، اوشبو عايلەنىڭ قىنداق مىھنىتىش و ايشچىلىكىنى بىلىپ آلەسىز. بو عايلە بو زمان نىڭ دىڭسە، بىكارە و ادعالى مىردم اوچون يىخشى اۋرنىڭ دىر.

"اسحق بادىتو" "عربلر مىسجىدى" و پنچىشە بازار "يۇلى نىڭ اۋرتەسىدە بىر گىدامى بار. اۋزىنىڭىز ھم حالىڭىچە اونى كۆرگن بۇلىسنىڭىز كېرەك. يورگن برچە آدملىر و دىللەر ھركون كوچە-كۆيلردە يورىپ، مىدە-چۆيدە تېمىرلىرىنى يىغىپ يا ساتىپ آلېب، كېچقورون اېلتىپ "اسحق بادىتو" گە ساتەدىلر. "اسحق بادىتو" جانلىرى نىڭ لطفى طفىلى بو يۇلدىن كۆپىگىنە آدملىر نان تاپىپ گىذران قىلىپ يورگىنلر.

- بو مىدە-چۆيدە تىشلىنىدىقلر بخارىگە نىمە رېطى بار؟ يىخشىسى تىلى بخارى موضوع سىگە بارەيلىك.

- شاشمە، دردىنىڭىنى قىرارلىك مىنن يېگىن. صبر قىلىسنىڭ برچە نرسەنى توشىنىتىرەمن.

- ھە، "اسحق بادىتو" شو مىدە-چۆيدەلرنىڭ بىر كىلوسىنى ۱۲ قىروش ساتىپ آلېب، اونى "عزىز بادىتو" گە ساتەدى. او اۋز نوبىتىدە بو نرسەلرنىڭ يوزىنى كۆرمىسدىن، ايشى صادرات بۇلگن "فردى بادىتو" گە تىلفون ارقەلى ساتەدى. "فردى بادىتو" ھم جىنسلرنى كىلوسى ۱۷ قىروشدىن انگلىستان تېبەسى بۇلگن "زاك بادىتو" گە ساتەدى.

"عزىز بادىتو" و "فردى بادىتو" لرنىڭ خىدمەتلىرى طفىلى گىدامدار، جوالى، تىرازودار، حسابچى، تاپىست كىي كۆپلر آدملىر نان

یپیدیلر. قاله بېرسه، کۆپ ارز (خارجی پول) مملکتگه کېله دی. بو اؤزی کته بیر خدمت، البته!

چیندن هم انگلستان تبعه سی بؤلگن بیر چیت اېللیک "ژاک بادیتو" ارزیمه گن بو میده-چویده تشلندیقلرنی ساتیب آلیب نیمه قیله دی؟

"ژاک" سینیق-پچق حلییلر و اېسکی-توسکی تېمیرلرنی کیلوسی ۲۰ قروش اېه سی "دیوید بادیتو" گه ساته دی. اونینگ کارخانه سی بار. "دیوید بادیتو" اولرنی آهن چادر و سیخلرگه تبدیل قیلیب، کیلوسی ۲۰۰ قروش بخاری سازلیک فابریکه سی بؤلگن "آدم بادیتو" گه ساته دی. بو فابریکه ده آهن چادر و سیملردن بخاری یسه لیب، چیرایلی بؤلگندن سؤنگ بازارگه چیه ريله دی.

اېندی استانبولگه باره میز.

"یوسف بادیتو و ایناغه لر" شرکتی استانبولده جوده هم مشهور. مغازه نینگ اېشیگی اوستیگه شونداق یازیلگن:

"آدم بادیتو و ایناغه لر شرکتی"، تیلی بخاریلرینگ انحصاری نماینده لیگی

کؤتره (عمده) و چکنه (پرچون) ساتیله دی

"یوسف بادیتو و ایناغه لر شرکتی" بخاریلرنی چیرایلی کاتالوگلی بیلن انحصاری یؤسینده اؤلکه گه وارد قیله دی. مثال اوچون منه اؤشه ۸۵۶ لیره لیک بخارینی ۸۶ لیره گه تجارتی نرخده تورکیه گه

وارد قیله دی. "یوسف بادیتو" ۲۴% ساتیش حق و ۲۹% نماینده لیک حقینی اصل قیمتی اوستیگه قۇیب، اونى ۱۰۲ لیله گه اینیسی "ابراهیم بادیتو" گه بهره دی.

"ابراهیم بادیتو" هم ۲۰% رسمی فایده نى اوستیگه قۇیب، ساتیش جوازینی "حیثم بادیتو" گه اؤتکزه دی. یعنی هر بخاری ۱۲۲ لیله و ۲ قروش. شونینگدېک، "حیثم بادیتو" هم بازار توسعه سی اوچون "احمد تورک اؤغلو" ییلن بیرگه بیر شرکت قورگن. "بیر بانکى" نینگ برچه ۵۰% سهملرینی اوشبو شرکت اختیاریده، البته.

احمدخان بانکیدن ۸% بهره ییلن پول کریدت آله دی. بو بهره لرنی هم بخاریلر قیمتی اوستیگه قۇیه دی. حالی هیچ نرسه بؤلمه ی توریب، بخاریلر نینگ قیمتی ۱۳۴ لیله و ۳۴ قروشگه یېته دی! "حیثم" بخاریلرنی اؤز آتیگه ابراهیم دن آلگن اېدی. لذا بو قتله "احمد تورک اؤغلو" اؤز آتیگه بانکلریدن ۸% بهره ییلن کریدت آله دی. هیچ گپ بؤلمسدن بو ۸% بهره نى هم بخاریلر قیمتیگه قۇشه دی. اېندی بخاریلر نینگ نرخى ۱۴۵ لیله و ۲۰ قروش دیر. بو شرکت ۲۰% تجارت فایده سینی هم بخاریلر نرخیه قۇشیب، قیمتینی ۱۷۴ لیله و ۳۴ قروشگه یېتکزه دی. "احمد تورک اؤغلو" کؤتره ساتووجى بؤلگنلیگی اوچون برچه جنسلرنی "میخائیل بادیتو" گه ساته دی. بو معامله لر نینگ دیرلی برچه سی حاضرگچه کاغذ یوزیده بؤلگن و بخاریلر حالی انگلستاندن قیمرله گنى یوق!

اڭه جان، تيريكليك نينگ اېنگ يېخشي نرسه سي تېر توكيب،
سعي و اينتيليش ارقه لي بير لقمه حلال و شرافتمندانه نان تاپيش دير.
منه كۆره سن!

آتلىرى يوقارىده توتىلگن كيشىلر نينگ محنت و تېر توكيشلىرى
نتيجە سىده هر بخارى نينگ نرخی حالى انگلستاندن قىمىرله مسدن ۱۷۴
ليره و ۳۴ قروشگه يېتدى. دلاللر بو معامله دن قنچه پولگه اېگه
بۇلگىنىنى اۋزى نينگ اۋيله گىن.

"سليمان باديتو حمل و نقل شركتى" بخارى نينگ نرخیگه
كۆره ۴۰% پول آله دى و اولرنى لىندنن گمرک گچه كېلتىرىپ بېره دى.
حاضر بخارى نينگ نرخی ۲۵۸ ليره و ۴۸ قروش بۇلگن.

"ميخائىل باديتو" گمرک ايشلىرى اوچون كىمىشنىنى آليب،
جىنسلرنى "پاس باديتو" گه بېره دى. اوشبو حرمتلى و انساناۋرتاغ عايله
نينگ سعي و محنتى طفىلى كۆپگىنه آدملىرى نينگ تورموشى تامينلنە دى.

اېندى گمرکده بخارىلرگه ۳۲% واردات محصولى قۇيىلە دى.
بو دره كدن دولت خزانە سىگه هم كته مبلغ بارىپ توشە دى. بو بير
قانون دير، البته. جىنسلر نينگ قۇلمە قۇل بۇلگىنى طفىلى خلق الله گه
ايش تاپىلىپ، دولت هم بېره دن بى نصيب قالمە يدى. چونكه دولت
يلغوز بخارىلردن اېمس، بلكه "باديتو" لردن هم ماليات اونديرە دى. بو
يۇسىنده دولتگه كۆپ فايده تېگە دى. بنابرین، بقىره ميز: يشه سىن
اۋلكه!

گمرىك گىداملىرىدە ھەر يىر بخارى نىنگى نىرخى ٢٩٢ لىرە و ٣٦ قروشىگە يىتگن. او يىردە "پاس بادىتو" ٢٠% فايده اوستىگە قۇيىپ، اولرنى "مىشل بادىتو"گە ساتەدى. اىندى بخارى نىنگى تجارت نىرخى ٣٥٠ لىرە و ٨٤/٥ قروشىگە يىتگن. بو نىرخ فىكس بۇلىپ، ھىچ قىنداق تخفیف بۇلالمەيدى. بخارى يازنىنگى اداغىگچە گىدامدە قالەدى. ٦% گىدام كرايەسى ھەم گمرىك حسايىگە آلەندەدى و ھەر بخارى نىنگى قىمىتى ٣٨٢ لىرە و ٣٥ قروش بۇلەدى.

ساووق فصلى باشلەنىپ "مىشل بادىتو" جنسلرنى گمرىك گىدامىدن چىقارماقچى بۇلەدى.

"بادىتو"لر عايلەسىنىنگى اۋزى جنسلرنى ھىچ كۆرمەيدى. اولر حتى پوللرلىنى ھەم كۆرمەيدىلر. چون چىك و حوالەلر شىكلىدە بانىك حسابلرىگە بارەدى. فقط سەنلەدى و حسابچىلر ھەم رقملىرى سەنىدىلر. بانىك خادملرى ھەم "بادىتو"لر اۋرنىگە سەنىدىلر و امانت سىندىق لرىدە تەربىب قۇيەدىلر. "بادىتو"لر اوشبو اوچىنچى قۇل ايشلر اوچون كېچە يو كوندوز ايشلەيدىلر. بىچارەلر تىنىم سىز، كېچە يو كوندوز تېر تۆكەدىلر!

ھە،

"مردفای بادىتو" جنسلرنى كۆرمىسەن و حتى رنگى و شىمالىلىنى بىلمەسەن اوستىگە ٢٠% فايده قۇيىپ "فدای بادىتو"گە ساتەدى. او ھەم جنسلرنى سىنگلىسى گە بېرەدى. قىسقىسى، بخارىلر نېچە كىشىگە

قۇلمە-قۇل بۇلىب، نھايت قىمتى ۷۵۰ لىرە و ۲۲ قروشگە يېتەدى. بىراق بو حالى ايش نىنگ باشلەنىشى! بيز قرشى سىگە تورگن شو مغازه "باديتو"لرنىنگ نماينده ليگيدن بىرى.

- بلاخرە بخاريلرنىنگ قىسى بىرىدن خوشىنگ كېلدى؟

- قىزىلى قنداق دىر؟

- قىزىلى جودە هم چىرايلى اېكن. قىمتى هم باشقەلرگە

كۆرە ارزانراق. اصلیدە بو بخاريلرنىنگ ارزشى مقابلیدە ۷۵۶ لىرە و ۶۲

قروش نىمە دېگن نرسە دى، اۆزى؟

- ياللة بار، تېز ساتىب آلگىن. شىرىنيمىزنى اونوتمە، تىگىن!

اېرتە اقشام مهمانىنگ من. مبارک بۇلسىن، بخارى!

ھوش نابغەسى

دیدارینگە جودە مشتاقلر... سېنى ھرقنداق قىلىپ كۆرىشگە
كۈنگىللىرى ايستەيدى، دېدى.

نیمەگە... مېن خو اولردى تانیمەيمەن، دېدیم.

- خو بۇلىبتى... اخير سېنى قنچەلر مقلەگنیمیزدى
بیلیمەيسن... اینىقسە ھوشینگ كۈپلىگى حقیدە جودە كۈپ نرسەلر
ایتدیك... "ھوشلى" بۇلىشنى كیم ھم یاققیرمەيدى دېيسن؟... اینىقسە
اېل ارەسیدە اوشبو صفت ییلن دانگ ترەتیشنى كیم نینگ كۈنگلى
ایستەمەيدى؟...

خودى بیر دوررى غۇر سېسلى كیشیدن بیرار آھنگ كویلىشنى
ایسەگندېك، اعتنا قیلیمەدیم... بیلسنگیز اگر، كۈپ آغیر-یېنگىللىك،
ھە یا یۇق و ناز و ادالر قیلدیم... نہایت التماسیگە كۈندیم. اۋزاقدن
مېنىگ فوق العادە ھوش و ذكاوتیمگە مشتاق بۇلگنلرنینگ كۈزلرینی

مبارک جالم بیلن آیدینلشتیرماق اوچون اورتاغیم بیرگه باریشگه قرار قیلدیم.

کیریب بارگنیمده، خودی بیر فوق العاده موجود اولرگه نازل بؤلگندپک ایدی- باشیدن ایاغی تیرناغلری نینگ اوچیگچه چک- چک هوش و معرفت تامه دیگن بیر موجود- تعجب و تحسیندن توله کوزلر و سینچکاو قره شلر بیلن مینگه باقر ایدیلر. بیچاره من، تخته نینگ آلدیگه باریب جواب بیره دیگن هیچ نرسه نی بیلمه یدیگن دنگسه (تنبل) و شوخ اوقو وچی گه اؤخش، مخمسه گه توشیب قالگن ایدیم.

عایله نینگ آتەسی: مرحمت جناب... بنده و عایله م نینگ هر بیر عضوی سیز جناب عالیلری نینگ عالی درجه لی هموش و ذکاوتینگیز شیفته سی و فریفته سیمیز... دېدی.

قنچه لیک عجلنگن لیگیمنی اؤزینگیز حدس اؤره سیز، البته.

"خو... که... شونداق؟..." دېدیم باشله نیشده.

عایله نینگ آنەسی دېدی: "برچه اورتاغلریمیز، یعنی جانبی

تانیدینگنلری، جناب نینگ سرشار هوشلری حقیده..."

عین شو چاغده، هیجان شدتیدن نیمه قیلرینی بیلمه ی، دایم

قؤللرینی بیر-بیریگه آوقه لب تورگن عایله نینگ یاش قیزی دېدی: "بو

يېرگە تشرىف كېلتىرىشىزنى اېشىتكن بىر عدە اۋرتاغلىرىم اېشىتىپ، اۋتە اشتياق بىلن خىدمىتىز شرفىاب بۇلىشنى اىستەيدىلر.

شوندە برچە ميزبانلر و مهمانلر، خودى حيوانت باغيدەى عجايب الخلقە نادر حيواننى كۆرگنلريدېك، تېگرەگىمنى اورەب آلدىلر. اېندى مېن نىمە قىلىشىم كېرەك اېدى؟... بولرنيىنگ قولايىگە، مېنى خارق العادە بىر موجود و فوق العادە هوشلى دىب يىخى بوفلەگن اېدىلر. قۇرقىنىگە توشكن اېدىم... اعلانلر مۇسسەلرى ارقەلى تارىخى اۋتكن فاسد جنسلر تانىتىلگنى سىنگرى، يوزىم يلتىراق، اىچىم قلتىراق چىقىپ، رسوا و مسخرە بۇلىشدىن چۇچىب تورگن اېدىم. مۇقتەنىلگن كېلىن كىي بىرار دىستە گلنى سووگە بېرەيىن، دېب ايزچىل خدا-خدا دېر اېدىم.

نىمە قىلىشىمنى بىلمس اېدىم. رسوالىكدن قۇرىقىپ، ايندە مسدن دايمگىدېك بىر بورچكدە بورىشىپ اۋلتىرىسم مىدى؟ يا او- بولرنيىنگ سۆزلرىگە ارەلەشىپ، آغزىمگە كېلگن الپىك-چلپىكلرنى ايتىپ، عملدە ابتكارنى قولگە آلسم يىخى مىدى؟... يا هم آغزىمدى لاشتىكىنى قاچىرىپ، تورلى مزەلى فكاھىلر و لطيفەلرنى ايتىپ، برچەنى كولدىرىپ اىچك اوزدى قىلەى مىدى؟ يا كە بۇمسە، اۋزىمنى صولتلى و آغىر توتىپ، خودى هر بىر سۆزىم مىنگتە آلتىن تنگەگە

ارزییدیگندېک قلیب، دانه-دانه و آز سۆزلسم میدی؟... چاره نیمه ابدی؟... تېر بیلن شیب-شیته بۆلگن اېدیم...

هر حالده ایش، ایشدن اؤتگن ابدی، نې آرتگه قهیتیش و نې هم آلهه باریش امکانی بار ابدی. یخشیسی شو ابدی که قافیه نی بای بېرمسدن، قنداق بۆلمه سین تاپقیرلیک و حاضر جوابلیکنی ایشگه تشلەشیم کهرهک ابدی... برچه تۇغری، بیراق نېگه دیر اؤشه زهاتی مېن جوده کلېنگ و کودن بۆلیب قالب، بار آزگینه عقل و هوشیم هم باشمیدن اوچیب کتگن ابدی. حالیم شونچه لیک یمان ابدی که، حتی قۇلیمنی نیمه قلیش یا قه پیرگه قۇیشیم نی هم بیلمس اېدیم! یوزیمنی چۆزیله یانگندېک سېزیر اېدیم. آغزیمده تیشلریم اؤسیب، بیریکلشماقده ابدی... بیر اېشک کله سی بۇیینیم گه میندیریلگندېک تویولر ابدی...، نیمه چاره قلیشیم کهرهک ابدی؟...

جماعت نینگ برچه سی صحبت و کولیش بیلن مشغول ابدی، بیراق مېنینگ زار مانده ایکی لیم ایتنگ که بیر-بیریگه سرشدېک یاپیشگن بۆلسه؟

سناقسیز کۆپ لطیفه و چیرایلی نکتەلرنی بیلر اېدیم، بیراق بدبختلیکنی قرهنگ که اولردن بیرانته سی هم اېسیمگه کېلمس ابدی.

جۇنب كېتىشىمچە، برچەلر مېنگە استهزالى كولىشلىرىگە شك يۇق اېدى.

اوى اېگەسىنىڭ سېسى باشىمدىن چۇرتىمدى اوچىردى. او ايتدى: "خوش... جناب نىڭ عقىدەلرى نىمەدى؟..."

برچە جىم اېدى و مېنىڭ نىمە دېشىمنى كوتىب تورگن اېدى. آغزىمنى آچىشىم بىلن، لوندە-لوندە معرفت آغزىمدى ياغىلەدى، دېب اۋىلر اېدىلر... بىراق مېن صحبت نىمە حقەدەلىگىنى اصلا بىلمس اېدىم. خودى اويقودن اوچىب تورگندېك، دېدىم: "مېن؟... ھە... نىمە... درواقع... ھە بىندە ھە جناب مېنن ھە عقەدە من."

كولگى نىڭ توفانى برپا بۇلدى. استغفرالله!... عجب بلاگە دوچ كېلگىنمىن. سىچقاندىك مونداق قېقانگە تۇشمەگن اېدىم. ھۆكىللە يىغلىشىم گە سل قالگن اېدى. باشىمدى كۇتردىم. اتاق نىڭ سقىگە بىر باقدىم، كېيىن يىردىگە شىطان تىلىمگە كىرگندېك، دېدىم: "حتماً بو "انكدت" تى بىلە سىزلر...؟"

اې بابا... قىسى "انكدت؟...". اصلاً "انكدت" نىڭ اۋزى نىمە؟ "انكدت" دېگىنى اېندى نىمە بۇلدى؟ بو قنداق آغىزنى كويدىرەدىگن آش اېدى كە اۋزىمگە پىشىردىم؟... برچە كۈزلر

آغزیمگہ تیکیلدی. تغین قنڊاق لعل و جواهرلر تپ-تپ آغزیمدن توشگیننی کورماقچی ابدیلر. مہن بیچارہ قنچہ کوچنسم ہم، بیله دیگن اۋشہ لطیفہ لردن بیرانته سی اہسیمگہ کہلمس اہدی... بلاخرہ اغزیمدی آچیب، دہدیم: "ہہ... اۋشنداق بیله سیزلر... رحمتلی ملا نصرالدین بیر کونی..."

الہی تیلیم قیرقیلسہ اہدی... بو ملا نصرالدین اہندی قہیردن تیلیمگہ کہلدی؟... قرہنگ کہ مینگلہ لطیفہ سیدن بیرانته سی ہم اہسیمگہ کہلمس اہدی. مردم اہسہ مہنگہ تیکیلیب کوتیب تورگن ابدیلر.

"ہہ، بیر کون ملا نصرالدین..." دہدیم.

بیہودہ کوچنر اہدیم. بیرار نیمہ قیلہ یین دہب: "ہہ، ملا..."
تغین لایدہ باتیب قالگن ایشکدہک جام قالدیم. اوی اہگہ سینینگ خاتینی ملانینگ اۋرنیگہ دادیمگہ یتہمہ گنیدہ!، ذرہ چہ آبرو دہگن نرسہ مہنگہ قالمس اہدی. خاتین ایتدی: "مرحمت. کہچکی طعام حاضر، ساوییدی."

ہرچند، برچہ دن کہین اوقاتخانہ گہ کیرماقچی اہدیم، بیراق برچہ لردن ایلگری دسترخوان اوستیگہ کؤکردیم. اہندی بونیسی ہم میلی، لیکن آغزیم نینگ یۋلینی نہگہ دیر تاپالمہ ی یاتگن اہدیم.

سوپ ايچر اېدىم، يىراق آغزىمدى بورچكىدن كيىملىرىم اوستىگە تۈكىلر اېدى.

آغزىمدى آچىب: خانم، قۇلىز آغرىمەسىن، چىندن ھم مزەلى اوقات اېكن "ايتەمن، دېب: "حيف شونچە زحمتگە، بو خو بير تەكە توز بۇلگن-كو!"

اوى نىنگ قىزى بشقايمگە بير پرچە گوشت قۇيدى. مېن اېسە: "تەشكر، يېترلى!" دېيىمىن دېب: "بو نىمەدى، بير ذرە-كو... باشقە ھم بېر... سوپ كە يمان اېدى، بوندن بشقايمىم دى يىخشى تۇلدىرگىن" دېدىم.

اصلىدە قىسى نرسە بۇلگن اېدىم، خودى شيطان تېرىمگە كىرگندېك. نىمەيى قىلماقچى بۇلىم، اونىنگ تېسكىرىسى بۇلىب چىقر اېدى.

يانىمگە تورگن يىگىتچە گە دېدىم: "آغا جان... قمار يىخشى نرسە اېمس... يمان و پدر لغت آدملىرىنىڭ ايشى دېر..."

يىگىتچە بىچارەنىڭ رنگ-قوتى اوچىب، ايتدى: "مېن؟... مېن؟... مېن حالىگچە نە يلغوز قطعە قۇلىمگە آلگىنىم يۇق؛ بلكە اصلا قماردن نىرتىم بار."

و مېن اېسه خودى قولهى فرصت تاپگنېمدېك، "اۋقىمەى ملا سن" دېگنلرېنى اونگە بېر كۆرسەتېب قۇيەيىن، دېب غۇر سېس بېلن اونگە قرشى يورش قېلىب، دېدېم: "هه اونى آتەنگ... بارېب آتەنگى الدە"

اېندى برچەلر متوجى اېدىلر. مېن بۇلسە خودى ايگنەسى بېر خطدە اوشلەنيب فالگنېدېك، هى بېر خېل چرت و پرتېلرېنى تكرارلر اېدېم. يوزېمنى اوى اېگەسېگە-كە حرمتلى كېشى هم اېدى-قېلىب: "جناب عذر سؤرهيمن... مرحمت قېلىب ايتېنگ-چى، قېزېنگېز چىندن هم "قېز" مېلر؟..."

بېچارە مردك بو سؤراغدن قولاغلىرېگچە قېزەريب كېتگن اېدى، اۋتە اويالچنلىك بېلن دېدى: "حالېگچە اويلىنمەگنلر..." - "بولرگە قرەمەى، يىخشېسى سېز بو نرسەلرگە ايشانمېگ... يىخشېسى طب عدلىگە بارىنېگ، اولر بېر تېكشېرىب (معايىنە قېلىب) چىقسىن!"

مېھمل و بېمعنى سۆزلەياتگېمنى بېلىب تورگن اېدېم. مېھمل سۆزېمنى توغرىلەماقچى بۇلىب: "حتى معايىنەلرېنى هفتەدە بېر يۇلى تېجدېد قېلىنېگ، چونكە قېزگېنەنېنگ كۆزلرى بېر تورلىك كۆرىنەدى!" كېىن پزىرايلىك سالونگە باردېك، قېھو كېلتېردېلر.

آغزیم نینگ تنائینی تارتیشگه قنچه لر اورینسم هم، بیراق
قیلالمس ابدیم!... خودی لاشتیکی قاجگندېک!...

اوی اېگه سیگه دېدیم: "خوب... جناب، مرحمت قلیب
ایتینگ-چی، جناب عالیلری نینگ آیلگی قنچه دیر اؤزی؟"
- "اوج یوز لیره بیر آیده."

- "بو مهماندارچیلیک، بو اوی، بو اسباب-انجاملر، بو خاتین
و اوچته باله نینگ وضعی اوج لیره ییلن یوریش ممکن اېمس. بو پول
ییلن بو نرسه لرنی تیارلشنی علاجی یوق. تۇغری سینی ایتینگ، نیمه
چل قیله سن؟"

آخ خخ... چیندن هم اگر شو پیت بیر کیشی تاپیلیب،
قولاغیم نینگ تویگه بیر ترسکی توشیریب یا کوتیمگه بیر تپیپ
اویدن چیقهریب تشلسه، حقیمده اېنگ کته محبت قیلگن بۇلر اېدی.
مهمانلر بیر عمللب صحبتی اؤزگرتیریشگه اوریندیلر، بیراق
مېن قۇیر میدیم؟ تغین یوزیمنی اوی اېگه سیگه قلیب: "خوب...
اېندی بو باله لر قنداق بۇلدى؟ نېگه هیچ بیرى اؤزینگه كېتمبديلر؟..."
دېدیم. كېین سرشار هوشیمگه فریفته بۇلگن موجودات نینگ اېتېگه
بیر قیا باقدیم. برچه مطلق جیملیکده، عجایب شیفته لیک ییلن تحسین
آمیز مېنگه باقر اېدیلر. بیردنیگه توریب، بقیردیم:

- مېن اخماق من... مېن بير اخماق بيشرفدن آرتيراق نرسه
اېمس من.

- اختيارينگيز، بو سۆزلرينگ كېرەگى يۇق!... ييزينگ
همەمىز عجايب حضورِ ذهن و هوشينگيز مفتونىمىز..."
قېتە بقىردىم: "مېن شعورى يۇق بير اېشكدن آرتىق نرسه
اېمس من."

مهمانلر شيبىر-شيبىرگە باشلەدىلر:

- چىندن هم فوق العاده بير شخصيت دير!

- عجب هوش... و عجايب دكاوت...!

- به، به... محشر... محشر-كو...!

- قرەنگلر، كۆزلرى چقنەيدى فقط!

باشقە طاقتىم تاق بۇلدى، يوكسك بقىردىم: "مېن بير
اېشك من... مېن بير اېشك من...!"

قېتە شيبىر-شيبىرلر باشلندى:

- بشرىتنى مسخرە قىلاتىتى!...

- عجايب اۋتكىر طنز!

- عر ررررر... عر ررررر... عر ررررر. عر. عر.

عرعر قىلىشكە باشلەدۇم. خۇدى اېشكۇردېك سكرەب،
جفتك آتېب، تۇرت اياق بۇلىپ كوچە تمان يۇگۇردىم....
كوچەدە خالى ھم اولرېنىگ شېيىر-شېيىرلىرى قولايىمگە
اېشيتىلر اېدى:

- ھوشى فۇق العادە!
- چىندن ھم عجىب!
- مېن عمرىمدە شۇنداق نابغەنى كۆرمەگن اېدىم!
- شۇنداق ھم تۇلىپ تاشگن كە، بۇ-باشىدن آقېب
تورىدى!
- بونچە ھوش، اونى تېلە قىلىپ قۇيمەسېن، تىغىن!
- بو بشرىتنى مسخرە قىلاتىتى!
- بشرىتنى مسخرە...!
- بشرىتنى مس...!
- بشرىتنى...!
- بشرىت...!

ھە...، نېمە ھم قىلىپ بۇلر اېدى؟... بىز آتى بىز بىلن بىر نېمە
تۈزەلگنمىز. بو اصلنى اۋزگرتىشنى ھېچ ھم علاجى يۇق. اگر سمان و

یوریشقه ییسم هم، اگر جفتک آتیب، عرعر هم قیلسم، تغین فوق
العاده هوشلی آدم من. هر بیر ایشکچیلیکده بیر حکمت یشیزنگن!

بو بیلن قوتله یمن!

مینک زحمت بیلن بهاء الدین بېگ بیلن تیلفون ارقه لی باغلنگن ایدیم. بهاء الدین بېگ نینگ سکرتری گوشکنی کۈته ریب، قۇنغیراق قیلگن کیشی کیملیگی و چی کاره لیگی و مقامینی ییلماق اوچون بویورینگ، ایشیته من دېگندن سۇنگ، اونینگ سۇزیگه دقت بیلن قولاق توتر ایدی.

اگر او آدم خواهش و احترام بیلن گیرسه، اوندە سکرتر: - گوشیک قولاغیزده بۇلسین، دېب اۋزی گوشکنی قۇیر ایدی. بیچاره او آدم کۆپ وقتگچه گوشککه قولاق سالیب تورب، نهایت هاریب قۇیر ایدی. بو هم نیچه قتله دن بېری گوشک قۇلیده قالیب، گیرالمسدن قالگن ایدی. لیکن بو سفر قتیق و عصبانیت بیلن گیرماقچی ایدی و گپلری خواهش و احترام اېمس، بلکه محکم و آمرلرچه بۇلیشی کبرهک ایدی. او تیلفون نمره سینی تهریب، کوتیب توردی:

- الو، ایشیته من.
- بهاء الدین بار می؟
- جنابعالی لری کیم بۇله دیلر؟

- اۋرتاغى من!
- لطفاً بىر دىققە.
- نېچە دىققەدن سۇنۇڭ، بەھالدېن بېگ آكرلرچە سېس بىلن
دېدى:
- الو
- بەھالدېن بېگ؟
- اۋزىم من.
- جودە خرسندمن. بلاخرە سىزنى...
- كېچىرىنك، جنابنى تانىمەدېم.
- خواهش قىلەمن، قنداق قىلىپ قدىمكى اۋرتاغىنگىزنى
اونوتىب سىز؟
- سېسىنگىز تانىش، بىراق ادارى ايشلر اعصابىمنى بوزگن.
- بىر آز اۋىلنك، مېن صنفداشيز اېدىم.
- كل رضا مىسن؟
- ياغ اې، كل رضا اېمس من. او بوگون مملكت ايشلرى بىلن
بند و بونداق ايشلرگە وقتى هم يۇق.
- تىغىن كنعان بې بۇمەسنگ؟
- ياغ اې، كنعان بې يېتى كون آلدېن بىر آيلىك كورس
اوچون اروپاگە كېتكىن و حالىگچە قىتمەگن.
- ھە، بىلدىم حتماً حسن معركەچى سن.

- تۇغرى... تاپدينىڭ، اۋزىم من. اېندى بىلدىم كە باشقەلرنىڭ بھاءالدىنى نىڭ كەسى بار، لىكن مىھسى ياغ دېگنلىرى يىڭلىش اېكن. خوب، چىندن هم اگر متفكر بۇلمەگىنىڭدە، جاممەمىزدە وزير بۇلمس اېدىنىڭ.

- لطف قىلەسىز.

- تعاريف و تشرىفاتى بىر ياققە قۇى. مېن سېن مىن بىرآز اۋزنىكى لىكچەسىگە و رفىقلىرچە صحبت قىلماقچى من.

- لىكن باشىم جودە بېر و بار، نېگە بىرقتلە آلدىمگە كېلمەسىن؟

- بھاءالدىن جان، سېن كە مېنى يىخشى تانىسىن. يىڭلىش (ئاتۇغرى) توشىنمەگىن حتى اگر آتەم هم بىران مقامگە اېگە بۇلسە، تېز تېز بارىب كۇرال مەيىمىن. خصوصاً بىران اىشتى خواھش قىلگىنىمدە، جودە هم خجالت چېكەمن. نىمە قىلەى اۋز قۇلىمگە اېمس-دە، عادتىم شونداق.

- ياغ اې بابا، بوندق فكر قىلمە.

- آخر سىزگە اۋخشەگن كىشىلر مملكت ايشلىرى بىلن كۇپ بندلر. بوندن تشقرى، قىمتلى وقتىنگىزنى آلىشنى اىستەمەيىمىن. بونى بىلە سن مى نىمە اوچون؟

- قىنداقتىن؟

- مېن سېنگە اۋخشش بىر مھم آدم بىلن كېلەشىپ اۋلتىرگن چاغدە، فكرى باشقە تمان كېتىپ، مملكت ايشلىرى اېسىدن چىقىپ

اونده بونىنگ ضررىنى بو ملت ترتهدى. ليكن همه هم مېندېك
اۋيله مەيدى. اولرىنگ بىران قوم-قىرىنداشى اگر بىر منصبگە يېتسە
بارمى، دراو تىلفوندى آلىب حال-حوال سۈرەش بھانەسىگە مىنگ
ايشتى بىجىلىشىنى اوندن اىستەيدىلر.

- ياغ اي جانىم، مونچە هم اۋزىنگگە قىتىق آلمەگىن.
- ياغ، چىندن هم تۇغرى ايتەمن. بونداق آدملىر تىلفون
ارقەلى مزاحمتدن تشقىرى، قوتلاو و تېرىك پىاملردى جريدە و
روزنامەلردە چاپ اېتەدىلر. كېين اونى كۆرسەتېب، سېنگە اۋخشش
مهم آدملىردى قىمتلى وقتىنى آلهدىلر. يىنگى وكىل بۆلگىنىنگ اېسىنگە
مى؟

- ھە، بىراق نېگە اۋشە پىت مېنگە بىر باش اورمەدىنگ؟
- بىلەسن مى؟ اگر اۋشە پىت قاشىنگگە كېلىم اېدى، اېندى
وكىل بۆلدىم تاپىلىب كېلدىنگ، دېر اېدىنگ.

- ياغ اي، بو سۆزلردى نېگە ايتەسن!
- ياغ، بونى چورت يۈزىنگگە ايتەمن. مېندن بىلىسنگ،
ھركىم بىرار ايش اوچون قاشىنگگە كېلسە، دراو دىفترىنگدن چىقەرىب
يىبار. حتى كە مېن اۋزىم هم بۆلسم! وقتىنگدى قىمتى جودە كۆپ.
سېن مملكت ايشلىرىگە يېتىشماغىنگ كېرەك. مېن هم اۋشە كونلر
خدمتىنگگە كېلماقچى اېدىم. ليكن كۈنگلىنگگە بىرار يىمان فكر
قىتمەسەن تەغىن، دېب اۋىلەدىم. ليكن اوكون تمام قد چىرايلى
عكسىنگدى قىسى دىر اخباردە كۆرىپ، اېندى بارىپ كۆرمەسم

بۆلمه ییدی، دېدیم. اخیر سېن اېندی بو یورتی تانیلگن بویوک
شخصیتلریدن بۆلگن سن-کو. ساغ بۆلگین!

- کۆپدن-کۆپ تشکر، لطف قیله سیز.

- یاغ، ییز جناب باش وزیردن سیزدېک شایسته فرزندنی بو
مقامده تعینله گنی اوچون تشکر قیلیشیمیز کېرەک.

- مېن حضورلریگه باریب سېنی قوتله ماقچی اېدیم. لیکن
بوکونلر جوده مشغول بۆلیب، باشیم ایشدن چیقمه ییدی.

- چیندن هم که یشه گین. مېن هم دیدارینگه جوده هم
مشتاق من.

- انشاء الله کھین خدمتینگه باره من، لیکن مېنی کېچیر،
جسارت قیله من. بیر توصیه قیلماقچی اېدیم.

- خواهش قیله من، بویورینگ!

- بیرینچیدن هر بیر ایشتی قیلماقچی بۆلسنگ، هرتمانینی
یخشیلب اویله گین. یخشی-یمانی حسابگه آلگین. عکس حالده
کھین سېنگه دردسر تاپتیرمه سین.

- بو دره کدن خیالینگ جمع بۆلسین. چونکه بو چوکیگه
مېنی قۆیگن کیشیلر، اؤزلری مېنی سقله ی آله دیلر!

- هر حالده سیزدی اوشبو وظیفه گه تعینله نیشینگیزدی
بیرینچیدن جناب باش وزیر حضورلریگه تبریکلب، کھین سیزدی
خدمتینگیزگه تبریک عرض اېته من.

- تشكر، سۆزلىرىڭىزنى باش وزير جنابلىرى خدمىتىگە يېتكىزەن.
- اېسىمدىن چىقمە گونچە سىزدىن بىر خواهشىم بار اېدى.
- بويورىڭك!
- سېن مېنىڭ قەيىن بېكەم نى تانىيسن؟
- ھە، نېگە اېندى؟
- اگر اېسىڭدە بۇلسە، اۆتگن يىلى اونگە بىر حادثە يوز بېردى.
- ياغ، ھېچ نرسە اېسىمگە كېلمەيدى. نېمە، تصادف قىلگن اېدى مى؟
- ياغ اي، بىر سېوگى ماجراسى اېدى و بالاخرە اۋشە يىگىتگە اۋىلدى.
- تېنگرى بختلى قىلسىن!
- جودە ممنون، يىراق...
- يىراق نېمە؟
- يىگىت ايش سىز.
- تحصىلاتى بار مى؟
- سوادسىز اېمس، البتە. باشلنغىچ دورى نىڭ سىدى بار!
- كىسبى نېمەدى؟

- اگر بىر كسبى بىلگىدە ۋەدى، ۋەزىم بىرەر يېردە مقرر قىلر
ۋەدىم. شو ۋەچون سىزىنىڭ ساپەنىڭىز ۋەستىدە بىرەر ايش تاپسىن، دەپ
تېلفون قىلدىم.

- بىر-ايكى كۈنگەچە ۋەزىنى ۋەيىگە يىبارەمەن. اگر ايشى
باشلىشىدە ۋەل بىرەر كىچىكقراق ۋەزىفەنى بېرىمەن ۋەلەدى مې؟
- ۋەزىنىڭىز يىلەسىز. ھەرحالەدە ۋەلەمىز شۇنى نەزەردە
تۇتىنىڭ!

- باشقە بىرەر خەدمەت ياغ ۋەدى مې؟
- رەھمەت بېگ ھەم دەردەرگە ۋەلەققەن. لېكىن ۋە باشقە بىرەر
يېتدە قالسىن.

- ۋە ۋەلەپەردە ايشلەر ۋەدى؟
- ۋە ۋەلەلە ادارەسىدە ايشلەر ۋەدى. بىراق ۋەلە گاۋ ۋەندۇق
نىڭ پۇللەرنى ۋەغىرلەشەدە غىلەبەلەر.

- چەندەن مەسئۇلە ۋەمەس. نەچچە كۈندەن سۇنىڭ، مەلە مەسئۇلە
سى رەئىسى مەشەلەدى. نىڭى رەئىسگە ايتەمەن، ۋەنگە مەتۇجە ۋەلەدى.
رەستى رەھمەت بېگ نىڭ ۋەكەسى نەمە قىلەدى؟

- ۋەلە ھەم ۋەزىيەت ۋەخشى ۋەمەس. اگر اجازە بېرىنىڭىز كېيىن
ۋەلە بىكارلەرى لىستىنى تۈزەپ، سىزگە يىبارەمەن. ۋەستە-سېكىن ايش
بېرەسىز.

- قىيىن ۋەمەس.
- فەقەت پۇستلەرىگە بىرەر ۋەقە قىلىنىڭىز، دەيمەن.

- خیالیز جمع بۆسین.
- جوده تشکر، موندن کۆپ مزاحمیز بۆلمه یمن. لیکن
اېسیمدن چیقمسدن بیر عرضیم بار اېدی.
- بویورینگ!
- سیز، برچه کابینه وزیرلر و باش وزیر جنابلری نینگ
اؤزلریگه، دولت اداره لریده واسطه بازلیکنی منع قیلگن لیکلری اوچون
چین کۆنگیلدن تبریکلر، اولرگه اوزاق عمر و اولکن موفقیتلر
تیله یمن!
- کۆپ تشکر.
- خواهش قیله من، خدایارینگیز.
- خدا حافظ.

یورتداشلر، مقاومت قیلینگر!

قدیم زمانلرده، بو کینگ دنیانینگ بیر بورچکیده بیر یورت بار ایدی. بو یورت نینگ تورت یاقینی یم-یشیل سایلری، تینیق سوولی بولاقلری و مصفا گۆزل آسمانی بؤلگن آسمان اؤپر تاغلر اورب آلگن ایدی. باشقه یورتلر کبی اوشبو یورتده هم انسانلردن تشقری اؤزگه جاندارلر هم یشر ایدیلر. بو جاندارلر اره سیده سودره لوچیلر، زهرلی حشره لر، اورگومچکلر و غوندلر هم بار ایدی. بیراق بو جاندارلر خودی دنیانینگ باشقه بیرلری کبی کؤپ هم آدملر کؤزلریگه کؤرینمس ایدیلر.

اوشبو یورت حکومتی باشلیغی "بیرینچی شخص" دېب اته لر ایدی. بو یوکسک اؤرین (مقام) سیلاو ارقه لی تعیین بؤلر ایدی. بو مقام بیتماقچی بؤلگن کیشیلر، بو اؤرینگه اؤزلرینی کاندید قیلر ایدیلر. سیله دیدیگنلر هم اؤز سلیقه و ایستکلریگه کؤره، کاندیدلر اره سیدن "بیرینچی شخص" نی سیلر ایدیلر. اینگ کؤپ ردی الگن کیشی، "بیرینچی شخص" صفتیده سیله نر ایدی.

اوزاق ییللر شو یؤسینده اؤتدی. نهایت اوشبو یورتده کوتیلمه گن بیر واقعه یوز بېردی. زهرلی سودره لوچی و حشره لر کون

سەيىن كۆپەيماقىدە اېدىلر. ايلانلر، كلاسلىر، قىرق اياقلىلر، چيانلر و اورگومچكلر ھركونى كۆپەيىپ، ھتى كوندن كونگە كتەلشيب كېتماقەدە اېدىلر. ايلانلر نىنگ اوزونلىگى تېركچە و يوغانلىگى ھم بىر درختچە بۇلگن اېدى. اورگومچكلر نىنگ كتەلىگى بىر اويچە بۇلگن اېدى. ھتى يىنگى توغىلگن كلاسلىرىنىنگ بالەلرى تىماساھدن يىرىك اېدى. قىرق اياقلىلر نىنگ اوزونلىگى ترن (تېمىر يۇل) چە بۇلگن اېدى. كۆرشوپىلكلر نىنگ قىتاللىرى خىمە چە كېنگەيگن اېدى.

او يورت نىنگ بىلىملى و عقللى آدملىرى بو واقىقەنىنگ علتىنى بىلماق اوچون كېچە يو كوندوزنى اۋزلىرىگە ھرام قىلىپ، ايزچىل اۋىلب يورگن اېدىلر. لىكن اولر جاندارلر نىنگ كون سەيىن يىرىكلەشيب كېتەياتگنلىك دىلىنى تاپالمىس اېدىلر.

مسالە يلغوز شو يېردەگىنە توگەمەگن اېدى؛ زىرا بو جاندارلر انسانلرنى چاقىپ زەرلىشگە و ضرر يېتكەزىشگە باشلەگن اېدىلر. بولر چاققن كىشىلر اۋلىمىس اېدىلر، بلكە اولر بو زەرگە مەتاد بۇلىپ، بىر خوشلىك و نىشە ھالىتگە كېتەر اېدىلر. شونىنگ اوچون، مەتاد آدم دايم اۋزىنى چيانلر، اورگومچكلر، قىرق اياقلىلر، كۆرشوپەلكلر و غوندلرگە چاقىتىرىپ، زەررىنى آلر اېدى. بو آدملر اېندى اولر نىنگ زەرى سىز ىشەى آل مىس اېدىلر! بولر نىنگ آغوسىگە اۋرگەنىپ قالگن كىشىلر، اونىنگ لذىتىدن تۋىمىس اېدىلر و ھركون كۇپراق و ىنە ھم كۇپراق اونى اىستەر اېدىلر. باشىدە ھفتە دە بىر قتەلە اۋزىنى آغولى موجداتىگە چاقىتىرەدىگن آدملر، بارىپ-بارىپ ھر ايكى كوندە و بونىنگ دوامىدە

بیراز مدتدن سۇنگ، بیر کونده نېچە يۇلە اۋزلىرىنى چاقتىرەدیگن بۇلىپ قالدیلر!

قۇرقمس و ددیل كیشیلر بو مصیبتدن مردمنى قوتقماق اوچون چاره سینی ایزلب تاپماققە توشدیلر. بیراق آغوگە معتاد بۇلىپ، اوندن لذتلەیدیگن آدملر بو كیشیلرگە مانع و قرشی اېدیلر. شوباعث، او یورت اولوسی ایکی گە بولینگن اېدی. اولر ارەسیدە باشقە فرقلر هم بار اېدی، البته. لیکن اولرنی اجرەتیب تورەدیگن کتە فرق شو اېدی کە: بیرى ایلانلر و سودرەلوچیلر زهریگە معتاد بۇلىپ، اونینگ فایدهلریدن تمانداشلیك قیلر اېدیلر؛ ایکینجیسی اونینگ عکسی یا قرشی سینی اۋیلر اېدیلر.

ایلانلر، کۇرشوپەلکلر، اورگومچکلر، قیرق ایاقلیلر و چیانلر اۋتە تېزلیك بیلن انسانلرنی چاقیشگە دوام اېتتیردیلر. بو اوچون هرکونی معتادلرنینگ سانى آرتیب باریب، عکسینچە ایکینجی گروه نینگ سانى آزهیب بارر اېدی.

بیر مدت اۋتیب، بو اولوس شونچەلیك اوشبو حشرات آغوسی گە معتاد بۇلگن اېدیلر کە، اولرنینگ اپت-بشرەلری، قۇل-ایاقلری اۋزگرماققە باشلەدی. هرکونی ایلانلر زهریگە معتاد بۇلگن آدملر تېریسی نینگ بیر قسمی المشلیب، رنگی یشیل بۇلر اېدی. بۇیلری اوزونراق بۇلىپ، عکسینچە باشلری کیچیکراق بۇلردی و بیر مدتدن سۇنگ اولر بیر واقعی ایلانگە آیلەنر اېدیلر. اېندی اولر چین

ایلانلردن هیچ فرقلری یۇق اېدی و اولر سینگری یېرگه سودرهلېب،
باشقهلرنی چاقیب زهرلشگه باشلر اېدیلر!

ایریملرنینگ ایاق-قۇللی برماقلری و تیرناقلری یوپقهلشیب
مهیین بۇلیب، آرتیقچه قۇل و ایاقلر چیقهریب، باره-باره کته بیر
اورگومچککه ایلهنیب انسانلرگه یورش قیله باشله دیلر. بو بیلن، بو
حیوانلر و حشره لر تماندن چاقیلگن انسانلرنینگ قانیگه اولرنینگ
آغوسی قۇشلیب، کون سهیین ماهیتلری اؤزگهریب ایلان،
کؤرشوپه لک، اورگومچک و باشقه سودرهلوچی و چاقووچی جانورگه
تبدیل بۇلر اېدیلر. بیراق اؤز انسانلیک ماهیتلرنی سقلب قالیشگه
اینتله دیگن باشقه گروه مردم هر یېرده و اؤرینده بار کوچلری بیلن
شاوقینلر اېدیلر:

- وطنداشلر!... اؤزینگیزنینگ انسانی ماهیتینگیزنی اسره ننگ،
ایلان، چیان و اورگومچککه اؤزگرمنگیز!...

بیراق کیشی بو سؤزلرنی اېشیتمس اېدی.

زمان اؤتیشی بیلن، مسموم بۇلیب ماهیتلری اؤزگرنلر سانی
کۆپه یگن اېدی. اولر هوشدار بېریب یورگن آدملر بیلن قرشیلیک
قیلیب، بقیرر اېدیلر:

- خائنلر!... پست فطرتلر!...

و اولرگه هجوم قیلر اېدیلر.

زمان اۋتىب، انسانی ماھىتلىرىنى سىقل قالىشىدە تالاشەيدىگنلر بوتولەلى اقلیتدە قالدیلر. بیر کون کەلیب بو یورتدە انسان ذاتى یۇقالیشیدن تیتربەب کەتدیلر!

یورتدە "بیرینچى شخص"نى تىلش سیلاویدە ایلان، چیان، اورگومچک و قىرق ایاقلیلرگە اۋزگرگنلر عمومى اخبار واسطەلری کىمگى ارقلەلى اۋزلری نظردە توتگن کیشینی "بیرینچى شخص" مقامىگە سىلب بیلر ابدیلر. او یورتدە بیر عدە ضیالیلر هم بار ابدى. اولر چوقور اۋیگە چۈمیب، اۋزلریدن:

- بو باشیمیزگە توشگن قىناق بلا دیر؟

- قىناق قىلیب وطنداشلىرىمىزنى بو بلالردن قوتقەریب، اولرنى اسرەش ممکن؟ دېب سۋرر ابدیلر.

ھەر بیر متفکر اوشبو وضعیتدن قوتىلماق اوچون قىناق دیر چارە-تدبیر حقیدە اۋیلر ابدى. بیرى ایترابدى:

- زھرگە معتاد بۇلیب، خزنەدە و گزنەدە گە ایلنگلر اېندى انسان سىنلمەیدیلر. اېندى اولردە نې انسان كۆرىنىشى و نې هم انسان ماھیتی قالگن... شو اوچون، اولر سیلاوگە قىتەشیش حقوقيگە اېگە اېمسلر!...
- ھرچند كۆرىنىشەدە انسانگە اۋخشەمسەلر هم، لیکن توغىلگن چاغدە انسان اېکنلر. حاضر هم اولرنىنگ بالەلری انسان توغىلەدیلر. اگر بو بالەلرنىنگ قانىگە زھر کىرمسە، اولر انسان بۇلیب قالەدیلر!...

یورت نىنگ بعضى بیر ضیالیلری هم:

- انسانی ماهیتى سقلب قالماق اوچون طعام نى قاشق بیلن
بېماق كېرەك!... اتو قیلنگن كیم كییماق كېرەك!... هرکونی سقالنى
قىریب آلماق كېرەك!... دېر اېدیلهر.

بولرینگ برچهسى انسانلرینگ انسانیتی نى اسره ماق اوچون
بېترلى اېدی می؟ یورت ضیالیلری فکریگه كېچدی: "باشقه یورتلرگه
باریش كېرەك، او یورتلرده هم ماهیت و قیلیقلری، ظاهر و باطنلری
اؤزگرن کیشیلر بار میکن؟ اگر او بیرده هم شونداق کیشیلر بولسه، بو
مسأله بیلن قنداق ایش توتگنلر؟ بو نرسه نینگ آلدینی قنداق قیلیب
آلگنلر؟"

اولر وطنداشلیگه یاردم قیلماق همده کؤرگن-كېچیرگنلری و
اؤرگنگنلرینی اولرگه انتقال بېرماق مقصدیده او یورتلرگه باریب، کۆپ
ایزلب تېکشیریب، اؤز یورتلریگه قیتگنلر. هرکیم اؤز فکر و نظرینى
ایتگن اېدی. اولردن بعضیلری شونداق دېر اېدیلهر:

- اوی نینگ کلکینلرینی کتھراق قیلھیلیک!

- اؤزگه یورتلردن بیر عده انسانلرینی اؤرنک صفتیده

كېلتیرهیلیک!

- باشقه یورتلر اولوسینی یقیندن کؤریب تانیماق اوچون، بیر
عده لرنی او یېرلرگه بیارهیلیک!

حتى ایریملر:

- "هرکون اوچ یؤلھ سکرهش كېرەك" و "یاتاقده سؤل(چپ)

یانگه اوخلش كېرەك" دېر اېدیلهر!

بولر اره سیده بیر عقللی کیشی گینه شونداق دېگن اېدی:

- مېنىڭ سۆزلىمگە قولاق سالىڭ. مېن بو خزنده و گزندلر كۆپەيىشى نىڭ دىلىنى بىلەمەن. مېن باشقە يورتلردە تحقيق قىلىپ، بو مسأله نىڭ دىلىنى تاپكەنمەن. بولرىنىڭ اولغەيىش و كۆپەيىشىگە فايدهلى بۇلگەن بىر شىمال اېسماقده. شو يېل نىڭ اېسىشى نىجە سىدە بو حشرات و سودرەلۇچىلرىنىڭ بو يېردە مونچە كۆپەيگەن. بىنا بىر، يىز شىرقىدىن اېسە دىگەن اوشبو شىمال نىڭ اېسىش آلدىنى آلىشىمىز كېرەك. باشقە يورتلردە بۇلگەنمەدە، بو موضوعگە متوجه بۇلدىم. تاغلى منطقەلردن جايلىشگەن يورتلردە، تاغلر اوشبو شىرقى شىمال اېسىشىگە تۇسۇق بۇلگەن. شونىڭ اوچون، او اولوس يىز يۇلىققەن واقىعەلردن مەسئۇن دىرلر. عقل-ھوشىمىزنى يىغەيلىك، كېچ بۇلمەي، ايشلر ايزىدىن چىقمەي تۇرىپ، شىرق تەمەندەن اېسىپ كېلە دىگەن شىمال نىڭ آلدىنى آلەيلىك. عەكس حالده، بىرچەمىز ماھىتىمىزنى اۋزگرتىپ، سودرەلۇچى و حشرەلرگە تەبدىل بۇلىشىمىز مەمكەن!

بعضىلر بو سۆزلىرىنى قوبۇل قىلدىلر، بىر عەدە ھەم ايشانمەدىلر و باشقە بىر اولر ھەم بو گېلرگە كولىدىلر و كۆزلىرىنى يۇمىگەنچە، اوندەن كېچىدىلر... بىراق بو سۆزلىرىنى قوبۇل قىلگەنلر، موضوعنى جەدى تۇتىپ، زەرلى اورگومچىكلر، كلاسلىر و باشقە آغۇلى حشرەلرگە قرشى كورەشنى باشلەدىلر. حىيات و مەمات گە باغلىق بو كورەش جودە قانلى اېدى؛

چونكه يورت نينگ "بیرینچی شخصی" بؤلگن كیشی كۆپ (اکثریت) نینگ تمانداشی اېدی.

او يورت ياولردن حمایه‌لە‌نیشی اوچون، بوتون تېگرە‌گی قلین و یوکسک دیوارلر ییلن اورەب آلینگن اېدی. دیوارنینگ هر تمانیده کته اېشیک بار اېدی. يورت اولوسی شرقی اېشیکنی یایماق اوچون تالاشر اېدیله‌ر، حال بو که اېشیک نینگ او یاقیده‌گی آدم‌لر اېشیک یایلمسلیگی اوچون باسیم اؤتکه‌زر اېدیله‌ر. ایچکرده‌گیله‌ر ایچکریدن و تشقریده‌گیله‌ر اېسه تشقریدن زور کېلتیریب، بو تالاشوولرده قانلر تۆکیلگن اېدی. نهایت، ایچکریده‌گیله‌ر کون چیقرا اېشیکنی یاییشگه موفق بۆلیب، باشقه‌لر تشقریده‌ قالگن اېدیله‌ر. بو فکرنی پېشنهاد قیلگن آدم "بیرینچی شخص" مقامیگه کؤته‌ریلگن اېدی.

او وطنداش‌لرینی خطاب قیلیب دېدی:

- بو اېشیکنی هیچ قچان آچمنگیزلر! مطلقا. اگر اېشیکنی بیر قتله آچسنگیز، باشقه هیچ قچان آچیلیشیگه مانع بۆلالمه‌ی سیزلر. اگر بو اېشیک برماغینگیزنینگ بیر بۇغینیچه هم آچیلسه، اونده اېشیک بوتونله‌ی آچیلە‌دی. بیر مدت اؤتیب، اوعقللی آدم اؤله‌دی. باشقه آدم‌لر اونینگ اؤرنیگه بیرین-کېتین "بیرینچی شخص" سیله‌نه‌دیله‌ر.

او یورته‌ده هنوز هم اؤتمیشلر کبی حشره‌لر و گزندە‌لر تاپیلر اېدی. بیراق کون چیقرا اېشیک یایقیلیگی اوچون هیچ قنداق شمال او یورنگه اېسمس اېدی و بو جاندارلر هم معمول حالتلریدن کۆپه‌یمس و بیریک بۆلمس اېدیله‌ر.

نېچه ییل اؤتیب، "بیرینچی شخص" نی سَیلش اوچون اولوس ارسیده جنجال و یقه لَش تاپیلدی. اصلیده کاندیدلر نینگ هیچ بیر یورت اولوسی تغین ایلگرگی مصیبتگه یؤلیقیب، ایلان، چیان و زهرلی حشره لرگه ایله نیشلرینی ایسته مس ابدیلر. بیراق برچه کاندیدلر سیلاونی یوتیماق اوچون کۆپ رأی آلشینی ایستر ابدیلر. اؤشه پیت "بیرینچی شخص" مقامیده بؤلگن آدم، اگر باشقه کاندیدان اوچ رأی کۆپراق آلسم، تغین شو مقامگه اېگه بؤلهمن، دېب اؤیلر اېدی. او اؤزیچه اؤیلب:

- مېن بو اېشیکنی شونجه که اوچ کیشی کیریب مېنگه رأی بېرسه، آچه من، دېدی!
- او توتگن مقام اؤزیگه قالیش اوچون اؤیله شیچه ایش توتیب، اېشیکنی آچدی.

اونینگ بو ایشینی کۆرگن باشقه کاندیدلر هم کۆپراق رأی آلماق اوچون اېشیکنی کۆپراق آچیشگه اینتیلدیلر. اولر اېشیک بوتونله ی آچیلمسلیگی اوچون آدملری ارقه لی ایچکریدن اېشیککه زور بېرر ابدیلر. کاندیدلر نینگ هر بیر اېشیکنی ۱۰ رأی، ۱۰۰ رأی، ۱۰۰۰ رأی، ... اوچون آچتیریب، ایش شو درجه گه یتدی که، اېشیک بوتونله ی آچیلدی!

بیراق "بیرینچی شخص" و باشقه کاندیدلر اېشیک نینگ دایم آچیقلیگی نی ایسته مس ابدیلر. شو اوچون تمانداش لریگه ایزمه - ایز بویروق بېرر ابدیلر:

"مقاومت قیلینگلر، ایچکریدن زور بېرینگلر!"
ایچکری و تشقريدن مردم اېشیککه فشار کېلتیریش
نتیجه سیده، اېشیک تورمگی اوستیگه فریره کده ی ایلنه ر اېدی.
انه اؤشه زماندن حالیکچه او یورت نینگ کون چیقیر اېشیگی
دایم ایلنماقده، بیراق "بیرینچی شخص" هم ایزچیل شاقینله یدی:
- وطنداشلریم مقاومت قیلینگلر، مقاومت.... (اداغ)

برچە سوچ (گناھ) اۋزىنگدە!...

ايشدن بۇشش و ايشسىز قالش جودھىم آغىر و قىين بۇلر
اېكن. بىراق آدملىرىنىڭ گپ-سۆزلىرى و يقىنلر و اۋرتاقلرىنىڭ يورەك
كويديرىشلىرى ھەمەسىدن قىين:

- "ئېگە ايش سىز بۇلدىنىڭ؟ نىمە اوچون سېنى ھىدەدىلر؟!!"
برچە گە واقەنىڭ سىر و پىيازىگچە ايتىشكە مجبور كىشى.
بونەدە برچەلر آدمىنى گناھكار، دېب بىلگنلىرى جودە قىزىق:
- "اگر فلان ايشتى قىلمەگىنىڭدە، سېنى ايشتن بۇشتمس
اېدىلر."

اېنگ يمانى، آدملىر بشرەلىرىنى قىغولى كۆرسەتىپ،
دلسۆزلرچە قرەشلىرى دىر.

شو نرسەلردن زېرىكىپ، ايشسىز بۇلىپ قالگنىم جريانينى
ھىچكىم گە ايتمسلىككە قصد قىلدىم. چونكە اولرىنىڭ ياردىمى
اوياغدە تورسىن، ھىچ بۇلمە گندە ملامتلى باقىشلىرى و تورلى
سۆزلرىدن قوتىلر اېدىم.

"كادى كوى" خىابانىدن شونداق بارەياتىپ، ايش تاپىش و
بالەلرگە نرسە آلىش اۋىي گە چۆمىلىپ كېتەياتگنىمدە، يېلكەم گە بىر

قۇل تېگدى. مۇنداق قرەسم، اۋزىمىزنىڭ محمد رضا اېكن. محمد رضا نىڭ يوزى قىغولى اېدى. نې سلام و نې كلام، دراو سۈرەدى: - ايشدن هيدەلگىنىڭ دى اېشيتىب جودھىم خفە بۇلدىم! - اوندە قضيە يشىرىن قالمىتى، اېكن-دە! دېدىم يۈرەگىمدە. قرەسم انكار اېتىش فايدەسىز. سۇراغىگە جواب بېردىم: - مھم اېمس!

- نىمە دېسىز، نېگە مھم اېمس اېكن؟! بو كونلردە قىنداق قىلىپ ايشسىز قالىش مەكەن، اخىر؟

- يىخشىراق ايشتى كۈزلب قۇيىپ مەن. قۇلىمدىن توتىپ، موزقىماق دىكانى (شىرىخ دىكانى) تمان باشلەپ:

- يۈر، بېرتە موز قىماق يېلىك، او يېردە قىنداق بۇلىپ ايشدن هيدەلگىنىڭ حقىدە قىسە قىلىپ بېر، دېدى. - ايتەدىگەن گېم يۇق.

- نىمە، مېدە بالە بۇلدىڭ مې؟ قىنداق بېر نىمە بۇلمىس اېمىش؟ كېل، قىسە قىل، بېر آز يىنگىل بۇلەسن. - قىسە قىلماق نىمە فايدەسى بار؟

- اۋرتاق جان قرە، بو يېردە يىنگىلەشەسن. مېن سېنىڭ اۋرتاغىڭ اېمس مەن؟ آغىر كونلردە ياردەم قىلىش بېر اۋرتاغ نىڭ بورچى دېر-كو! - لطفىڭدەن تشكر.

موزقیماق دکانیگه کیریپ باردیک. موزقیماق کهلتریدیلر، اونی
یېماققه باشله دیک. محمد رضا دېدی:

- خوش، آیت-چی نیمه بۆلدى؟
- هیچ...، هیچ بیر دلیل و علتسيز مېنى بۆشتدیلر.
- دلیلسيز خو بۆلمه یدى، علتى نیمه اېدى؟
- مېن نیمه بیلەى، بار اؤزلریدن سؤره!
بیر آزا اؤیلې، تغین سؤره دی:
- ایشگه کېچ بارمیدینگ؟
- دایم حتی یریم ساعت اېرتە راق بارردیم.
- ایشلرده دنگسەلیک قیلر میدینگ؟
- یاغ، عکسینچە ایشیمدن جوده هم راضى اېدى.
جدولى معما حل قیلووچی کیشیدېک بیر آزا چؤرت اوریب،
قیتە سؤره دی:

- باشلیغ نینگ ایشلری یخشی اېمس میدی؟
- ایشلری جودهیم زور و یخشی اېدی و کون سەیین یخشی
بۆلردی.

او بیرار نرسە تاپالمە گنیدن ایچ-ایچینی یېب، تیرناقلرینی چینر
اېدی:

- آیت-چی، اضافە کارلیک ایستە گن میدینگ؟
- یاغ.
- باشلیغینگنی غییت قیلر میدینگ؟

- باشلیغ نینگ غیبت قیلماق اوچون، قیسی بیر عیب یا نقصی
یاغ اهدی!

- پول حساب-کتابلریده کم کبلدینگ می؟
- یاغ ای، نیمه دیپسن؟ بو گیلر مطلقا یاغ.
- اونده سببی نیمه؟ اؤز-اؤزیدن خو بیکارگه کیشینی
هیده مهیدیئر-کو!

تاخته، بلکیم حالی مینگه چپ-چپ قره گینگدېک، اونگه
هم شونداق باققن دورسن؟
- شو ایشینی قیلگن دورمن!

- بیلدیم، شو. خودی شونی اؤزی، بیکارگه کیشینی ایشدن
هیده مهیدیئر. گناه اؤزینگدن اېکن. نیمه اوچون باشلیغینگ یوزیگه
چپ-چپ قره دینگ، هه باشی شیشگن؟!

علتنی تاپالگن محمد رضا، بیرآز تینچیدی! مېن اېسه ایشیم
بار، دېب او بیلن ساووققینه خیرله شیب، موزقیماق دکانیدن چیقیب
کېتدیم.

محمد رضانینگ گیلری جوده تینچیم نی بوزدی، حتی ایشدن
هیده لگنیمدن شونچه ناراحت بؤلمه گندیم.

سرویسده باشقه بیر اؤرتاغیم گه اوچره دیم. مېنی کؤریب آق
حال-احوال سؤره شدی:

- آو..و.ا.که، چیندن هم اېشیتگنیم تۇغری می؟
- هه، تۇغری!

- حیف، نېگه سېنى ھیده دیلر؟
- بیلمه سم.
- بیر جنایت انگیزه سینی کشف قیلماقچی بؤلگن سارنوالگه
اؤخشش بیر آزاۋیل، سؤره دی:
- حتماً بیرار دلیلی بار. اؤز باشیگه بیراونی ھیده مه یدیله-کو!
- تۋغری، حتماً بیرار دلیلی بار!!
- مبادا سېندن باشلیققه بیرارته شکایت-میکایت قیلگن
بؤلمه سین، تغین!
- بلکیم.
- سېندن کۆره چالاکراق بیرارته نی تاپگن بۆلسه-چی!
- بو ممکن اېمس. مېندن کۆره یخشیراق هیچکیم
تاپالمه یدی.
- بلکیم سېندن کۆره آزاراق معاش آله دیگن بیرارته نی تاپگن
دور. مېنگه قره، باشلیغینگ مینن قنداق گیرردینگ؟
- جوده ساده و صمیمی.
- اؤرتاغیم بلند کولیب ییاریب:
- هه، اېندی بیلدیم.
- نیمه نی بیلدینگ؟
- نېگه ھیده لگینگ سېینی بیلدیم. او..و باشی شیشگن،
کیشی اؤز باشلیغی مینن هم ساده و صمیمی گیره دی می؟

- قویسنگ-چی، سېن ھم عطار قوطی سیدە یاغ نرسەلرنی
تاپیب گپیرەسن! مېن بیر آیدە ھم بیران یۆلە باشلیغ دی کۆرمس اېدیم.
کۆرگندە ھم بیلەسیگە گپیرمس اېدیم.
- اوندە دلیلی شو!! سېن باشلیغینگ مینن گپیرمس اېکن سن و
شو اوچون عصبانی بۆلیب، سېنی ھیدەگن...، برچە گناھ اۋزینگدە!
شونداق قیلیب، گناھکارنی تاپگن بو اۋرتاغیم ھم جیم
بۆلدى!!!

بیرینچی بېکت (ایستگاه) دە توشتیم. ازانچە قینلگن اېدیم.
بیرارتەنی تاپیب گپیرگیم کېلردی... شو اوچون اۋرتاغیمدن بیرى نینگ
قاشیگە باردیم. قرەنگ، حالی او ییلن سلاملەشیب، کۆروشمەى
توریب، سۆرەدى:

- اېشیتگنیم چین مى؟!
- ھە، چین. بیراق التماس دلیلینی سۆرەب اۋلتیرمەگین.
- دېمک، دلیلی جودە مھم اېکن-دە!
- سۆرەمە، دېدیم اونگە.
- ھیت کونلری، باشلیغ نی کۆرر میدینگ؟
- مېن ھیچ قچان باشلیغ نی کۆرماققە بارمسدیم. بیراق
اۋرتاغیم ییلن بیرآز ھزللشماق اوچون دېدیم:
- ھر ھفتە اونینگ قاشیگە بارردیم.
- اوندە گناھ اۋزینگدە اېکن. کۆپ مزاحم بۆلگنینگ اوچون
ایشدن ھیدەب، شَرینگدن قوتیلماقچی بۆلیتی اېکن- چاغی!

- نیمه مزاحمت؟! باریب سلام بېرردیم و بیران کار-خدمت یوق می؟ دېر اېدیم.
- اونده نیمه اوچون هیدهدی؟
- کوچیک بیلە می!
- بلکه بیرار دلیلی بار دور.
- تېلبە بۇلیب قالیشیم گە سل قالگن اېدی. کۆپ سؤروشتیریشدن میهم پارتلب کېتەدی، دېدی!! اؤرنیمدن توریب:
- سیز اخماقلرگە نیمه؟ دېب بار تاووشیم بیلن بقیردیم. اېشیکنی قتیق اوریب یایپ، اتاقیدن چیقیدیم.
- اؤیم تمان کېتەیاتیب، یؤل بۇیی تغین بیر تانیشیمگە اوچرە دیم. اؤزیمنی کؤرمسلیککە اوریب، باشیمنی اېگگنچە آدیملریم نی تېزلیتیردیم. ایشانینگ، گپیریشگە مداریم قالمەگن اېدی. بیراق او آدم هم قۇیماقچی اېمس اېدی. قۇلیمدن توتیب، تاختتدی:
- هە، اؤرتاق جان! نیمە بۇلگن سېنگە؟ جودە چۆرتی کۆرینەسن؟ بیرار نرسە بۇلمەگن می، مبادا؟
- اېتیم نی زورغە آچیق قیلیب کۆرسەتیشگە اینتیلیب:
- هیچ نرسە اېمس، دېدیم ایلجەییب.
- هیچ نرسە بۇلمسە، اونده نېگە مونداق خیالچن و اویگە چۆمگن کۆرینەسن؟!
- اویگە کېتەیاتگن اېدیم.

- ياغ، بىكارگه مېندىن يىشيريىشگه اورينمه. ناراحتليگىنگ يوز-
كوزىنگدن شونداققىنه بىلىنىپ تورىيتى. آل، ترتىنمه ي ايت. بيران
ياردميم تېگىپ قالسه، كېرهك!

- قرهسم، قۇيماقچى اېمس. شو اوچون دېدىم:

- ايشدن هيدەدىلر.

- نېگه؟

- بيلمسم.

- اخير علتى نيمه اېدى؟ نيمه قىلىپ قۇيدىنگ!!

باشقهلر مېنگه تاققن برچه عيب و گناهلرنى بيرمه-بير ايتدىم:
كۆپ خبرىنى آلردىم؛ او بىلن ساده و صميمى گپلشردىم؛ يوزىگه
چپ-چپ قىردىم؛ او بىلن گپىرمىسدىم؛

- بولزىنگ بىرتەسى هم اېمس. بونداق ايشلر اوچون كىشى
بىراونى ايشدن هيدەمەيدى.

اونىنگ گپلىرىدن كولگىم قىستىپ كېتىدى. او خودى بير مهم
نرسەنى كشف قىلگندېك، چهرەسى آچىلىپ:

- ايت-چى، سېن باشلىققە هم شو كولگىلرىنگدن قىلردىنگ
مى؟ دېب سۆرەدى هيىجان بىلن.

- هه، اونىنگ سۆزلىرىگه هم كولردىم و حتماً شو ايشىم
اوچون مېنى ايشدن هيدەگن. اېندى بىلدىم!

اونىڭ جوايىنى كوتىب اۋلتىرمەدەيم. او ھم اوشبو كشفيدن سۇڭك، سۇزلەيدىگن باشقە گېي ياغ اېدى، چاغى... يۇلگە توشىپ، تۇغرى اويگە كېلدىم.

قەيىن آغەم مېندىن باتراق (تېزراق) كېلىپ، مېنى كوتىب تورگن اېدى. چىندىن بونىڭ سۇراغ-جوابلىرىگە چىدىمىم قالماگن اېدى. اېشىكدن كىرمىسدىن قەيتىپ، بىرار يېرگە بارىپ تونش گە تىسمىم آلدېم. بىراق او مەلت بېرمەي، آلدېمگە يۈگۈرگنچە كېلىپ، دېدى:

- يىزە جان قربانىز بۇلەي، قۇلىم يېتىگىزگە، مېنگە بىرار فېكر قىلىڭ!
- نېمە بۇلىيتى؟

- شو بوگون ايشدىن ھىدەلدېم.

كتە بىر لاترى ساوورنى (جايزەسى) ھم چىقسە، شونچەلىك حىرتلىمس اېدىم. چقان سۇرەدېم:

- نېگە؟ علتى نېمە دىر؟ نېمە ايش قىلىپ قۇيدىڭ!!
- بىلەيمەن.

- حتماً بىرار دىلى بار. بىكارگە كىشىنى ايشدىن ھىدەمەيدىلر-كو؟

- مېن يمان ايش قىلمەگەنم.

- ايشگە كېچ بارمىدىڭ؟

- ياغ.

- ايشىڭگە دىڭسەلىك (تېللىك) قىلمىدىڭ؟

- ياغ اې.

- حال-اھوالىنى سۇرەب تورمىدىڭ؟

- نېگه اېندى؟

- اونگه چېپ-چپ قره مس ميدینگ، مبادا؟

- ياغ اي، نيمه لر دېب ياتيپ سيز؟!

- يوزيگه كولمه دينگ مى؟

- ...؟

- ...؟

قهين آغهم آغزى آچيلىب قاليپ، ايزچيل يۈته لردى و توپيرچيغى نى يوتردى. ساجيغى (رومالى) نى چيقاريپ بورىنى اريتدى. اوندن سۈره ديم:

- ريزيش ميسن؟

- دايم شونداق من.

توستدن (ناگهان) ميه م برق اورگندېك ياختى بۈليپ كېتدى. برچه نرسه مېنگه آيدىنله شيب قالدى. هيجان يىلن اونگه ايتديم:

- بيلديم. نېگه هيده لگنينگدى بيلديم. اۈزگه لرنى بيكارگه بدنام قىليپ يورمه. گناه اۈزينگده!

قهين آغهم آغزى آچيلىب قاليپ، يوزيمگه تىكيلىپ قالدى. او نيمه دېماقچى اېكسيم نى بيلماقچى اېدى. مېن اېسه، خودى اۈز كشيياتى حقيده هيجانله نيب معلومات بېروچى آدمگه اۈخشې، دوام اېتديم:

- مادامى كه سېن شونچه كۈپ بورىنگنى اريتسنگ، البته كه سېنى ايشدن هيده يديلر. برچه گناه اۈزينگده!...

بو کشفدن شونچه لیک قووانیب، یینگیل تارتدیم که اؤز دردیم نی اونوتیب ییباردیم. هه، آدم لر اؤزگه لرینگ ایشی و تورموشیگه بورونلرینی سوقیب، سینچکاولیک قیلیب، مداخله قیلگنلیک دلیلی نی اېندی توشونیب یېتدیم! (اداغ)

اصل و نسبى تىلمچى

آخ... آخ... اوخ... "پيازت" چايخانه سیده درختلر سایهسى
آستىگه اؤلتيرگن برچه مشتريلر، ييغى تاووشى كېله ياتگن تمانگه
باشلرينى بيردن بورديلر. او بيرده اؤزىنى چادرگه يخشى محكم اؤره ب
آلگن بير خاتين، تاووشى اوزيلمىدن ايزچيل يىغلر اېدى. بو موضوع
برچه نىنگ قىغورتيردى. نرد اؤيىنچيلر طاسى نىنگ تق-تق سېسى
تاخته دى و قىليان چېكىب اؤلتيرگنلر نىنگ قىلانى هم قۇل قۇلدن قالدى.
خاتين يوره كنى سوو قيله ديگن درجه ده، جوده زارله نىب يىغلر اېدى.
نردبازلردن بيرى باشىنى تأسف يىلن قىميرله تىب، سؤره دى:

- خانم نيمه بۇلىيتى؟! نېگه يىغله يىسن؟؟!

باشقه مشتريلر هم جىم بۇلديلر و خاتين نىنگ زارله نيشى و
يىغىسى نىنگ علتىنى بىلماق اوچون باشلرينى او تمانگه بورديلر.
خاتين نىنگ قۇلى چادر نىنگ آستيدن چىقىب پول تيله گنیده، برچه
نرسه بېللى بۇلدى. برچه لر او بير عادى تىلمچى (گداى) اېكىنى
بىلديلر. شو بىلن دراو يوره ك كويديريشلر توگه دى... طاسلر نىنگ
تاووشى قيته دن چىقدى و قىليانلر هم تىغن توتون چىقه ريشگه
باشله ديلر. چىندن هم كؤررلى هيچ بير نرسه يۇق اېدى ده!...

استانبول نینگ (كابل نىكىنى اينىقسە! - ح.ى.) تىلمچىلىرىنى سىنش
مىمكن مى؟ كىشى اوچرەگن هر بير تىلمچى گە يورەك كويدىرسە،
اېرتەدن عصرگچە يىغلب زارلەنىشى كېرەك. اونده، او نې بير ميدان نرد
اۋىناله دى و نې هم بير دود قىليان چېكىش گە وقت تاپەدى.

خاتىن همان بير خىل يىغلر و ياش تۈكر اېدى: ھاي... ھاي...

وى... ى...

خاتىن نىنگ بقر-چقىرى و نالشىرىدن، بير آخوند يانىگە
اۋلتىرگن كېسكە راق بير حاجى نىنگ حوصلەسى پىر بۇلىب:

- واھ... واھ... واھ عجىب نرسە... بو شىلقىن تىلمچىلىرىنىڭ
قۇلىدن نىمە قىلىشىنى ھم بىلمەيدى، كىشى. اۋرتاغىمىز بىلن بير آز
گېلە شىب، چرچاغىمىزنى چىقەرەيلىك دېگۈنچە، شونداق ياقىمىز
صحنە تاپىلىب، كىشى نىنگ اعصابىنى بوتونلەى بوزەدى. باشقە
مىشترىلر ھم غوت-غوتلب اعتراضگە باشلب، مىسكىن تىلمچى گە قرەتە
ھىراقىدن اۋتىكر كىنايى و استىھزالى سۈزلر ياغىلە بېردى.

دېمەك، بو مردم قىچەلىك رحىمىز و بىرىتاش اېكن، بير
بختىسز و المزدە خاتىن نى قىندا قىلىب شونچە محروم قىلەدىلر؟، دېب
اۋزىنگىزچە اۋىلرسىز، البتە. بيراق مېن بونداق فكرە اېمىس من. كۆپ
آدملرنىڭ كۈنگلى كىمەك قىلىشىنى اىستىشگە ايشانچىم كامىل، بيراق
مالى وضعلىرى اجازە بېرمەيدى. سقالى آلنىمەگن، بوتى بۈلكمەگىندىن
رنگى كولرنىڭ بۈلگن انە او آدم يقىن كە پولى ياغ؛ يا او بالەسى بىلن
بىرگە تورگن، اۋتە آزغىن(ارىغ) و رنگى اوچگن آدم نىڭ پولى

بۆلگنیده، باله سیگه نېچه قروش (لیره دن کیچیک تورکیه پولی) گه بیر نېچته ینغاق ساتیب آلیب بیرر ابدی؛ قاله بېرسه، دایم روما لچه سی بیلن پیشانه تهریسی نی اریتیب اؤلتیرگن او..و سیمیز آدم، یوره گی قنچه ساووق شربت ایچکیسی ایسته یدی، بیراق پولی یاغ. چایخانه نینگ باشقه قالگن مشتریلری هم انه شونداق.

نهایت، تیلیمچی خاتین ییغی-سیغی و یاش تۆکیشلر نینگ فایده سیزلیگینی پیقه دی، چاغی. شونینگ اوچون بیرآز جیمیلیکدن سؤنگ، بیرار فکر باشیگه کېلگندېک، توستدن (ناگهان) یوکسک تاووش بیلن سؤز لشگه باشله دی:

- آخ، بو دنیا قنچه لیک وفاسیز دیر و بیز آدم لر قنچه لر غافلیمیز. جنابلر، سیزلر مېنینگ قیسی عایله دن اېکنلیگیم نی بیلگینگیزده ابدی، مونچه لر "اؤتکیر سؤز" ایتمس اېدینگیز.

شونده باشلر قیته او تمان بوریلدی و برچه لر قولقلرینی او تمان تېز قیلدیلر... خاتین دوام اېتدی:

- جنابلر، مېن فلان پاشانینگ بیوه سی من (پاشا=بېگ، بای، تۆره... گه اؤخشش اعزازی عنوان). معلوم بۆلمه گن بیر آتنی ایتدی: عبدالرحمن، محمد یا باشقه نرسه. هه، مېن انه شونداق مقامدن شو کۆی گه توشدیم... بایلیک و دولت قۇل نینگ کیری دېک اریتیلیب کېته دی. کپین رحمتلی پاشانینگ او یلری، کنیز و قۇل لری و آلتین، کوموش و اینجو (جواهر) لردن تۆله صندوقلر حقیده به تفصیل معلومات بېریب، اداغده دېدی: آخ بیچاره... چیندن هم تیلیمچیلیککه

مجبور بۇلگن بیر اشراف خاتین اوچون قنچه لر قیین . هر بورچکدن بو اصل و نسبلی تيلمچی گه نسبتاً کوچلی دلسوزلیک تۇلقونی کۆته ریلدی . همیانلرنینگ آغزینی آجدیلر و پوللرنی جرنگله تیب ، اونینگ آياغیگه تۆکه باشله دیلر . بوتلری بۇيلمه گن اؤشه ابرکک ییگیرمه قروش بېردی . باله سیگه ینغاق آلمه گن کیشی هم اؤن قروش بېردی . حتی باشیده جوده یمان-یشیغ سۆزلر ایتگن اؤشه حاجی هم ایتگن سۆزلریدن پشیمان بۇلیب ، نېچیته کته تنگه اونگه ییباره توریب ، دېدی :

- بو عادى تيلمچی اېمسلېگى بېللى اېدى... قرهنگلر اپت- بشرهسى قنچه لر اشرافى دیر . بونداق کیشیلرگه "زخم زبان" اوریشنی تېنگرى هم یاقیتیرمەیدی . نیمه بۇلسه هم کته خانداندن اېکن و یوقاریدن قویيگه توشگنلر . ایلگرگی قيلمیشلریدن پشیمان اېکنلیکلری برچه نینگ یوزیدن کۆرینیپ تورگن اېدی . تېزده بیر مقدار پول بو آبرولى تيلمچی اوچون تۇپلندی . چایخانه چی برچه پوللرنی تۇپلپ ، بیر تور علاقه و احترام بیلن پاشانینگ بیوه سیگه باقیب ، دېدی :

- مرحمت ، بو پوللر سیزنینگ لایقیز اېمس !
حرمتلی مردمگه بیزنینگ فکرلشیمیز یۇسینی نی اېندی کۆردینگیز می؟! برچه میز ، هیچ بیر منظور و مقصدیمیز بۇلمه سه هم ، بیلیم ی اعیان و اشرافلرنینگ تمانداشیمیز . حتی اصل و نسبلی تيلمچیلر هم بیزگه حرمت و اعزازگه سزاوار !

پاشانینگ بیوہ سی چایخانہ دن چیقدی، "چلہ بجی" بازارینگ
یبتگونچہ حالی ہم اپت-بشرہ سی ییغی سیرہ گن و قیغولی اہدی. بیراق
او یبرگہ یبتیشگن زہاتی، کولماققہ باشلہ دی و تیلی نینگ تگیدہ
دہدی:

- بیز بیچارہ لر اعیان و اشراف نینگ صدقہ سیریدن یشہ یمیز!!
(اداغ)

طبابت معجزه‌سی!

رحمتلی تاغه‌مدن جوده خفه من. اونی اصلاً یقینلریمدن، دېب بيلمسديم. سببی، او ازانچه کینیسک (خسیس) و قتیق اېدی. اگر اؤشه "درد بیدوا" اوچرهمه‌گنیده، آلتیش ییلی اؤتیب، اونینگ قنچه کۆپ مال-دولتی بارلیگینی کیشی بيلمسدى. بیراق مینگ افسوس، او اوشبو آغیر کسللیکدن قوتیلماق اوچون برچه بایلیگی نی داکترلر ایاغیگه تۆکدی و شو ییلن اونینگ قنچه‌لر بای اېکنلیگی هم بېللی بۆلیب قالدی.

قیزیق، تاغه جانیم کسللیگی نینگ انیق یېری، کیندیک ییلن سۆنگگی یومورتقه نینگ بیر قریچلیک اره‌لیغیده اېدی! بیراق داکترلر کسللیک نینگ اصلی علتینی تشخیص قیلماقده قادر اېمسیدیلر. شخصاً اؤزیم هیچ قچان وطنی داکترلرگه ایشانمس اېدیم. سببی، جهان عالملى میلیونلر کیلومتر اوزاقلیکده‌گی فلان سیاره‌نینگ برچه ایچکی و تشقی خصوصیتلرینی سوودېک آسانگینه بېللی قیله‌آله‌دیلر. بیراق بیزنینگ داکترلریمیز بۆلسه ایکی قریچ مسافه‌ده‌گی کسللیک نینگ علتی نی تشخیص قیلالمه‌یدی‌لر. چیندن هم خجالت یېری بار!....

تاغه‌م ایتردی:

- قارنیم ایچیده دایم بیر نېچیته ایت و موشوک (پشک) بیر-
بیرینی تلب یاتگندېک سېزه من. اېندی اگر بیر صندوق ایچی گه نېچیته
ایت و پشک تی تشله سنگ، نیمه حال بؤلشی نی بیر اؤیله گین؟!
مینینگ حالیم هم خودی شونداق.

تاغهم کسللیگی نی مونداق شاعرانه توصیف قیلشی گه دلیل
بار اېدی. اصلیده، او بیر پیتلر بیر ادبی مجله ده ایشلب، تورلی مقاله لر
یازیب، یشه گن اېدی-ده. عکس حالده، ایت بیل پشک اونینگ
قارنیده نیمه قیلردی! بیراق کاشکی شونداق بؤلسه اېدی؛ چونکه هیچ
بؤلمه گنده، شارواللیک اولرنی کوچوله-موچوله بېریب اؤلدیریب،
بیچاره تاغهم دی قوتقرردی!

اؤزی قه پیری آغریگیننی یخشی بیلردی، چونکه آغریق
باشلنگن زهاتی قارین و دومغوزه سی نینگ اؤرته سینی کؤرسه تیب،
نالیب ایتردی:

- بولر (ایت و پشک) منه شو یېرده جزام دی بېرگنلر...!
بونگه قره مه ی وطنی داکترلر نه یلغوز کسللیک علتی نی
بیلمسدیلر، بلکه اونینگ آتینی هم بیلمس اېدیلر.

تاغهمدی آلیب بارمه گن داکتر قالمه دی. هرکیم قه یېرده بیرار
داکترنینگ آدرسینی بېرسه، بیز دراو اونگه یوگوریب بارردیک.
اؤرنک اوچون قؤشنیلردن بیرى نینگ خبر ترقه تیشیچه، فلان پروفیسور
داکتر تاغهمدی دردیکه چلینگن بیر کسلنی دوالب اېمیش، دېگن گپنی

اېشیتیب آق، درحال پروفیسورنی قاشیگه باردیک. پروفیسور جنابلری اوزاق تېکشیروودن سۈنگ، دېدی:

- سیزده معدە تکلیفی بار...!!

مېن مکتب دوریدن آزگینه حیوانلر فیزیولوژی سی حقیده معلوماتیم بارلیگی اوچون، دېدیم:

- اما جناب پروفیسور، تاغەم آغریق جایی نی کۆرسەتەدیگن یېر، معدەدن انچه قوییدە-کو!

پروفیسور یاقیملی ایلجەیب، دېدی:

- سۈزیز تۆپە-توغری، لیکن تاغەیزدی معدەسی اۋز جاییدن بیرآز قویی توشگن و شو اوچون عملیات بۆلیشی کېرەك!

تاغەم قارن آغریقدن قینەلیب کېتگنلیگی اوچون، پروفیسور سۈزیگە دراو کۆنیب، عملیاتگە راضیلیک بیلدیردی.

لیکن بو عملیات نە یلغوز تاغەم دی مرموز دردەن قوتقرمەدی، بلکه اونى تابارە کۆپەیتیریب ییاردی. قیزیغی ایدی، پروفیسوردی عیال دستیارى نینگ ایتیشچە:

- پروفیسور تاغەمدی قارینی ییرتیب قرەسە، حیرت بیلن مېنگە بو معدە بو یاشدە کۆرگن دنیانینگ اېنگ ساغلام معدەسی اېکن. کپین کسل نینگ پولی بیکارگە کېتمەسین، دېب معدەسی نینگ یریمی نی کېسب آلگن اېکن!!

تاغەم اوشبو ایشی اوچون پروفیسورگە قتیق اعتراض بیلدیری. پروفیسور هم اېلتمە-کېلتیرمە دی دېدی:

- اکه جان، بیر کون کېلیب معدەنگیز "معدە زخمی" کسللیگی گە دچار بولیشی انیق اېدی. نیمه فرقی بار، ایلگریدن اونینگ چارهسی کۆریلیب قویلسە، یخشی-کو!
"معدە زخمی" گە دچار بولگنیزده، کۆپ قینلینگ دېب مېن شو ایشتی قیلدیم!!

شو علیاتدن کپین تاغەم دی وضعی یمانلشە بېردی. ناچارلیکدن داخلە کسللیکلر متخصصی بولگن مشهور و تجربەلی بیر داکترگە باردیک. داکتر کسلنی تېکشیریب، دېدی:
- سیزدی بویرەك تکلیفیز بار اېکن. عملیات بولیشی کېرەك...

شو بیلن، ایکینجی یۆلە تاغەمدی قارنی یرتیلدی. بیراق داکتر بویرەکلردی کۆریب آق، اولر اېنگ ساغلام بویرەك اېکینی پېقەدی! شو اوچون داکتر ناچار ایکیته بویرەكدن بیرینی چیقردی و بو ایشی اوچون شونداق ایضاح بېردی:

- بیرینچیدن، بوگونگی انسانلرده ایکیته بویرەك بولیشی کېرەك اېمس. ایکینچیدن، اگر مېن شو ایشتی قیلەسم اېدی، کسل هیچ عملیات بولگنیم یۆق دېب، اویلردی. اېندی بۆلسە، عملیات اوچون منە شو چیقەرلیگن بویرەك محکم دلیل بۆلیب، اعتراض گە اؤرین قالەیدی!

تاغەم عملياتدن سۇنگ شفاخانەدن چىقىپ، روزنامەلەردە
تشكرنامە يازىپ، شفاخانە داکترلىرى عملياتى تىغى آستىدن اۆلمەى
تيرىك قالگىندىن متتدارلىك يىلدىردى!

بو ايشلار اونىنگ دردىگە هېچ تېگىشلى بۆلمەى، آغرىق اۋشە
شدتى بىلن كۆپەيماقدە اېدى.

بىر كۈنى تاغەم نىنگ اۋرتاغلىرىدن بىرى اونى كۆرگنى كېلگن
اېدى. او اصل قضىەدن خبر بۆلگندىن سۇنگ، دېدى:

- مېن ھەم عىجب و غرىب بىر كىلىككە يۇلىقىپ، بارمەگن
داكتىر قالمەى، ۱۶ يۇلە عمليات بۆلدىم. لىكن هېچ بىر فايدە
كۆرمەدىم. بىراق داکتر ... گە باردىم. اونىنگ بىر نىسخەسى مېن "ىك
بە ىك" بۆلىپ ساغلىدىم!

سىناو اوچون ھەم بۆلسە او كىشى بېرگن آدرسگە باردىك.
داكتراوزاق تېكشىرولردن سارە دېدى:

- افسوس، اىلگىرگى برچە داکترلر دردىنى بىلالمېدىلر. سىزدى
تەكلىف، اىچك (رودە)نى تاۋلەنىپ قالگنى دىر!

مېنىمچە داکترنىنگ تەشخىسى تۇغرى اېدى؛ چونكە تاغەم
اۋتە كىنىسك و قىقلىگى طفىلى فقط باد و هوا يىماققە مىل قىلردى.
ھېچ نرسە يىمەى، كۆپىنچە آچ-ناھار يورگن كىشى نىنگ اىچكى
تۈگىلىپ قالىشى او ياقدە تورسىن، موندن قىقراق كىلىككە يۇلىقىشى
ممكن!

نهایت، تاغەم نینگ قارنىنى اوچىنچى قتلە يىرتدىلەر. داکتر تاغەم نینگ ايچکلىرىنى كۆرىپ حيرتدن كۆزلرى پىالەدەي-پىالەدەي كتە آچىلىپ قالدى. چونكە ايچكى نینگ اوزونلىگى ۱۰-۱۵ متر اېدى. بو دېگنى ايچك ساغلام كىشى نىكىدن اوزون اېدى! داکتر دېدى:

- طبابت عالمىدە مونچەلىك "رودە دراز" آدمى كۆرمەگن اېدىم.

داکتر حقلى اېدى؛ چونكە كلتە بۇيلى تاغەم سىنگرى كىشى دە مونچە اوزون ايچك چىندن هم حيرتلنرلى اېدى-دە! خوب مىلى، خدانىنگ اىشى. نىمە هم دېب بۇلەدى.

داکتر تاغەم نىنگايچكىدە هېچ قىنداق نقص تاپمەگن بۇلسە هم، اونىنگ قارنى نىنگ ايچى گۆزەل بۇلماغى اوچون دېرلى يىرمى نى قىرقىب آلىب تشلەدى.

هرچند تاغەم ايچكى نىنگ عىبى يۇقالگن بۇلسە-دە، يىراق اصل آغرىق نە يلغوز آزەيمەدى، بلکہ شدتى تاباره آشيب كېتدى.

يىر مدت اۆتىپ، باشقە يىر داکتر قاشىگە باردىك. اوشبو داکترنىنگ آدرسىنى يىزگە كىشى نىنگ ايتىشىچە، باردى يو بو داکتر هم تاغەم نى دوالەي آلمسە، اوندە بو كسلىكىدن قوتىلماق اوچون يىگانه يۇل اۆزىنى اۆلدىرىش دىر!

بو داکتر تاغەم نىنگ قىسەسىنى اېشىتىپ، شونداق دېدى:

- سیزدی ایچکلریز یللیغله نیتی (التهاب آلیتی). عملیات قیلمسک بؤلمه یدی.

داکتر ایچکلرنی عملیات قیلیب قره سه، تاغهم نینگ ایچکلری ۱۸ یاشلی ساغلام قیزنینگ یوره گی ده ی پاکیزه و بیغبار اپکن و هیچ قنداق التهاب-ملتهابی یاغ اپکن!

اپندی خشت قالبدن کؤچیب، تاغهم نینگ قارنی یرتیلیب میدانده اپدی. شونده داکتر عملیاتدن قۇلی قوروق چیقمه یین دېب، ایچکلرنی کؤپ تیتکیلده دی.

تاغهمدی جانی خودی ایچکلریگه باغلنگندېک، بو عملیاتدن ساره وضعی آغیرلشدی. آغریق طفیلی نیمه یی که دېسه لر قیلر، قه ییرگه بار دېسه لر بارردی. ییمه گن داری و بارمه گن داکتری قالمه دی، دېسم ایشانینگ.

مېن بو وضعیتی کؤریب حیران قالگندیم. شونداق بای-بدولت تاغهم بؤلّه توریب، حالیکچه خبریم یوق اپکن!

بیراق بو انسان قیسقه عمریده مونچه بایلیککه قنداق قیلیب اېگه بؤلگن اېکین؟! دېب او یلر اېدیم. حتی وجودی نینگ ذره-ذره سی هم رشوت بیلن آذیق لنگنده هم، مونچه شول و دولتگه اېگه بؤلّه آلیشی عقلگه سیغمه یدیگن نرسه اپدی.

... میلی، باشنی قاتیرمسدن بوندن اؤته یلیک.

باره-بارّه تاغهم داری-درمانلردن بېزیب، مایوس بؤلیب توشکونلیککه توشدی. اپندی قۇلی هر یپردن اوزیلیب، تېزراق اؤلیب،

مونچە عذابلر و آغریقلردن قوتیلسه و اینگ مهمی شونچە بایلیگی
جلاددن یمانراق داکترلر چؤنتگی گە تۆشمسه، دېب اؤیلردی!
بیراق "انسان امید بیلن تیریگ" دېگنلری کبی، تغین بیر یۆله
تعریفینی کۆپ اېشیتگن بیر ماهر و حاذق داکترگه باردی.
او هم تاغه منی تېکشیریپ، کسللیک ماجراسیدن خبر
بۆلگندن سؤنگ، دېدی:

- عجیب!!... سیزده... بار. بیکارگه شونچە عملیات بۆلیپ

سیز!

- لیکن داکتر صاحب، تاغه مدی فقط کیندیگ مینن دومغوزه
اره لیغی آغرییدی!
شونده داکتر ایلجه ییب:

- سیز حق سیز، البته. لیکن قرهنگ، تاغه ییزدی بدنیده
عملیات بۆله دیگن، جراح نینگ پیچاغی دمیگه ایلینه دیگن بیران آباد
یپردی اؤزی قالمه گن. شو اوچون، مېن تماغلری نینگ تنله ی لری
عملیات قیلیش گه مجبورمن!
- نېگه اېندی؟!

- بونینگ فایده سی، بیز تنله ی لر نینگ یللیغلنگنی آلدینی
آلگن بۆله میز. شو بیلن کېله جکده تاغه ییزگه دردسر توغدیرمهیدی!
شو بیلن تاغه م نینگ تنله ی لری هم عملیات قیلیندی. بیراق
آغریق همان شدتی بیلن قالگن اېدی.

تاغەم نینگ بدنې مونچە عملیاتلر طفیلی خودی بلیقچیلر نینگ تۆری دەی بۆلیب قالگن اېدی. اېندی داکترلر نینگ عملیاتی اوچون پیچاق-میچاق کېرەك اېمسدى. كۆکلریدن بیرینی تارتسەلر، بۆلدى. اۆز-اۆزیدن باشقە كۆکلر آچیلیب، ایستلگن بیرنی عملیات قیلیشلری ممکن اېدی!

بونینگ یخشی تمنای شونده اېدی که او اېندی تالیب، بقیر-چقیر قیلیب اۆلتیرمسدن، فقط بلند بیر تاووش چیقرسە، بۆلدى اېدی. چونکە بو ییلن كۆکلر سۆتیلیب، قریندەگی بار نرسەلر تشقیرگە تۆکیلردى....!

باریب-باریب تاغەم نینگ کسللیگی میەسیگە ھم تائیر قیلدى و الجیرەش گە باشلەدى:

- "اې تېنگریم، نېگە باشدن بیز آدملردى بدنیمیزدە بیر کشک اۋرنەتیب قۇیمەدینگ. اگر شو ایشتی قیلگنینگدە اېدی، بو بباش بیلیمسز داکترلر کسللرنی شونچە گپ بېریب، الدالمسدیلر و بدنلرینی تکه-پرچە قیلیب، بار پوللرینی شیلیب آلمسدیلر...."

بیر عذابلر ییلن تاغەم نى تینچیتدیک و بیر داکتر ایزیدن بییاردیک. داکتر کھلیب کۆردى. قرەسە، کسل نینگ بدنیدە عملیات قیلگودېک توزوک پیری قالمەگن. او دەدى:

- مېنىمچە تاغەیزدى ھورمونلری كۆپەيگن. تېزدە اونینگ تخمدانلریدن بیرینی چیقەریش کېرەك. چونکە بدن بېزلری توگب، تخمدانلر فعالیتى ناراحتلیککە سبب بۆلەدى!

تاغەم بقیردی:

- ای اوکە، مېنگە بۋسە ایکلەسینی بىردن چىقر و مېنى تىنچىت، دېدى!

بىراق داكر انسان نىلى تقاضاسى و انساناۋرتاغلىك غايەسى
حرمتى اوچون فقط بىرتەسینی چىقەرىش كېرەك، دېدى و شو ایشتى
قىلدى!

بىراق نې فايدە؟ بو ایش هم كىلگە مۇثر بۇلمەدى. پىچاق
سویگى گە يېتگن پىچارە تاغەم بو سفر اۋزینی اۋلدىرىش گە قصد
قىلدى. شو مسألە بۇيىچە جنجال و ھياھو جريانیدە اۋرتاقلرىدن بىرى
فلان داكرگە هم بىر بارسەيىز يىخشى بۇلەدى، دېدى.

داكر تاغەمدى تېكشىرىپ، باشیدن اۋتگن برچە گىلردن خبر
بۇلگندن سارە، دېدى:

- چىندن هم سىزگە جودە كتە جفا بۇلگن...؛ ایشانچ بىلن
ايتیشیم ممكن كە بىر يىنگى آدم توزەتیلەدیگنچە نرسەلردى بدنیزدن
عملیات قىلىپ چىقەرییدیلر، ظالمەر! لیکن ایشانتیریپ ایتەمن، سىزدى
برچە تكلیفلىرىز ایاغیزدەگى اۋسىمتە (غده، دانه)لردن دیر!...

تورلى-تۆمن كتە عملیاتلرگە قرەگندە، ایاغ اۋسىمتەسینی
عملیاتی جودە كىچىك و آسان كۆرىنردى. داكر اوچون قىسى ضررى
یۇق اېدى. قىسقهسى تاغەم ایاغیدەگى بار اۋسىمتەلر برچەسى عملیات
قىلىنىپ آلىندى.

بو عملیاتدن کپین شهرده گی برچه داکترلر لیستی نی کوزدن
کپچیریب قره سک، تاغهم اوستیگه هیچ ایش قیلمه گن فقط ایکی
داکترگینه قالگن اېکن، خلاص!

اولردن بیریکه تاغهمدی آلیب باردیک. او تاغهمدی آدمیزاد
بؤلگنی گه ایشانالمهی تورگن حالده، برچه طبی ماجرالرینی باشدن-
ایاغ اېشیتیپ دېدی:

- طب علمیدن سیزگه بیران ایش بؤلله دی، دېب اویله مه یمن.
لیکن سیزدی بو وضعیتیز مینن حالیکچه تیریک سقلب قالگنی
اوچون، سیز بو علمدن منتدار بؤلشیز کپره ک. سیز خلق ارا داکترلر
کنگره سیده، اوشبو ساحه نینگ عجایب موهبتلریدن بهره مند بؤلگن
کیشی صفتیده تانیلیلشینگیز کپره ک!

کپین داکترینگ بو یروغی گه کؤره تاغهمدی ساچ سقالی،
قاشلری و کپیریکلرینی قیریب تشله دیک!

ایکینچی داکتر هم تېکشیریب، اونینگ بو یروغیگه کؤره
تاغهم نینگ برچه قالگن قوتگن تیشلری سوغریلیب آلیندی!

شونچه عملیاتلردن کپین، بیرکونی تاغهم ایتدی:

- کؤره سن، مېن تیریک قاله دیگن اېمس من. خودی بیر
پوفک (پوقانه) گه اؤخشب بؤشب قالیب من و سل ییل (شمال) ده
هواگه اوچیب کپته من. شونداق اېکن، قوی شو چېت اېل داکترلری هم
بوللریمدن بی نصیب قالمه سینلر!

سۆزلىرى حقيقتگە يقين اېدى. نهايت بىلەلەشيب انچه پولنى بېلگە توگىب، پاریس گە قرەب جۇنەدىك. او يېردە هيچكىم نى تانىمسىدىك. شو اوچون داکترلر نینگ يېرىگە باردىك.

داکتر معاینه قىلىپ، دېدى:

- آغزىزدى آچىنگ!

تاغەم آغزىنى آچتى. داکتر يېرتە مىدە انبور مېنن يېر آق ساچ تالەسىنى چىقردى. اپتېدن تېش بورس نىنگ قېلى گە اۋخىردى. كېين سۈرەدى:

- خوش، اېندى हालىز يىخشى بۇلدى مى؟

تاغەم تعجب بىلن دېدى:

- ھە، ھە ... جودە يىخشى من. هيچ قىنداق آغرىق سېزمېمن!

- جودە يىخشى، بىرچە تەكلىفلر يازانە شو تېش بورسى ساجىدن اېدى. موندن بويان تېشلىرىزدى يووگىنچە، ارەسىگە ساجى كىرىپ قالمىسلىككە دقت قىلىنگ!

شونداق قىلىپ تاغەمدى हालى يىخشى بۇلدى و يېز پاریس دن قېتىدىك. بىراق نې فايدە؟ ساغلانگىدن آلتى آى اۋتر-اۋتمس، او اۋلدى و ساغلاملىك داغىنى اۋزى بىلن گورگە آلىپ كېتدى.

بىراق اۋلىمى سېبى عملیاتلر طفیلی بدنې شۆش قالدگىلىگى اېدى مى يا بۇلمىسم وطنى داکترلر نصیب اېتگن فقر و بېچارەلىك مى دى؟

لیکن بولرگه قره مه ی، مہنیمچه او جوده چیدملی و قتیق جان
اېکن؛ چونکه داکترلر شونچه بلالر باشیگه یاغدی رگنی گه قره گنده، او
کۆپ ایلگری اؤلیب کبتیشی کبره ک اېدی!!

بیر چیت ابللیک استانبولده

مېن استانبول نینگ بالهسی من و آته-آنه دن استانبوللیک من. استانبولدن قچان که بیرار یاققه کتسم، نفسیم بۇغیلیب یخشی نفس آلالمه یمن، دېب اؤیله یمن. حتی امریکا، اروپا، پاریس، ایتالیا و پراکلرده بۇلگن چاغلریمده اوشبو ناراحتلیکنی سېزر اېدیم.

یوقاریده اېسلب اؤتیلگن شهرلر هرچند کؤپ گؤزهل دیر، بیراق استانبول نینگ گؤزهللیگی اؤزگچه و خارق العاده. مېن عجایب سېوگی بیلن استانبولنی سېوه من. شو اوچون هم، چیت اېل یا استانبولدن تشقیرگه باریب ایشلب، کؤپ یخشی درجه لر و نرسه لرگه اېگه بۇلگن اورتاقلریمدن کؤپ کین قالگن من.

حاضر هم تقاعدیمگه بېش ییل قالگن بۇلسه هم، استانبولدن چیقیشنی اؤزیمگه لازم کؤرمه یمن. خاتینیم هم اؤزیمدېک استانبوللیک. شونداق بۇلمه گنیده، او بیلن اصلا او یلنمس اېدیم.

مېن استانبوللیک بۇلگنیمگه فخرلنه من، چونکه اصل استانبوللیک اېندی قالمه دی، دېسم هم بۇله دی. حاضرگی استانبوللیکلر دېیرلی برچه سی اؤزگه شهر و قیشلاقلردن کېلگن کیشیلر دیر.

بولر جوده تېز اصل استانبوللىكلردن اجرەلىب كۆرىنەدى. علتى
اولرنيىنگ سۆزلىش لەجەلریدە دیر. چونكە اولر استانبوللىكلردېك
چیرایلى سۆزلەى آلمەیدیلر.

ایكى-اوچ آی آلدین اورتاقلریمدن بیرى لندندن بیر نامە
بیاردی. او نامەسیدە، یقین اورتاغلری بؤلگن انگلیس بیر اېر-خاتین
استانبولگە سفر قیلماقچیلر. سفر چاغلریدە اولرگە اویاق-بویاققە سیر
قیلیش و بازارلردن سودا آلیشلریگە همراھلیک و رهنمالیک قیلالەسن
مى؟ دېب سۆرەگن اېکن.

رد جواب بېرالمس اېدیم، البتە. دراو بیر نامە یازیب،
آمادەلیک كۆرستدیم. اگر سفرلری قیش اۋرنیگە یاز فصلیدە بؤلگنیدە
اېدی، اولر اوچون جوده یخشى و مراقلى بۇلر اېدی، دېب اېسلەدیم.
نامەنى جۇنتگندن سارە، درحال ادارهمدن حالیکچە هیچ
فایدەلنمەگن ۱۵ کونلیک رخصتیمنى آلیب، هر نقطه نظردن مهمانلرنى
کوتیب آلیشگە شى (آمادە) توردیم.

نېچە کوندن سۇنگ خاتینیم بیلن بیرگە قۇنالغە (طیاره میدانى)
گە باریب، مهمانلرنى کوتیب آلدیک و اولرنى ایلگریدن ریزرف
قیلینگن هوتلدە جایلاشتیردیک.

نېچە ساعت اۋتمەى توریب، هوتلگە باریب اولرنى آقشامدە
مهمانچیلەى اویگە آلیب کېلدیم. خاتینیم یخشى اوقاتلر پیشیرگن

اېدى. او احتياط يوزه سيدن، بير نېچه تورليک اروپاليك طعام هم تيارلەگن اېدى.

انگليس عيالى ملي طعاملرنى جوده ياقتيريب:

- سيزلرده بادمجان دولمه سيني قنداق پيشيريليشيني ايتاله سيز مى؟ دېب سؤره دى.

- بادمجان دولمه سى؟ بو خاتين بو يېمك نينگ آتيني قەيېردن بيله دى اېكن؟! حال بو كه اؤرتاغيم، اولر بيرينچى قتله استانبولگه سفر قيلماقچى، دېب يازگن اېدى-كو! ناچار سؤره ديم:
- كېچيرينگ خانم، سيز ايلگرى هم استانبولگه سفر قيلگن ميسيز؟

- يۇق، سيزنينگ گؤزل شهرينگيزنى بيرينچى كؤريشيم، دېدى او.

- اونده بيزنينگ بو وطنى يېمكىميز آتيني قەيېردن بيلدينگيز؟
حالېگچه بو يېمكدن يېگن ميسيز؟

- يۇق، بو يېمكدن حالېگچه تنى يېمه گن من. منتها سفر يېمكدن آلدن اؤلكه نگيز، اولوسى و عرف-عادتلرى حقيده كۆپ كتاب اؤقيب، حتى طعاملرينگيزنينگ آتلىرى و پيشيريليشيني هم اؤرگەنيپ آلديم. كېين انگليس خانمى بادمجان دولمه سى نينگ پيشيريليشى حقيده شونداق هم انيق و چيرايلى سؤزلب بېردى كه، كۆپ يىللردن بېرى يېب كؤرگن طعاميمنى يىخشى تانيمس ليگيمنى بېلىپ آلديم!

مەن انگلىس خانىمى نىنگ ايتىگن سۆزلىرىنى خاتىنىمگە
انگلىسچەدن تەرجىمە قىلار اېدىم. خانىم سۆزدەدى:

- خۇب، سىز قاۋرىلگن بادىجاننى قىنداق پىشپىرەسىز؟

بىرىنچىدىن پىيازنى قىزىرتىرەسىز مى ياكىيىن؟

خاتىنىم ناراحتلىك بىلەن خانىمگە جاۋاب بېردى. خانىم يەنە
سۆزدەدى:

- مەملىكىتىڭىز جۈدە قەدىمكى يۇرت ۋە سىزنىڭ
امپراتورلىقىڭىز كۆپ يىللار دىئادە ھەمراھلىك قىلگن. مەن ئاتلىرىنى
تۈتەدىگن بېمەكلەرنىڭ پىشپىرەش طەزىنى ايتىشىڭىز مەمكىن مى؟
- مەراق بىلەن، البتە!

انگلىس خانىمى بۇتون ھاياتىمىزدە اصلا ئاتلىرىنى اېشىتمەگەن
كۆپ تەمەللەردەن ئات تۇتدى. اگەر اولارنىڭ پىشپىرەش طەزىنى يىڭلىش
ايتىسك، اولار خەفە بۇلىشلىرى مەمكىن اېدى. شۇنىڭ اۋچۇن، ئارتىق
شەرمەندەلىككەن قۇتۇلماق مەقسەتتە ھەمراھلىق مۇسۇمىنى بىر ھەمراھ
اۋزىگە تەييار، كېنى سىياھەت ۋە مۇزىمەلەرنى كۆرىش ھەقەدە بوردىك.
شۇندە خانىم:

- مەن بىدنام مەھەلەنىڭىزنى كۆرماقچى مەن، دەدى!

اۋيالىب دەدىم:

- بىزنىڭ بىدنام مەھەلەمىز يۇق. شۇندە اېرى ائەراض قىلىپ
دەدى:

- بار... مېن كتابده اۇقىگن من. بدنام محلەنگيز جودە كته. مېن قلیان چكماق اوچون شھرىنگیز قهوه خانەلرىدن بىرىگە بارماقچى اېدیم.

- قلیان اېسكى زمانلر مالی دیر. حاضر شونداق قهوه خانە بار، دېب اۆیلەمەیمن.

- یۇق جانیم، حالی هم قهوه خانەلردە قلیان چكیش بارلیگینی بیز كتابلردە اۇقىگنمیز.

انگلیس خانمی دوام اېتدی:

- اگر موافق بۇلسنغیز، بیر كېچەنى بۇغازدە اۆتكەزىب بلیق

آوله سك. نیمە دېسىز؟

- اما مېن هیچ قچان بلیق آوله مەگن من.

- توب استانبوللیك بۇلیب، بلیق آوله مەگن بۇلشینگیز قنداق

ممکن دیر؟ شو حاضر "لوفر" آتلی بلیق نینگ اېنگ یخشی تورى

نینگ آولش پیتی دیر. كتابلردە اۇقىگنیمیزچە، آوچیلرینگیز توندە

فانوسلرنی یاقیب، قایقلردە اوشبو قیمتلی بلیقلرنی اولر اېكلر.

جودە ناراحت بۇلگن حالده، نیمەیی كه كتاب و كتابخوانگه

نفرین دېب، اۆزیم بیلن دېدیم:

- اونده دولت آدملرنی سوادلی قیلیشده اورینیب، سانینی

%۲۰ گە یتكرگنی بی چیز اېمس اېكن ده. اۆزیمیزنینگ سوادلیلریمیز

اویاقده تورسین، حتی بو انگلیس اېر و خاتین هم استانبولنی مېن

استانبوللیككه تانیتماقچیلر!

کېچکی طعام صرفلنگدن ساره، خاتینیم مهمانلرگه امریکالیک ساووق قهوه کېلتیردی. انگلیس خانمی سوره دی:

- سیزلر تورکی قهوه ایچمه یسیزلر می؟
- گاز اۋچاغیمیز امریکالیک بؤلگنلیگی اوچون کۆپ پیتلردن بېری ایچمه ییمیز...
- تون نینگ یریملریده اولرنی هوتللیرگه اېلتیب، ناراحت قیتدیم و بیر عمللب توننی تانگ آتیردیم.
- اېرتەسى ینه اولرنینگ قاشیگه باردیم. انگلیس اېرکگی ایتدی:
- بو هوتل چندان یخشی هوتل دېب اۋیله مه یمن. یخشیسی بیران توزوکراق و ارزانراق هوتلگه بارسک، دېمن.
- خواهش قیله من، قنداق که راحت بؤلسنگیز، اۋشنداق بؤلسین.

انگلیس مردک چۈنتگیدن استانبول نینگ برچه هوتل و مهمانخانه لری نینگ لیستینی چیقەریب، اۋقیشگه باشلەدی. بیراق مېن هیچ بیرینی بیلمس اېدیم.

اولر بیلن بیرگه هوتلدن چقیب، تاکسینی کوتیب توردیک. بیراق تاکسیدن درەک یۇق اېدی. انگلیس اېرکگی مېنگه باقیب:

- بیرآز یوقاریراق بارسک، تاکسی نینگ بېکتی (ایستگاه سی) بار، دېدی.
- اۋیله مه یمن.
- نیمه نی اۋیله مه ی سیز؟

- سيز ايتەديگن تاكسى بېكتىنى .
- بارليگىگە ايشانچىم كامل !
- خواه-ناخواه تاكسى بېكتى تمانگە يۇل آلدىك . تاكسىلر قنچەلر بۇش و قۇلىمىز بىلن ايما قىلسك-ده ، بيرارتهسى هم آلدىمىزگە تورمەدى . آلدىمىزدن سېكىن اۋتيب تورگن تاكسىنىنگ هيداۋچى سىدن سۇره دىم :
- جناب ، سواری آلمەى سىز مى ؟
- هيداۋچى ناراحتلىك بىلن دەدى :
- كۆزىنگ كۆر مى ؟... نېچە آدىم نىرراقده ترافىك تورگن - كو . اگر سىزلرنى مىندىرسم ، مېنى جريمە قىلەدى .
- انگلىس اېركك ناراحتلىگىمنى كۆرىپ ، دەدى :
- عزيز اۋرتاغىم ، ناراحت بۇلمە . مملكتىنگىزده تاكسىلر و سرويسلرنىنگ بېكتلىرى تېز-تېز اۋزگەرىپ تورىشىنى بىز كىتابلرده اۋقىگىمىز ؛ مثال اوچون : نېچە كون آلدىن بير بېكتده تاكسىگە مىنگن بۇلسىنگىز ، بوگون يوزگە يوز او يېر بېكت اېمس و اۋزگرگن . بو ، مملكتىنگىز ترافىكى نىنگ سياستى دىر . اولر عايدلرىنى آشىرماق اوچون بېكتلرنى اۋزگرتىرىپ ، تاكسىچىلرنى جريمە قىلەدىلر .
- ايشانىش قىين اېدى . انگلىس مردكى برچە دولتى و غىردولتى سر-اسرارندن باخبر اېدى . حال بو كه مردمىمىز بو حقدە هيچ نرسە بىلمس اېدىلر . ناراحتلىك بىلن اۋز تىلىمىزده دەدىم :

- مېنى مونچە سوال پېچ قىلمسلىگىنىڭ اوچون خدا بو زارماندە كىتابىڭنى قۇلىڭگەن آلسىن-دە!
- انگلىس مردگى كمال تعجب بىلن سۆردى:
- نېگە ناراحت بۇلدىڭىز؟ نېگە قرغەدىڭىز؟
- سىز توركچە بىلەسىز مى؟ دېپ سۆردىم عىبالەنىپ.
- يۇق اي، مېن توركچە بىلمەيمەن، لېكىن قرغىشلار و سۆكىشلەرنىڭ بىر كىتابىدە ئۇقۇڭان اېدىم و اولردن يىخشى خبرىم بار.
- بىز مردم بىران مەملىكتە بارماقچى بۇلسەك، نېچە آي آلدىن او حقىدە كىتاب مطالعة قىلىپ مەلۇمات تاپەمىز.
- ناراحتلىك بىلن:
- خۇش... بېسىز مى؟ دېدىم.
- انگلىس خاتىن دراو سۆزىمگە مەتوجە بۇلىپ، اىضاح سۆردەماقچى بۇلدى. بىراق انگلىس مردك نىڭ تىنابى قىستەپ،
- عمومى تىناب سۆردى.
- عمومى تىناب دېدىڭىز مى؟ بىزنىڭ شەرىمىزدە عمومى تىناب يۇق. خدا اجودەدىمىزنى كېچىرگەن بۇلسىن، اولر خداوند عبادتى بىلن بىرگە مردم نىڭ آسايشتەلىگىنى ھەم ئۇلەگەن اېكىنلر. يعنى اولر عبادت و راحتلەنىش اوچون مسجىدلر و مسجىدلردە اېسە تىناب و طھارتخانى ھەم قورگنلر.
- انگلىس مردك تعجب بىلن سۆردى:
- مسجىد يا كلىسادە قىنداق تىناب بۇلىشى مەمكىن؟

- حاضر بار، اولردن تشقۇرى عمومى تىشنايمىز يۇق. اگر جودە ناراحتسىز، هوتلگە قىتەيلىك.

جودە ناراحت بۇلگن انگليس مردگى خاتىنىگە باقىب دەدى:
- نظرىمدە بۇلىشى كېرەك. سېن نقشەنى كۆرگىن، قەياققە بارەيلىك.

انگليس عيالى دستكولىدن استانبول تىشناپلرى نىنگ عمومى نقشەسىنى چىقەرىپ، يەرگە آچىپ:

- شو خىيابان نىنگ سۇل (چپ) تمانىدە ايكي مترليك كوچه نىنگ اېليك مترليگىدە عمومى تىشناپ بار، دەدى!

اولر خجالت بۇلىشى اوچون، اۋشە يېردە تىشناپ بۇلمەگىنىنى خدادن ايستر اېدىم. بىراق يمان بختىمگە، عىناً خاتىنى نقشەدە كۆرستگن يېردە عمومى تىشناپ بار اېدى. مېن هم فرصتدن فايدهلەنىپ بارىپ راحتلىندىم. كېين ارزان هوتل تاپماق اوچون تاكسىگە مېنىپ، بېرىلگن آدرسگە يۇل آلدىك.

يۇلگە كېتەياتىپ، مردك مېندن سۆرەدى:

- خوش، ايتىنگ-چى: بو شەرنىنگ اصل مردمى قەيەرگە كېتىگن؟

- بىلمەيمەن، بىراق شونچە بىلەمەن كە حاضر اولر يۇقلر و ايش تاپماق اوچون اۋزگە يورتلرگە كېتىگن بۇلىشلىرى ممكن.

- ھە، بو يورت جودە كىمبىل و قشاق. اولر بىر لقمە نان تاپماق اوچون اؤز شەر و ديارلرینی ترک ايتىب كېتەدىلر، دېب كىتابدە اۇيىگىنىمىز!

تاكسى آدرس بېرىلگن ھوتل قرشى سىدە توردى. بو بىر چىندن ھم تىمىز، يىخشى و ارزان اېدى. اولر جايلىشىگىدن سارە، اولردن رخصت آلىب كېتىماقچى بۇلدىم. بىراق او ايكىتە "بې اۋغلو" محله سىنى كۆرەمىز، دېب اياق تىرەب آلگن اېدىلر.

مېن بۇلسە اولر نىنگ سىرتىمبەلىكلرىنى كۆرىپ، ناچار "بې اۋغلو" محله سىگە بارىشىگە كۆندىم و بىرگە يۇلگە توشىدىك.

توشلىك اوچون اولرنى بىر كتە رستورانىگە باشلەگىمىدن سۇنگ، انگلىس مردك رستورانىنى تانىماق اوچون دېدى:

- مېن ايچكىرىگە بارمەيمىن؛ چونكە ھم اوقاتلرى يىخشى اېمس و ھم جودە قىمت سەنىدى. عىبانىت بىلن دېدىم:

- بو ھم اۋشە كىتابدە يازىلگن مى؟

- يۇق، بونى اۋرتاغلىرىمىدن بىرى مېنگە ايتگن اېدى. او توشلىك قىلماق اوچون بلىق ساتوۋچىلر بازارى نىنگ اداغىگە بارىپ، يىخشى بلىق پىشىرىپ بېرەدىگن بىر بلىق ساتوۋچى دكانىدە اوقاتلەنىنگ، دېب ايتگن اېدى.

بېرگن آدرسگە بارىپ، محقر و افلاس بىر دكاندە پىشىرىلگن بلىق بېب چىقىدىك.

بو سفر اېر-خاتین ايكله اياغلرینی بیر اېتيككه تقيیب، قلیان چكماق اوچون بیرار قهوه خانه گه آلیب باریشیم نی ایسته دیلر. شونداق بیر قهوه خانه شهرینگ قیسی بیر بورچگیده بارلیگینی قنچه لر اویله سم هم، بیراق ذهنیمگه هیچ نرسه کېلمه دی؛ چونکه اؤشه کونگچه هیچ قچان قلیان چكمه گن و قهوه خانه گه هم بارمه گن اېدیم. اېر-خاتین قیته دستکوللریدن بیر کتاب چیقردیلر. بیرآزدن سؤنگ، مېنی بیر قهوه خانه گه آلیب باردیلر و اوچته قلیان فرمایش بېردیلر.

قلیانلر تیار بؤلگندن ساره چکیش و دود قیلیشگه باشله دیلر. هیچ بؤلسمه قلیان بېلله شوویده اولردن آرتته قالمسلیک اوچون، مېن هم قلیاننی پوفله ی باشله دیم. بیر وقت قره سم، قلیان سرخانه سیده گی الو قهوه خانه اؤرته سیگه آتیلیب توشیب، قلیان نینگ باش-ایاغیدن سوو تۆکیلماقده. انگلیس خاتین اونی توزه تگندن سؤنگ، مېنگه: - سیز پوفله منگ، بلکه سگرت چککندېک ایچیزگه ترتینگ، دېدی!

قهوه خانه دن چقیب بو سفر اوستی یاییق بازارگه باردیک. مېن بو بازارنی ایلگری کۆرگن اېدیم، شو باعث هیچ بیر کتابده اؤقیمه گن نرسه لرنی اولرگه ایتیپ بېره من، دېب خیال قیلگن اېدیم. بازارگه کیریپ بارگنیمیزده، انگلیس مردک قویده گی سؤراقلرنی مېندن سؤره دی:

- حکاکلر بازارنی قه پېرده؟

- كۆرپە تېكوۋچىلار تېمچەسى قەياقدە دى؟
 - عتيقە فروشلىك بازارى قەيسى تماندە دىر؟
 - خردە فروشلار رستەسى قەياقدە؟
- مېن بو سۇراقلىرگە بېرەدىگن جوايىم يۇق اېدى، چونكە او يېرلارنى اصلا كۆرمەگن اېدىم. انگليس عيالى ناراحتلىگىمنى يېقىب، دېدى:
- ناراحت بۇلمىگ. نېچە قەملىگىمىزدە قاۋرچاق ساتوۋچىلار بار، قاۋرچاقلارنى جودە ارزشلى دىر. اۋشە مغازەلرگە بېر باش اۋرىپ، كۆرەمىز.
- خانم بېرگن آدرسگە بارىپ، نېچىتە قاۋرچاق ساتىپ آلدىك. قالە بېرسە انگليس مردك يۇل بۇيى كېتا-كېتىگىمىزچە، اوستى يايىق بازارىنىڭ تارىخچەسى حقيدە معلومات بېرىپ باردى. دىللار بىلن اوشبو بازارىنىڭ قورگن كىشى سىنى تانىتر اېدى. او حتى بازارىنىڭ نېچە يىل بورون بوزىلگىنىنى ھم ايتدى!
- اولرىنىڭ كۆرستمەلىرى بىلن عمرىم بۇلىپ كۆرمەگن حكاكلر، كۆرپە-ياستىق تېكوۋچىلار، عتيقە ساتوۋچىلار، خردە فروشلىك بازارى، رستەسى و تېمچەلىرىنى كۆرىپ تانىشدىم. اۋشە كون عصرەدە اززانچە چرچىپ-ھارىپ، اولرنى ھوتلگە يېتكۈزگىمىدن كېين اويگە قىتدىم.
- اېرتەلب وقت ھوتلگە بارگىنىمدە، اولر حمامگە بارماقچى اېكنلارنى ايتدىلر. اولرنى عصرى لوكس حماملردن بېرىگە اېلىتىپ، چىققنلىرىگچە كوتىپ توردىم.

اېر-خاتین بلا قووله گندېک او پېردن دراو یوگوریب چیقیدیلر و
اعتراض آمیز لحنده دېدیلر:

- بیزنی برچه نرسه سی عصری و خارجی بؤلمه گن بیر اېسکی
حمامگه اېلتینگ، دېگن اېدیک.

انگلیس خانم ینه شهریمیز اېسکی حماملری نینگ نقشه سینی
چیقهریب یاییب:

- اېنگ یخشی اېسکی حمام منه شو یقینلریمیزده بار. منتها
کوندوزلری زنانه و کېچه لری مردانه اېکن. اېندی سیز مېنی او بیرگه
آلیب بارینگ و کوتیب تورینگ، دېدی.

خانم نی ایسته گن حمامیگه اېلتگندن سؤنگ، مردک بیران
قهوه خانه گه باریب بیرآز نرد اؤینه یلیک، دېب پیشنهاد قیلدی.

- مېن اېسه نرد تخته سینی بیلمه یمن، دېدیم.

- فرقی یوق، مېن سیزگه اؤرگته من، دېدی!

جوده قینلیک بیلن اونى نرد اؤینشدن واز کېچیرتیردیم.
اینیقه خاتینی کېلیب قؤشیلگندن سؤنگ، موضوعنی بوتونله ی
اونوتدی. مردک بو سفر کوندوزی اېرککلر و کېچه سی خاتینلر
باره دیگن عمومی حماملردن بیرگه باریشنی پیشنهاد قیلدی.
پیشنهادنی قبول قیلیب، مهمانلرینگ برکتیدن استانبول نینگ بیر نېچيته
عمومی حمامینی کؤریشگه اېریشدیم. چونکه اؤشه کونگچه اویده گی
حمامدن فایده له نیب، عمومی حماملرگه هیچ هم بارمه گن اېدیم.

شونداق بۇلىب اۋشە كون اۋتىب، كېچەسى اولرىنىڭ رهنمالىگى بىلن قايىقە مېنىب، "سوفر" بلىغى آويگە باردىك.

اولرىنىڭ كۆرستمەسى و رهنمالىگى بىلن ۱۵ كون ايچىدە آتلىرىنى ھەم اېشىتمەگن كىتابخانەلەر، موزىملەر، مسجىدلەر و مشھور جايلارنى كۆرىشگە موفىق بۇلدىم. اينىقسە سوپورگى سازلىك و حلواپزلىك كارخانەلرنى كۆرىش مېن اوچون يىڭى و قىزىقرلى اېدى.

اولر استانبولنى ترك اېتىب كېتەدىگن كونى مېندن سۈرەدىلەر:
- سىز استانبوللىك اېمىس سىز، كېيىن بو اولكن شەرگە كېلگن مېسىز؟

شرمىندەلرچە ايتدىم:

- تۇغرى بىلدىنگىز. استانبولگە كېلگىمىز اونچە وقت بۆلمەيدى!

- مثال اوچون قىچە مدت آلدىن بو شەرگە كېلگن سىز؟

- بېش يىل بورون!

- خۇش، بو مدتدە استانبولدە نېمە قىلر اېدىنگىز؟

- مېن دولت مامورى مەن. اېرتەدن آقشامگىچە ادارهدە ايشلەيمەن.

انگلىس عىالى دېدى:

- اوندە سىز بوتونلەي بىر استانبوللىك سىز. چونكە كىتابلار

بىر استانبوللىكنى اۋشنداق كە سىز ايتدىنگىز، شرح قىلگنلر!

انگلىس مردك ايتدى:

- حیف که قیش اېدی و استانبول نینگ یخشی یپرلرینی
کؤرالمه دیک.

نېچه کوندن سؤنگ اولرنی اوچاغ (طیاره) نینگ زینه پایه سی
آلدیگچه کوزه تیب باردیم. بیر هفته دن کپین اولرگه تشکر آمیز بیر نامه
یازیب، استانبول نینگ تماشا قیله دیگن یپرلری بیلن مېنی
تانیش تیرگنلیکلری اوچون تشکر بیلدیردیم.
اولر نامه مگه جواب یازیب، کپله سی یازده استانبولگه کپلیب،
مېن تانیمه گن و بی خبر بؤلگن استانبول نینگ کؤپ جایلرینی
کؤرسه ته میز، دېب وعده بېرگنلر!...

